

WANTOK




OCEAN BLUE
Tuna in oil
Rait teist
yah!



Wan Wik, Januari 5 - 11, 2006 NAMBA 1641 NIUSPEPA BILONG YUMI OL PNG STRETI K1.00 long Mosbi tasol - Ausait Mosbi K1.30

GUT BAI SIR 'BILL'



INSAIT:

• **pela**

• **Nogat maket bilong
vanilla - Pes 8**

**Mipela save
lukim kain kain
piksa long dis-
pela man,
tasol planti lik-
lik manmeri i
save kolim em
'Raitman'...**

*Lukim moa stor: long pes 2 na 3
Komentri: Skate - Tru tru PNG man*



Why Do More People Buy

 **TOYOTA HIACE**

You Get More than Just a Bus...

Stock available for
Immediate delivery
Call in and see us Now!

- ✓ Most Popular vehicle in it's class
- ✓ More features ✓ Competitively Priced
- ✓ More added Safety features
- ✓ Fully Supported by Toyota Genuine Parts and Quality Service Nationwide

Ela Motors

15 BRANCHES NATIONWIDE

PORT MORESBY PH 3229400 • LAE 4781900 • KOKOPO 9829180 • MADANG 8522188 • GOROKA 7321844 • MT. HAGEN 5421888 • WEWAK 9562255 • KAVIENG 9822788 • KIRABE 9835155 • TABUBIL 5489060 • VANIMO 8571254 • PORGERA 5479367 • BUKA 9739915 • LIHIR 9364099 • ALOTAU 6410100

Sir William Skate - Lida bilong ol grasruts

Andrew Molen
i raitim

PLANTI bai i nap tingim em olsem lida bilong ol grasruts pipel na wanpela Praim Minista husait i save singsing rok 'n' rol musik na i no save wari long wanpela samting.

Fevret rok 'n' rol singsing bilong em we em i save pilaim planti taim wantaim laip ben em "Hound Dog" bilong Elvis Presley na wanem hap em i go em i no save wari long kisim planti bodi gat bilong wanem em save tok; "Bilong wanem bai mi poret long ol pipol bilong mi na bilong wanem bai mi hait long ol?"

Long Sentrel Provins ol i save lukim em olsem papa bilong ol Papuan pipol na ol manki long strit na ol lain long ol setelmen na ol grassroots i save tok "Paps" taim em i go raun long hap bilong ol.

Sir William tu i wanpela strongpela memba bilong palamen

husait i holim sit olsem rijinel memba bilong Nesenel Kapitol Distrik (NCD) tripela taim olgeta na i bin Praim Minista bilong Papua Niugini long 1997 taim 'Sandline Crisis' i bin kamap.

Tasol Sir William bai i no i nap pairapim rok 'n' rol bilong em moa na ol sapota na lain bilong em bai i no i nap lukim pes o harim nek bilong "Paps" bilong ol moa long strit o long ol bung bilong ol.

Long Tunde 3, Januari 2006, Sir William Jack Skate i dai long Wesley haus sik long Brisbane, Australia long wanpela sik long lewa bilong em.

Long Mande nait, nius long T.V na redio i tokaut olsem Sir William i dai pinis tasol i stap long laip sapot masin long wetim tok orait bilong ol femili bilong em tasol ol i no laik rausim ol masin na wet long lukim sapos sampela senis i nap kamap tasol long Tunde, nain kilok moning ol i rausim masin long em.



Leit Sir William Skate.

Praim Minista Gren Sif Sir Michael Somare i tok bikpela sore tru long dai bilong Sir William long leta bilong em i go long Lady Rarua.

"Sir William i putim bikpela han long politikol developmen bilong

PNG na dai bilong em bai i lusim bikpela spes i stap we bai i no i nap isi long pulapim," Sir Michael i tok.

Haus sik i salim Sir William long Pot Mosbi i go daun long Brisbane long Sarere bik moning (12:30am) wantaim meri bilong em, Lady Rarua bilong wanem ol nes i straik na i no i gat i nap dokta long lukautim ol sik man.

Em i bin i stap long laip sapot long dispela taim i kam tasol long Mande bodi bilong em i go daun moa na em i wok long lusim pait bilong em.

Sir William i gat rekot long sik long blut (presa bilong blut i antap) na long lewa na i save i go i kam long haus sik long Pot Mosbi na Queensland na laspela taim em i go long haus sik long wankain sik em long Ogas las yia.

Sir William i mekim bikpela wok long sait bilong pinisim pait long Bogenvil taim em i stap Praim Minista na tu long sapot

bilong em egensim Sandline long dispela taim.

Em i bin kisim nem nogut taim wanpela bipo wokman bilong em, Mujo Sefa i rekotim em long T.V we em i tok olsem em bikman bilong ol raskol pasin long Pot Mosbi, tasol ol dispela samting i no stopim em na wok bilong em i go strong yet.

Sir William i go insait long palamen long 1992 we em i kamap olsem spika bilong palamen i nap long 1995, em i Praim Minista long 1997 i go 1999 na namel long 2002 na 2004 em i kamap olsem spika na ekting Gavena - Jenerel.

Papa bilong Sir William em bilong Australia na mama bilong PNG na em i bikpela long Kaugere long Pot Mosbi we em i raun long ol setelmen na strit wantaim ol manki inap em i kamap bikpela na i go insait long politiks. Krismas bilong Sir William i 52 taim em i dai.

Tingim bek 'Bill'

Andrew Molen
i raitim

LASPELA taim nem bilong em i kamap long ol nius stori olgeta hap long kantri na tu long wol em taim em i helpim stopim pait long Bougainville na bihain taim ol i rekotim em i mekim sampela tok olsem em i papa bilong raskol long Pot Mosbi siti.

Nau nem bilong em i pairap ken long olgeta nius stori long kantri na wol tasol dispela taim ol i stori long dai bilong em.

Tupela bikpela samting olgeta manmeri bilong Papua Niugini bai i tingim bipo praim minista bilong ol Sir William Skate long en i gutpela na nogut wantaim.

Gutpela sait em long bikpela wok em i mekim long stopim pait na helpim long kamapim gutpela na isipela sidaun long Bougainville taim em i stap Paim Minista long 1997 i go long 1999.

Planti ol lida long Bougainville i save amamas na i respektim na ol i wokbung wantaim em long lukim dispela samting i kamap.

Nau long dai bilong em, Presiden bilong Bougainville otonomes gavman, Josph Kabui i go pas long tok sore na tu amamas long wok bilong Sir William na tu pasin bilong em long bungim olgeta manmeri wantaim na i nogat wari olsem ol pipol bilong Bougainville bai i tingim em tu.

Praim Minista bilong PNG Sir Michael Somare i tok wok bilong Sir William long kisim isipela sidaun i go long Bougainville em olgeta man i save long en olsem wanpela bikpela wok em i mekim.

"Planti i ken tok olsem ol i kamapim isipela sidaun long Bougainville tasol nogat wanpela bai i senisim olsem Sir William i go pas

long ol na stretim rot bilong dispela long i kamap," Sir Michael i tok long wanpela pas bilong em i go long meri bilong Sir William, Lady Rarua.

Sir William i bin toktok strong tu egensim Sandline, wanpela praivet ami kampani, gavman bilong dispela taim anit long praim minista Sir Julius Chan i bin kisim i kam long pait egensim ol BRA long Bougainville long 1997. Em i bin kamap Praim Minista tu long dispela taim.

Em i stap olsem het bilong kantri i nap long 1999 we i lukim Sir Mekere Morauta i rausim em long dispela sit.

Samting nogut we i daunim nem bilong em i kam taim em i stap praim minista we wanpela bipo wokman bilong em i rekotim em long T.V we em i tok em i papa bilong ol bikpela raskol grup long Pot Mosbi na em i tok wanem bai ol i harim na mekim tasol.

Bihain long dispela Sir William i tok; "Ol i mekim mi spak na toktok bulsit."

Sir William husait mama bilong em, Liz Ipai bilong Rigo na Galp Provins na papa bilong Australia em mama karim long Rigo na Galp Provins na papa bilong Australia em mama karim long Septemba 26, 1953 tasol long dispela taim ol lain i lukautim kantri i no luksave long ol marit namel long ol wait na ol asples na tu long ol pikinini bilong ol.

Long dispela as susa bilong mama bilong em, Aivai wantaim man bilong John Jack i kisim bebi William na i lukautim em olsem pikinini bilong ol yet.

Sir William i bikpela long Kaugere setelmen long Pot Mosbi namel long ol grasruts na taim em i kamap memba bilong palamen long 1992, em i save pinis long hatpela laip na hevi ol dispela kain lain i save bungim olgeta de.



WANTOK

To all our valued clients and readers due to rising costs in printing, freight and other expenses our advertising rates has increased by 10% as of January 1, 2006. You will be advised by mail in the coming weeks.

"The Wantok will remain great value for money. With our low rates and huge Tok Pisin readership right across PNG we can help you go further with your message and achieve your goals.

We take this opportunity to wish you all a prosperous 2006.

For all your advertising requirements

Call the WANTOK Marketing Team Now !!
Bonner Hui, Frederica Siwin & Steve Meyu

Phone: 325 2500

Fax: 325 2579

Email: word@wantok.com.pg

'Mi bin save kisim strong long en' - Somare

PRAIM Minista Gren Sif Sir Michael Somare i tok sore bilong em long dai bilong Sir William Skate.

Long wanpela pas bilong em i go long Lady Rarua, meri bilong Sir William, Sir Michael i tok Sir William i putim bikpela han long politikol divelopmen bilong Papua Niugini na dai bilong em bai i lusim bikpela spes i stap long gavman we bai i hat long pulapim.

"Pasin bilong em long toktok stret long ol samting i kamap long ol pablik i soim olsem em i wanpela man husait i save laik lukim wok i kamap na i no sidaun na toktok tasol," Sir Michael i tok long pas ya.

Sir Michael husait i kisim malolo i stap i sotim holide bilong em na i kam bek taim em i harim toksave long dai bilong Sir William.

Em i tok wok bilong Sir William long kisim

isipela sidaun i go long Bogenvil em olgeta man i save long en na em wanpela bikpela wok em i mekim.

"Planti i ken tok olsem ol i kamapim isipela sidaun long Bougainville tasol nogat wanpela bai i senisim olsem Sir William i go pas long ol na stretim rot bilong dispela long i kamap," Sir Michael i tok.

Sir Michael i tok tu olsem Sir William em i wanpela sempion na

lida bilong ol liklik manmeri o ol grasruts bilong wanem em i bikpela namel long ol na i save long sidaun na wari bilong ol.

"Pasin na we bilong em long luksave long tingting na wari bilong ol grasruts em i no olsem bilong ol narapela," Sir Michael i tok.

"PNG bai i sot tru long toktok na pasin bilong em."

Em i tok long Sir William long bikpela namel long ol grasruts

na i bungim planti hevi long laip bilong em taim em i yangpela na i go kamap olsem wanpela bikman na memba bilong palamen i soim tru hatwok bilong em long wanem samting em i bilip long en.

"Long mi yet, Sir William i bin wanpela gutpela poroman tru.

"Taim mi bin i stap oposisen lida na i nogat planti gutpela poroman, mi kisim planti sapat na strong long em," Praim Minista i tok.



MOSBI siti nau i stap wantaim wari. Ol setelmen pipel na ol grasruts manmeri i wari long indai bilong Sir William Skate. Planti long ol dispela manmeri bai i ken tokim yu olsem Sir William, dispela man we planti lain manmeri long ol arapela kantri i no bin givim tumas luksave long en i bin wanpela gutpela man husait i bin save long hevi bilong ol liklik manmeri.

TASOL maski ol arapela kantri i bin tanim baksait long mipela bikos ol i tok mipela i gat wanpela rok en rol praime minista, ol liklik gras ruts manmeri insait long NCD i bin luksave long pasin bilong Sir William. Tru tumas, pasin bilong yumi ol PNG, em Sir William i no bin sem long soim. Em tru tru PNG pasin.

LONG Morobe provins long wik antap, bai lukim bikpela bung bilong Luteran Sios insait long PNG. Sapos yu laik ritim ol stori na lukim ol piksa bilong dispela bikpela bung, lukluk long namba wan niuspepa bilong yumi ol gras ruts yet.

YUMI PNG yumi wanpela narakain kantri olgeta. Maski lida i kisim mekimsave bilong kot pinis na i go stap long kalabus. Taim em i laik sindaunim wanpela kibung bilong ol arapela lida, mipela i lusim em i go aut. Olsem wanem? I luk olsem mekimsave bilong dispela lida ating kot i mas apim i go antap liklik. Laka?

LO bilong kantri em i lo li karamapim yumi olgeta. Maski yu lida, ti boi o bos kru. Yumi olgeta i mas harim na luksave long mama lo bilong kantri.

Skate bai kisim luksave bilong gavman

Andrew Molen i raitim

BIPO praime minista bilong Papua Niugini na rijinet memba bilong Nesenel Kapitel Distrik (NCD), Sir William Skate bai kisim luksave olsem bipo hetman bilong kantri insait long wanpela bikpela stet funere l o taim bilong planim em.

"Sir William Skate bai i kisim stet funere l bilong wanem em i bin wanpela praime minista bilong PNG," Ekting Praime Minista, Sir Moi Avei i tokaut aste (Trinde).

Sir Moi i tok Sir William i bin spika bilong palamen tupela taim na planti taim em i bin ekting Gavana Jenerel tasol em i bin praime minista bilong kantri tu olsem na em bai kisim stet funere l stret.

"Mipela i tingim tu olsem em i no bipo praime minista tasol, em i wanpela gutpela lida we planti manmeri olsem ol lain long grasruts level i save laikim na bihainim olsem na mipela bai olgeta pipel, ol famili na tu ol bikman bilong kantri na husait ol i kam long ovasis tu bai i gat sans long lukim na soim laspela rispek bilong ol long en," Sir Moi i tok.

Bodi bilong Sir William bai kam long Pot Mosbi long Sarere apinun we Sir Moi olsem Ekting Praime Minista wantaim ol narapela minista bai bungim em long ples balus.

"Mipela i makim Sarere apinun na i no Fraide bilong wanem planti manmeri bai i laik lukim em na Fraide em i taim bilong wok olsem na mipela i putim long Sarere," Sir Moi i tok.

Em i tok polis bai givim tait sekyuriti long dispela taim.

Long ples balus ami bai givim gan salut na bihainim bai

em i go long haus bilong ol indai man long Erima.

Long Sande na Mande bai bodi i stap wantaim famili bilong em, Tunde bai em i go long Kaugere na bihainim long Pari.

Long Trinde bai em i slip long nesene l palamen na Sir Moi i tok dispela de bai pablik i gat sans long lukim Sir William laspela taim na em i singaut tu long ol pipel long noken mekim nabaut na bagarapim ples long dispela taim.

Lotu bilong Sir William na planim bodi bai i kamap long Fonde neks wik.

Ol nes i go bek long wok

Veronica Hatutasi i raitim

OL bai katim pe bilong ol nes husait i bin skruim straik bihainim long namabawan toksave we ol Helt na gavman atoriti i bin givim aut long Disemba 23.

Deputi Helt Seketeri Dokta Isaac Ake i tok dispela em rot we olgeta lain i save bihainim taim ol wokman i lusim wok.

Tasol em i tok em i amamas nau olsem ol nes i go bek long wok na sevim ol siklain insait long ol haus sik long kantri.

Ol nes i bin go bek long wok long dispela wik Tunde Januəri 2, 2006 bihainim long lusim wok long Mande Disemba 19 las yia, wanpela wik bipo long Krismas. Inap long dispela taim na dispela wik Tunde, ol nes i no bin wok long 16-pela de olgeta.

Dokta Ake i tok bihainim namba tu singaut gen long ol i pinisim stop wok na go bek long wok long dispela wik, ol nes long planti haus sik i bin go bek long wok. Long Pot Mosbi Haus sik, sampela nes i bin go long wok long Tunde. Em i wetim ripot bilong ol Sief Eksekutiv Opisa long Wewak, Kavieng na Popondeta Haus sik long toksave long em sapos ol nes i go bek long wok.

Em i tok situesen i wok long luk gut na ol toktok i go het namel long ol lain HR bilong Helt Dipatmen na ol lida bilong Nes Asosiesen na Dipatmen bilong Pesene l Menesmen long lukluk long

...Tasol bai ol i katim pe

as tru bilong wari na hevi ol nes i straik long em.

Long nau em i tok, ol bai monitaim na glasim situesen i stap, wetim kot disisen long tude.

Dokta Ake i tok straik i no bin bihainim lo bikos bipo stop wok i stat, Nes Asosiesen i mas putim ol kleim bilong ol na bihainim, ol i mas holim sikret balot na tok-

sanapim ol liklik lain i wok taim straik i go het bikos dispela pasin i kamapim birua long laip bilong pipel.

Long wankain taim, Helt Minista Melchior Pep taim em i autim tok amamas long ol nes i go bek long wok, i tok em i sori long sampela lain insait long Nes Asosiesen husait i putim pesene l laip bilong ol antap long lo bilong

Ol wari we ol nes i holim stop wok long em, stat yet long mun Jun long las yia em long gavman i go hetim 2000 awod i karamapim:

"Stretim ol Gret bilong ol nes na peim ol aninit long nupela gret na statim pe aninit long nupela gret long Disemba 31.

"Insurens na sefti long wok sait na HIV/AIDS

"Ritrensmen pei bilong ol yet bikos nau ol i nogat.

save long ol memba long risal bilong sikret balot.

Long sait bilong katim pe, Dokta Ake i tok "em i rot we ol lain i lusim wok i save lusim pe. Ol nes husait i bin sakim tok na skruim straik bihainim toksave long go bek long wok long Disemba 23 bai ol i katim pe bilong ol na nogat long ol dispela i bin go bek long wok.

Dokta Ake i tok em i no amamas long sindaun insait long Pot Mosbi Jenerel Haus sik we ol nes i no bin wokim

kantri na putim laip bilong ol pipel long hevi.

"Praioriti long gavman bilong mi em laip bilong pipel i mas stap antap na lukautim olgeta taim. Wantaim dispela long tingting, gavman i kisim kot oda long pinisim straik, we i no bihainim lo. Dispela straik i mas pinis. Taim ol nes i stap long wok, bai em i opim rot long hariap go hetim ol toktok na ol i ken stretim ol wari bilong ol nes. Ol dispela i sakim tok bai i kisim bikpela mekim aninit long lo bilong

kantri," Minista Pep i tok.

Em i tok em i toksave long het bilong Helt Dipatmen long helpim ol nes na ol i ken harim na stretim ol wari bilong ol kwiktaim.

Taim straik i bin go het, ol dokta i bin wari tru bikos ol bin kisim taim tru wantaim planti wok na nogat inap malolo bikos taim ol nes i stap, ol (nes) i save mekim planti wok na long sif o sampela i wok long san na ol arapela long nait. Tasol dispela i no bin kamap bikos nogat nes o liklik lain nes tasol na ol dokta i bin wok wantaim nogat malolo.

Ol dokta i memba bilong Nesenel Doktas Asosiesen (NDA) i bin holim wanpela bung long las wik Fonde na askim ol bikman long Helt Dipatmen na gavman long toktok wantaim ol lida bilong Nes Asosiesen na stretim dispela straik hariap.

Bikpela toktok bilong ol nes em sefti na kondisen i sut long pe em ol samting we ol bin singaut yet long yia 2000 na ol i no kisim gutpela bekim tumas long em. Na nau ol bin minim bisnis bikos laip i hat na sekyuriti na sefti bilong ol i stap long hevi wantaim ol kain sik olsem HIV/AIDS na ol arapela moa na ol bin laikim ol atoriti long glasim na skelim na stretim hevi bilong ol nau.

Sampela dai na bikpela hevi i bin kamap insait long ol haus sik long kantri taim ol nes i bin stap long straik.

Fiji soldia strong long wetim U-Vistrak peiaut

...tripela long Mosbi bai go bek

POLIS Komisina na Ekting Siaman bilong Nesenel Sekyuriti Edvaiseri Komiti Sam Inguba ol wok bung wantaim Bogenvil Otonomes Gavman long kisim 5-pela sldia bilong Fiji i stap yet long Bogenvil.

Faipela ya i hap long 8-pela Fiji soldia husait i bin go long Bogenvil long mun Novemba taim Noah Musingku papa bilong kon mani skim, U-Vistrak i kisim ol i go givim sekyuriti trening long ol woklain bilong dispela skim.

Bihainim ol toktok namel long ABG na ol arapela gavman atoriti na Fiji Hai Komisin long Mosbi, Fes Seketeri Amosi Rakai i bin go long Tonu, Saut Bogenvil na tripela man tasol i kamaut pinis we ol i stap long Mosbi wetim ol imigresen na ol Nesenel Sekyuriti lain i mekim wok painimaut long ol.

Olgeta 8-pela man i abrusim mak long stap long PNG we i bin pinis long Disemba 29, 2005 tasol 5-pela i stap yet long Tonu i tok ol i no inap long lusim ples inap Noah i peim ol K2 milien we em i promis long givim wan wan long ol.

Mista Inguba long dispela wik i tok tripela husait i stap long Mosbi moa long tripela wik pinis em ol bai salim ol i go bek long Fiji kwiktaim bikos tok orait long stap long PNG i abrus pinis.

Em i tok ol i no sasim tripela long wanpela samting bikos i nogat evidens o samting i soim olsem ol i brukim PNG Maigresen Ekt.

"Long narapela 5-pela ya, mipela i wok wantaim ABG long kisim ol i kam long Mosbi na mipela bai lukluk long ol bihainim ol wok painimaut i kisim mipela long en," Mista Inguba i tok.

Long wankain taim, ol ripot i kam long Bogenvil i tok 5-pela Fiji soldia i stap bek long Tonu i tok strong olsem ol bai ino ken lusim ailan inap Noah i peim \$US 2 milien we em bin promisim wan wan long en.

Ol ripot i tok ABG bai bihainim rot bilong pis long kisim ol i kamaut long Tonu tasol i luk olsem samting i stap nau long han bilong Noah na promis em i mekim long ol.

Morobe Etministresen bai Kot wantaim setelmen lain

Bustin Anzu i raitim

TOKTOK long rausim ol setelmen long Lae siti i strong yet namel long ol setelmen lain na Morobe Provinsel Gavman.

Nau yet, Provinsel Gavman i wetim kot oda we ol setelmen i kisim long stopim wok bilong rausim ol.

Gavana bilong Morobe i tok em i no gat stori long mekim long dispela long wanem ol setelmen lain i stap longpela taim long dispela hap ples.

Ol lain asples bilong Lae siti i bin pasim tingting long rausim ol lain insait long setelmen namel long 1 mail i go long 5 Mail. Dispela eviksen o rausim inap long kamap long las wik long Nu Yia wik tasol ol lain long setelmen i kisim wanpela kot oda na dispela i no hariapim Provinsel gavman long i go het wantaim dispela eviksen.

Morobe Provinsel Gavman Edministreta Manasupe Zurenuoc i tok ol bai wet i go inap Januari 10, taim kot i makim long lukluk long dispela kot oda. Sapos kot i rausim dispela oda, gavman bai i go het wantaim dispela wok long rausim ol setelmen lain.

Mista Zurenuoc yet i go sanap long kot long las wik, i bin tok olsem nay yet ino gat lo i tambuim ol long rausim

ol lain tasol long gutpela pasin, ol i mas wet i go inap Januari 10.

Edministreta yet i bin holim toktok wantaim ol lida bilong ol dispela setelmen na kamapim sampela tok-tok pinis long ausait bai ol i ken stretim dispela ol hevi we wok long kamap insait long setelmen.

Long dispela taim tu ol lida bilong setelmen i tok ol i rong tu long kamap long dispela hap ol ples. Na gavman i gat rait long rausim ol long dispela hap aninit long mama lo bilong Lens Ekt. Sampela ol lidaman i tok sampela bilong ol i kisim hevi bilong narapela.

Gavana Luther Wenge i tok em ino inap kisim hevi sapos sampela i kisim bagarap. Planti bilong ol dispela lain i stap moa long 30-40 yias na aninit long lo tu i tok ol i gat rait tu long stap.

"Ol i stap longpela taim long ol dispela ples na kamapim planti senis insait long provins na tu, ol man, i no pik, dok na rausim ol nau tasol.

Gavana i tok em ino inap kisim hevi sapos sampela i kisim bagarap na em i singautim oigeta lain long wok bung wantaim.

Strongim bilip na mekim wok

Bustin Anzu i raitim

PLANTI Kristen manmeri bilong Luteran sios bai kukim ples Wasu, insait long Morobe Provins long taim bilong namba 25 sinod.

Ol deleget bilong Hailans bai kisim ka i go long Madang na kisim sip i go long Wasu taim ol narapela distrik insait long Morobe provins olsem Mumeng, Boana, Yabim na Siassi na Papua bai kisim sip long Lae.

Ol deleget bai stat long i go long Wasu long Januari 6 na 7 long dispela wik. Na sinod bai op long Januari 8. Long Januari 11, stat long moning i go inap long apinun, em taim bilong

...Wasu bai pulap long ol deleget

selebresen bilong aniveseri na jubili.

Sampela ol bikpela samting we sinod bai toktok long em ol bihain taim bilong sios, bruk insait long sios, sios bai go hetim ol bisnis olsem Luteran Siping, HIV/AIDS na moa.

Aninit long het tok bilong dispela jubili sinod: "Sanap strong long bilip na mekim wok", Bisop Reverend Dokta Wesley Kigasung i tok ol wokman bilong sios i mas gat dispela kain bilip na tingting na wok long en.

Bisop Kigasung i bin tokim Redio Morobe, maus bilong Kundu long stat bilong dispela wik olsem dispela em het tok we bai dispela jubili sinod bai holim long en.

"Aninit long dispela het tok long dispela sinod, ol Kristen i mas bilip na luksave long wok bilong ol. Mipela mas bilip na sanap strong na mekim wok misin bilong mipela,"

em i tok.

Em i tok tu olsem 2006, em bai 120 yia bilong Luteran sios i stap long PNG. Dispela yia tu i makim 50 yia anivesari long sios i oraitim sios oda o konstitusen na mekim wok bilong em yet. Na tu dispela sinod long Wasu Hai Skul em namba 25 sinod olsem na planti samting bai kamap insait long dispela sinod.

Bisop Kigasung, husat i mekim las pela toktok bilong em bipo long go insait long ileksen bilong makim nupela bisop i tok ol Kristen man meri insait long kantri i mas prea olsem dispela opis mas kamap long gutpela pasin na ino pasin hait.

"Dispela opis bilong bisop em i wanpela Holi pela opis olsem na ol ino ken pilai politiks. Ol Kristen mas prea na askim Holi Spirit na God Papa long makim wanpela rait pela man long lukautim dispela opis na mekim wok bilong Luteran sios insait long kantri. Ol i

mas tingting long wok bilong sios," bisop i tok.

Bisop tu i kisim dispela taim na tok tenk yu long ol Kristen man meri bilong Luteran sios long ol prea bilong ol na sapotim em long mekim wok bilong em long 8-pela yias i go pinis.

"Dispela em i no wok bilong mi. Em i wok bilong sios mi mekim na mi laik tok amamas long 8-pela krismas igo pinis long ol sapot bilong yupela. Mi mekim wok bilong sios long prea bilong yupela na sapot bilong yupela," bisop i tok.

Em i tok insait long dispela sinod em bai gat tupela bikpela samting; amamasim 50 yias sios i kisim tok orait long sios oda o konstitusen na 25 yia jubili bilong sinod.

Narapela ol samting bai kamap long dispela sinod em ileksen bilong makim nupela bisop, namba tu bisop na sios seketeri.

- Jubili Sinod p6



WANTOK

Hey Wantok your favourite newspaper gives you more than the news.

We can expose you to the massive pidgin market with advertisements and inserts and help you with your printing, design and translation needs.

Talk to us today!

Call the WANTOK marketing team now for an obligation free quotation.

Bonner Hui, Frederica Siwin & Steve Meyu

Phone: 325 2500

Fax: 325 2579

Email: word@wantok.com.pg

Bogenvil Bai ileksen stat long Sarere

Aloysius Laukai i raitim

BOGENVIL Rijinel Sit Bai-ileksen bai stat long dispela Sarere igo inap long tupela wik na pinis long Sarere Januari 21.

Sit i stap nating bihain long John Momis husat i bin holim dispela sit insait long 33 krismas i bin risain long mun Epril las yia bilong resis long Bogenvil Otonomes Gavman ileksen. Em bin lus na Joseph Kabui i bin na nau em i kamap presiden bilong Otonomes Gavman long Bogenvil.

Elektorel Komisina Andrew Trawen i tok wok long ronim dispela bai eleksen i wok long go gut tasol.

Sikspela kendidet i resis long dispela sit em long pailot Isaiiah Moroko i sanap olsem independen kendidet tasol pati bilong Presiden Kabui i sapotim em, foma Ombutsmen Komisina na nesenel Palamen Klak Simon Pentanu i narapela, Joel Banam, Aloysius Banono em wanpela bisnis man, biknem na longtaim meri lida Theresa Jaintong na olpela Bogenvil Primia bipo long hevi em Leo Hannett i sanap long resis tu. Taim tasol bai lukim husat i win.

Ol ripot i kam long Bogenvil i tok olsem ol i stretim sait bilong poling na balot pepa i bin kamap long Buka long wiken.

Kauning bilong ol vot bai stat taim voting long Buka i pinis na taimolgeta ilektorel grup

long Buin, Arawa na ol auta ailan i kam bek long Buka. Ol rit pepa i mas kam bek long o bipo Februari 10, 2006. Ol sinia elektrol komisen opisa i flai i o long Bogenvil long dispela wik long statim wok long graun.

Mista Trawen i tok i gat sampela samting we ino klia tumas olsem poling insait long hap bilong No Go Zone tasol em i tok em bai disien bilong Ritening Opisa long karimaut poling we sekyurati bai stap.

Emi tok dispela bai- eleksen ino wankain olsem Bogenvil Otonomes Gavman ileksen na husat i laik vot ausait long Bogenvil mas gat orait aninit long gaidlain o stiatok bilong Ogenik Lo long Nesenel na Lokol-Levol Gavman ileksen.

"Husat stap long rot tasol i stap ausait long Bogenvil long taim long poling mas aplai long postol vot setifiket na postol balot pepa. Ol bai putim strongpela ligel gaidlain na ol i mas etresim aplikesen i go long long Ritening Opisa. Aplikisens long dispela bai op 10-pela de behain long givim aut ol rit pepa na aplikisens we i kam bihain long 4pm long de bipo poling i stat bai ol i no yusim bikos em bai egensim lo," Mista Trawen i tok.

Em i tok i gat planti askim long dispela na i tokaut long ol lain husat laik vot long rinim Ritening Opisa long sampela moa askim o lukim ol rait lain long lo.

Dispela bai-eleksen bai yusim Limited Prefrensai Voting (LPV) Sistem.

K108 milien Bogenvil baset

Aloysius Laukai i raitim

BOGENVIL Otonomes Gavman (OBA) i tokaut pinis long K108,300 milien baset bilong dispela yia.

Dispela em i bikpela manimak baset provins i kamapim insait long 18 krismas, stat yet long yia 1987 i kam inap nau.

Long wankain taim tu, ABG i plen long kamapim klostu K20 milien insait yet long provins na em i lukluk long kisim long takis bilong ol man, kampani, ol bisnis haus,

stoa na ol-arapela rot we em i ken katim takis long em.

Fainens Minista bilong ABG, Mathias Salas i bin givim Bogenvil Baset o moni plen long 2006 i go long Haus bilong Representiv long las wik.

Dispela baset tu i nambawan we ABG kamapim bihain long kirapim bilong em (ABG) long mun Jun long dispela yia.

Bikpela hap mani long dispela baset i kam long Nesenel Gavman Gren i gat mani mak long K78,665,000.00 na namba tu bikpela man-

imak inap long K25,276,000 i kam long ol Dona Ejensi. Brukim mak bilong mani gren mani i kamapim baset na ol i kam long wanem hap em, Ankondisinel Rikaren Gren K38,789,000; Polis Gren K2,000,000; Kondisinel Gren K1,600,000; Restoresen na

Developmen Gren em K10,000,000; Distrik Sapot Gren K1,000,000; na Dona Fanding, K25,276,000.

Revenu o mani we ABG i laik kamapim long namba wan taim em ol makim long mak bilong K19,732,000 na em i bikpela go antap long mani we Bogenvil i bin kamapim long ol yia i go pinis. Em long

mak bilong K1.2 milien tasol long olgeta yia.

Mani we ABG i laik kamapim bai kam long ol kain santing olsem:

Takis (GST, Lika o bia L a i s e n s) K2,800,000.00- Takis long Pei K10,000,000.00 na

Balens long 2005 Developmen Gren K 6,932,000.00.

ABG Baset bilong dispela yia bai lukluk strong long kisim ol sevis i go long distrik level na strongim pablik sekta long mekim ol wok kamap rijen

Mak long mani ol i katim i go long Distrik Sapot em K1,000,000.00, Distrik Helt em K300,000.00; Distrik Wara em K300,000.00 na Distrik

Lo na Jastis em K300,000.00. Ol narapela rot we mani bai kam long en em Lo na Jastis Sekta Program (AUSAid) long mak bilong K1,900,000.00 na ol narapela projek we i gat mani mak long K1,900,000.00.

Olgeta manimak inap klostu long K10 milien.

Pisi singaut long wok bung wantaim

Aloysius Laukai i raitim

SINGAUT i go long ol Me'ekamui na Otonomes Bogenvil Gavman (ABG) long wok patna wantaim olsem ol namel lain na lain bilong kamapim pis long lukim olsem Bogenvil i gat gupela as long sanap long em na go hetim wok long nupela yia.

Memba bilong lora long "No Go Zon" eria, Dokta Mathew Pisi i wokim dispela toktok long wanpela bel gut pasin seremoni long Arawa.

Em i askim olgeta pipel i stap long ol grup na sait bilong lusim tingting long ol bel hevi ol i gat long wanpela narapela na wok bung

gut wantaim long kamapim gut Bogenvil.

Em bin wokim strongpela toktok long Bogenvil i tusim tingting long ol samting i kamap pinis na lukluk strong long developim nau na bihain taim.

Long wankain taim, oipela BRA Komanda na nau wok long kamapim pis long Bogenvil, Ishmael Toroama i bin singaut long ABG long kamapim ol strongpela lo na noken slek na larim sampela grup i daunim em.

Em i tok ol pipel bilong Bogenvil i bin laikim Otonomi Gavman na em i askim watpo na sampela lain i no sapatim dispela nau taim ailan i kisim pinis.

Askim Telikom long sekim ol lain

...NGI rijen kisim bikpela telipon bil

PLANTI lain insait long Niugini Ailans rijen i belhat long bikpela na krangi telipon bil na ol i askim Telikom long lukluk hariap na strtim dispela hevi.

Ol ripot i tok insait long las tupela mun, ol gavman na praivet opis, bisnis haus na ol pipel i gat telipon long haus bilong ol i kisim bikpela bil tumas. Ol lain i gat telipon long haus i kisim sas long mak namel long K500 i go antap taim ol bisnis haus i kisim moa long K1,000.

Ol i tok long bipo, ol i no save lukim dispela kain telipon bil na olsem ol i askim telikom long sekim ol telipon lain bilong ol sapos ol i wok gut.

Ol i tok sapos i gat sampela bagarap long ol telipon lain, i moabeta long Telikom i stretim dispela hariap na antap tu long dispela, i moabeta ol i sekim kompyuta sistem bilong ol we ol i save wokim sas o bil i go aut long pablik.

Telikom i no wokim wanpela toktok yet long dispela samting.

COURTS

X

SEIT

Win up to **K1,000**
SCHOOL FEE
SURPRIZE!
for your child. 2006

OL FANTASTIK DOLA NA SEIVINS LONG OL KAGO OL MAKINI DAIM NAU!

Long olgeta droa bai igat NIU Praiz long...

K80,000.00

K55,000.00

K45,000.00

K40,000.00

K30,000.00

K25,000.00

K20,000.00

K15,000.00

K10,000.00

K5,000.00

SEIVIM K80

FRI GIFT

DIPOSIT K1.00 Tasol

HEVI DIUTI #LE0009
2+1+1 Launs Sia
Bipo Kes K1,799

K66
LONG PATAIT
K1,979
K1,719
KES NEBI

SEIVIM K105

DIPOSIT K1.00 Tasol

BUDGET #LQ0001
Dabol Sofa Bed
* Yu ken stridgen gut stria a nagas yu inap stretim baksait bilong yu i belkraitim klostu.
Bipo Kes K599

K21
LONG PATAIT
K569
K494
KES NEBI

K9
LONG PATAIT
K199
K169
KES NEBI

DIPOSIT K1.00 Tasol

RITA MH-3006 #MB0018
4-Self Buk Kabot
- 4 self bilong putim ol buk

K14
LONG PATAIT
K345
K299
KES NEBI

DIPOSIT K1.00 Tasol

ODI LH168 #SB0033
Bilas Rak/Self
- 4 pela self bilong putim ol bilas kago
Bipo Kes K299

BAIM NAU SEIVIM NAU

Ready

The Courts Price
The Lowest Price Anywhere

COURTS

Edim valu Olgeta deil

PORT MORESBY - OP 7 PELA DEI 302 5800 or kam long Spring Garden Rt, Gordons / LAE: OP MON-SAT 472 4800 or kam long Milfordhaven Rd, Lae, Morobe Province.

IMPORTANT STUFF: Courts Ready Finance is now available for you to apply! Call into our stores for more information on the terms & conditions. Courts K1.00 DEPOSIT is subject to Terms & Conditions. See in store for details on this lowest deposit in PNG. *Price shown on the product(s) advertised here is subject to change at any one time without notice. We reserve the right to correct errors and misprints. Product(s) shown was available at the time of press printing. Some items may not be available in other Courts store. Free gifts are subject to availability. *Sale Ends - 31/01/06

ELC/PNG redi long holim sinod

Bustin Anzu i raitim

EVANJELIKEL Luteran Sios bilong PNG (ELC - PNG) i redi nau long holim bikpela bung bilong sios ol i kolim Sinod na tu, amamasim 50 yias bilong sios i kamap independen na silva jubili bilong sinod.

Ol bai holim namba 25 sinod long ples Wasu insait long Morobe Provins. Olgeta Luteran insait long kantri bai prea olsem dispela sinod bai wanpela gutpela sinod.

Dispela sinod em bai wanpela bikpela na planti samting bai kamap insait long dispela sinod. Dispela sinod tu bai pulim planti deleget bilong susa sios autsait long kantri na insait long PNG. Dispela sinod tu bai makim 50 yias anivesari long wok misin insait long kantri bihaintaim long sios oda o konstitusen i oraitim sios long kamap wanpela sios. Long dispela sinod em ol i kolim olsem jubili sinod long wanem em namba 25.

Namba wan sinod i bin kamap long ples Simbang long Finschhafen insait long Morobe Provins, long Februari 12-13, 1956, ples we namba wan na brukim bus misineri Johannes Flierl i bin kisim gutnius ikam long kantri. Long dispela sinod, namba wan bisop bilong Luteran sios em Dokta John Kudar, bilong Amerika.

Long dispela sinod tu, ibin gat tripela distrik tasol. Dispela ol distrik em Kote, Yabim na Madang. Bisop Kudar wantaim ol dispela distrik presiden i wok bung wantaim long strongim wok misin i go het yet. Na

igat wanpela skul bilong misin istap long Hailans.

Bihain long 120 yias bilong Luteran istap insait long kantri, nau igat 16-pela distrik wantaim ol distrik presiden bilong ol. Na wok bilong misin igo het yet wantaim planti Kristen man meri insait long kantri.

Moa long 10-pela sios lida bilong narapela kantri bai kam long witnessim dispela Jenerel sinod bilong Luteran sios bilong PNG. Long dispela sinod tu, bai ol i makim nupela bisop, namba tu bisop na sios sekretari.

Taim bilong sinod istap sampela 25 yias igo pinis, Dokta Kudar i bin kamap namba wan bisop. Bihain long em igo pinis, leit Sir Zurenuoc Zurenuoc i namba tu man long kamap bisop. Na namba tri bisop em leit Sir Getake Gam. Bisop Reverend Wesley Kigasung, husait i stap olsem bisop long namba tu taim bilong en, em namba foa bisop.

Olgeta bisop i save holim opis long olgeta 4-pela krismas tasol. Taim dispela 4-pela krismas i pinis, ol i save makim ol nupela bisop long ol kain sinod olsem.

Long pastaim, ol i kolim olsem Evangelikal Luteran sios bilong Papua Niugini (ELCPNG). Dispela em namel long 1956, namba wan taim sinod i stat na ikam inap long - 1975. bihain long dispela yia i kam inap nau, nem i senis igo long ELC - PNG.

Long dispela sinod tu, ol bai lon-sim wanpela nupela awot system long luksave long wok bilong ol sios wokman long ol taim bihain.

Sik AIDS i go bikpela long Vanimo

Ari Haba i raitim

OLSEM olgeta provins long kantri, Sandaun Provins i wok long painim olsem namba bilong pipel wantaim HIV/AIDS wok long kamap bikpela tru na bikpela singaut i go long ol lida, ol NGO, bisnis kampani na olgeta manmeri long wok wantaim Provinsel Helt Dipatmen na Provinsel Gavman long helpim daunim dispela sik.

Wantaim ol bikpela wok o projek we bai

klostu kamap long Sandaun olsem gol maining long Frida, wel drilling ong Aitape na loging long Lumi, i gat bikpela nid long man-pawa o ol wokman long wokim wok tasol dispela ol bikpela namba long ol manmeri i gat AIDS long provins i wok long kamap olsem bikpela hevi.

Siaman bilong Sandaun Provinsel AIDS Komiti, Joe Sung i bin tokaut long dispela samting.

HIV/AIDS i bin kamap long Papua Niugini long

1987 we i bin gat ripot long 6-pela konfem lain i kisim dispela sik. Long 2005, i gat moa long 100,000-pela man husat i gat HIV/AIDS. Planti bilong dispela lain em ol yangpela man na meri.

Provinsel Helt Edvaisa, Desak Drorit i tok AIDS i wok long kamap bikpela tru long kantri na Papua Niugini i go pas long Australia na Nu Silan na ol arapela ailan kantri insait long Pasifik rijen long stap nambawan long lista we i gat planti man na meri

husat i gat HIV/AIDS.

"Olgeta man na meri i save long dispela nem AIDS na bagarap em i save kamapim-watpo na namba bilong ol yangpela man na meri namel long 14-27-pela krismas i bikpela tru na ol pipel namel long 24-27-pela krismas tu i bikpela?"

Ol skul pikinini o yangpela man husat i kisim trening long kisim wok...planti man na meri bai sapos mipela i tok mipela no save long sik AIDS," Mista Drorit i tok.

Kopi sting long Waria

...Askim Provinsel Gavman long helpim

Bustin Anzu i raitim

HEVI bilong rot i mekim na samting olsem 1000 kopi beg i stap long bus bilong Wara Waria veli insait long Morobe Saut Kos. Dispela ol kopi beg i ken kisim samting olsem K130, 000 i go long ol kopi growas.

Wanpela kopi growa bilong ples Kauru insait long Waria veli em Jerry Gari i tok em yet i gat 300 pela beg kopi, we wan wan bek i karim 50 kilogram. Em i wetim ol lain bilong baim kopi inap long las mun yet.

Na ol kopi beg bilong ol narapela lain long ples i olsem 700 beg.

Olgeta i wetim ol baias long ples yet long wanem dispela rot bilong Waria-Biaru i bagarap olgeta na Sim ples balus i pas long 1998.

Em i tok ol papa mama bilong ol skul pikinini i kisim taim long ol skul fi bilong ol pikinini bilong ol long dispela yia. Na luk olsem wan kain hevi em ol bai kisim sapos ol dispela rot em ol ino stretim.

Mista Gai i tok hevi bilong skul fi i mekim na planti papa mama i kisim bikpela hevi na dispela em wanpela bikpela samting.

Em i singaut long Morobe Provinsel Gavman long helpim ol

kopi growas long kisim ol kopi i kam aut na ol i ken painim ol lain long salim.

Em i tok tu olsem Waria LLG presiden na deputi Gavna Utika Siserta i bin tokim ol kansela long stat bilong las yia olsem Provinsel Gavman i putim K600, 000 long stretim rot tasol ol kansela i no lukim sampela senis long dispela rot.

"Waria veli i wanpela ris veli long kopi, muli, pinat, painapel na ol narapela prut. Tasol ol man meri ino inap salim na kisim mani long wanem rot long dispela hap i bagarap nogut tru" Mista Gai i tok.

K6 milien bilong siti rot

Bustin Anzu i raitim

OLGETA rot insait long Lae siti bai kisim bikpela luksave long dispela nupela yia bihain long Morobe Provinsel Gavman i putim mani long sait.

Long stat bilong dispela yia 2006, olgeta hul long rot bilong Lae siti bai i no stap ples klia moa.

Gavana bilong Morobe Luther Wenge i tok insait long dispela K124 mani plen bilong 2006, Morobe Provinsel Gavman i putim K6 milien long stretim ol rot. Dispela em i go antap wantaim K5 milien long las yia.

Dispela em bai gutpela tru long ol man meri bilong Lae siti na ol bisnis tu long wanem olgeta taim i gat komplem long gavman bilong Wenge long olgeta hevi bilong rot insait long siti.

Dispela wok bilong stretim ol rot tu bai lukim olsem wara Bumbu tu bai kisim sampela luksave long wokim gutpela baret na banis bilong wara ken ron stret.

Gavana Wenge i tok dispela baset em i bilong stretim na kamapim ol projek i stap pinis. Dispela baset bilong 2006, em namba wan taim baset mani i winim K100 milien inap taim Provinsel Gavman i bin kamap long 1980.

Narapela K1 milien, gavman i putim long sait long klinim Lae siti. Ahi land Mobilization program i kisim K200, 000 long stretim graun bilong ol yet long skruim siti i go aut.

Dispela luksave bilong gavman long ol rot bilong Lae siti nau bai mekim ol man meri isi long raun long wanem, dispela hevi bilong rot i mekim na planti ka i bagarap na planti tes long raun long ka.



BANK OF PAPUA NEW GUINEA

PRESS RELEASE

KINA FACILITY RATE (KFR) FOR JANUARY 2006

The public is advised that based on assessment of key macroeconomic indicators available to the Bank of Papua New Guinea, the KFR will remain unchanged at 6.0 percent in January 2006.

L. Wilson Kamit, CBE
Governor

Tupela wanpisin sainim agrimen long lusim pait



PIS SAINING: Tupela haustain i sainim Pis agrimen.

Timon Henry i raitim

TUPELA wanpisin bilong Kondup Konjop na Mendopo Humsen long Bela insait long Apa Mendi distrik i bin bung na sainim las agrimen bilong tupela long stopim ol bel kros na hevi i bin kamap bihain long bikpela pait bihainim dai bilong Leit Francis Pusal.

Mista Pusal i bin dai long han bilong ol birua long Pot Mosbi.

De bilong sainim Pis Agrimen i bin bungim planti ol manmeri bilong olgeta hap bilong Bela i bin kam long lukim bikpela samting ya. Na maski bikpela ren i pun-

daun, ol pipel i bin stap inap ren i pinis.

Pis Agrimen sainim long Bela i no bin kamap gut bihain long tupela wanpisin yet i pulim taitim toktok long wanpela narapela long dai bilong leit Mista Pusal. Namba wan brata bilong leit Mista Pusal i tok tupela wanpisin i bin kros pait longpela taim, 13 krismas na dispela i mekim na ol gavman semis i no go long ol pipe long ol ples i stap longwe. Em ol sevis olsem helt, edukesen na ol rot na bris samting.

Samting olsem 13-pela pipel bilong Mendopo Humsen wanpisin i dai tu long dispela wan pisin pait.

Brata i tok bikos em i

laikim gutpela sindaun na semis i go long pipel, em i sanap wantaim ren long sainim pepa o tok nogat long pait.

Bela i bin i gat ol gutpela skul na dispela skul i bin kamapim planti ol kainkain save man na meri i wok long olgeta hap bilong Provins na tu long Sauten Hailens Provins, tasol ol i tok pait i mekim na olgeta gutpela samting we i bin stap i lus pinis.

Ol i tok dispela hevi bai stap yet inap long ol lida i go insait hariap na strefim na maski long ol lida i go insait na sapotim pait.

Maus. Man bilong Katolik Daiosis bilong Mendi, Bisop Stephen Reichert i tok pis tru i

mas kamap long ol pipel. Na em bin askim ol yut husat i spak raun na wokim trabel long lusim dispela a pasin na soim laik pasin long ol arapela brata susa. Na tu, long givim bel long ol birua bilong ol.

Bisop Stephen i autim tok piksa long tupela man i wokim haus, wanpela long ples wesan na narapela long strongpela graun olsem na em i askim ol manmeri bilong Bela tupela wanpisin olsem sapos ol i wokim pis antap long wesan, orait wara bai karim i go na sapos ol i wokim pis antap long ples ston bai pos bilong pis bai stap strong na bai ol i no inap kisim bagarap long tais bilong win o ren.

Pipel singautim provinsel gavman long tok klia

Timon Henry i raitim

SINGAUT i go nau long Sauten Hailens Provinsel Gavman long tok aut klia long wanem sevis em i givim long ol Pipel bilong dispela provins i gat planti risos long em bipo long 2007 Nesenel lleksen i kamap.

Samting olsem 500,000 pipel nau i singaut long Provinsel Gavman long tokaut klia long ol pipel long Koroba/Leik Koplako,Tari/ Pori,Komo/Margarima, Nipa/ Kutubu, Imbongu, Pangia/ lalibu/Erave na Kagua long wanem kain wok ol i bin kamapim long wan distrik.

Ol pipel i tok i no gutpela long karamapim ol hevi i stap baksait na ol laikim ol wan kain olsem ol arapela Provins i kisim. Edukesen, Lo na Oda, Helt Sevis, Infrastraksa Developmen na Mentenens i olsem wanpela rabis hul na ol Baset Mani bilong wan wan yia em i olsem sil bilong putim antap long pes, nogut supia bai kisim em.

Ol Pipel i no laikim tru long ol lida na tu long ol MP' na ol LLG presiden long noken paulim ol mani bilong ol pipel.

Ripot kam long Wantok olsem Edukesen, Lo na Oda, Helt Sevis,

Infrastraksa Developmen na ol kain wok i no kamap insait long wanwan distrik. Ol i tok tu olsem olgeta skul insait long Sauten Hailens i bin painim hat taim tru long kisim save bikos fri edukesen polisi bilong provinsel gavman ino bin ron gut.

Olsem na planti ol Gret 12 sumatin i feil long tes na ol i stap bek long ples. Ol papamama tu i no amamas long Fri Edukesen Polisi. Em i bringim ol les pasin i kam insait long skul na ol papamama i les tru long baim skul fi bilong ol sumatin bilong ol.

Wanpela Gret 12 sumatin husat i no laik givim nem i tok em i kam long las ples tru

long kisim save gut tru tasol, Fri Edukesen Polisi bilong Sauten Hailans Provinsel Gavman.

Gavman i kisim ol kain kain manmeri i bin skul bipo long kam skul gen long namba 2 bikos ol wantok bilong ol i wok tisa.

Ripot i tok olsem ol pipel i no bel gut taim ol i harim olsem Gavana Hami Yawari i tok, "Olgeta ples manmeri i sindaun na wokim baset bilong dispela yia 2006.Olsem na ol i tok provinsel gavman i bin yusim nem nating bilong pipel na wokim baset.

Mendi Daiosis i lusim gutpela wokman

KATOLIK Daiosis bilong Mendi insait long Sauten Hailens Provins bin lusim Prinsipel bilong Komyuniti Helt Wokas Trening (CHW) leit John George Kilia bihain long taim em wantaim famili bilong em i go aut long Krismas malolo long ples Det insait long Poroma Distrik. Leit Mista Kilia i bin lusim laip bilong em bihain tasol long em i pundaun klostu long Haus bilong em.

Komyuniti Helt Wokas (CHW) insait long Det i kirap hariap na salim redio wailes i go long Kutubu long yusim Satalait telipo long ringim Katolik Daiosis bilong Mendi Opis long tok save long ol olsem Mista Kilia i

dai pinis. Insait long dispela taim ol i salim tok save i go long Sista Gurdentia Meier long salim Ambalens ka long kisim bodi bilong leit Mista Kilia. Taim ka i kam, ol i karim bodi bilong i go antap long Mendi Jenerel Haus sik na putim em long Mok.

Tupela de bihain ol lain bilong tupela sait bilong man na meri wantaim i tok orait long ol Dokta long wokim tes long painim aut wanem kain sik em kisim na dai. Taim ol i wokim tes pinis ol i kam tok aut klia olsem leit Mista Kilia i bin dai long Hat Attek o sik bilong lewa. Ol i tok tu olsem em i nogat ol arapela sik long bodi bilong em long bipo.

Dokta tu i painim aut

olsem insait long bodi bilong em i pulap long planti gris o fat olsem na blut bilong em i no inap long ron hariap na i bin blokim hapsait lewa bilong em na em i dai.

Leit Mista Kilia i bilong Koroba Leik Koplago Distrik na em i bin wok insait long Katolik Daiosis bilong Mendi olsem tisa bilong skulim ol yangpela long kamap nes manmeri insait long Daiosis na tu long Sauten Hailens Provins.

Long matmat misa bilong em, Bisop bilong Mendi Daiosis Stephen Reichert

i bin tok i gat taim taim bilong sori, wari, krai, sik na taim yumi stap laip tu na yumi bin stap amamas.

Why Do More People Buy

TOYOTA HILUX

You Get More than Just a Ute...

Stock available for immediate delivery
Call in and see us Now!


- ✓ Top Selling vehicle in PNG
- ✓ More Power ✓ More Space
- ✓ More Style ✓ Compattively Priced
- ✓ More added Safety features
- ✓ Fully supported by Toyota Genuine Parts & Quality Service Nationwide

Ela Motors

15 BRANCHES NATIONWIDE



Nogat maket bilong vanilla



RED LONG SALIM: Ol vanilla bin i redi tasol i nogat hap bilong salim. Andrew Molen i raitim

I NOGAT moa maket bilong vanilla long Papua Niugini na planti fama i wari olsem ol bai i mekim wanem wantaim ol vanilla bin bilong ol we ol i draim pinis.

Dispela singaut i kam long sampela fama bilong wanpela koperetiv grup long Sentrel Provins, Eboa Agrikalsarel sosaiti.

Ol i tok ol i gat planti bin i stap we ol i draim gut tru i go long A-gret level stret tasol i no i gat gupela maket long we ol i stap long salim dispela samting bilong ol.

Mista Mariano Ike, wanpela didiman na bipo sekenderi na hai skul tisa na tu fil opisa bilong sosaiti em i wanpela fama husat i autim dispela wari.

Mista Ike husat i lusim wok tisa bilong em long Gordon sekenderi skul long Pot Mosbi tripela yia i go pinis na i go bek long ples bilong em long Mekeo long Kairuku eria bilong Sentrel Provins i tok planti fama olsem em i wok long painim hat bilong wanem ol i nogat hap bilong i go na salim ol bin bilong ol.

"Ol opisel bilong nesenel dipatmen bilong agrikalsa i tokim mipela long kamapim dispela ol projek we i lukim mipela statim ol koperetiv sosaieti tasol nau taim ol vanilla i redi mipela i painim olsem i nogat maket long salim ol bin bi long mipela," Mista Ike i tok.

Tasol dispela i olsem i nogat maket stret bilong vanilla, i gat sampela ol man insait long kantri husat i save baim na salim i go long ovasis tasol ol fama i tok dispela ol lain i no save baim ol gut tasol ol i save kisim moa taim ol i salim dis-

vanilla bin bilong PNG i no drai na dispela i bagarapim nem bilong PNG long wol maket.

Long dispela taim i nap nau maket bilong vanilla long kantri i olsem em i dai olgeta na ol fama olsem mista Ike i bungim bikpela hevi.

Ol i bin painim tu olsem ol dispela vanilla i bin i kam long Sepik eria.

"Mipela i laikim bai gavman na ol pipel i mas save olsem vanilla i no gro long Sepik tasol, em i gro long ol narapela Provins tu olsem sapos i gat asua long ol vanilla bilong wanpela hap orait ol i mas lukluk long ol narapela Provins," mista Ike i tok.

Em i tok taim ol DAL opisa i helpim ol long kirapim dispela koperetiv sosaiti, ol samting ol i lukluk long planim em tapiok, kavar na bikpela lukluk i pas long vanilla.

"Ol i bin kamapim sampela woksap kos long hia tu tasol nau ol i bihainim ol dispela wantaim helpim.

"Wanem samting mipela i laikim em long i gat rot stret long salim vanilla bilong mipela i go long intanesenel maket sapos nogat orait i mas i gat wanpela hap bilong prosesim o stretim vanilla bilong mipela long hia long kantri," mista Ike i tok.

"Dispela ol lain husait i stap olsem ol namel man i wok long bagarapim ol fama wantaim liklik moni na kisim bikpela moa taim ol i salim ol bin ken long ovasis."

Long ples bilong em long Eboa, mista Ike i soim wanpela plastic bek pulap wantaim vanilla i drai gut i nap olsem siks kilogram we em i traim long salim tasol i no i nap.

"Olgeta dispela nau bai i go bek long rabis long gaden bilong mi," em i tok.

Mista Ike i gat tu narapela 1000 vanilla i gro i stap long gaden bilong em we em i statim tripela yia i go pinis.

"Mipela i westim taim nating long mekim dispela, hatwok bilong mipela i go nating na nesenel spais bod, nesenel na provinsol DAL na Tred na Industri bod i no mekim wanpela samting long dispela," em i tok.

Narapela memba na ekting vais siaman bilong sem koperetiv sosaiti, mista Camillus Ongogo Andrew i sapatim tok tok bilong wantok bilong em.

"Bilong wanem ol i tokim ol pipol long planim vanilla taim i nogat maket bilong en?"

"Sampela namel man i saisim namel long K10 na K30 long wanpela kilogram bilong hai gred bin we ol i drai gut tru na dispela i no street na i no

gupela," mista Andrew i tok.

Em i tok taim ol i statim koperetiv planti man i planim vanilla na wanpela nau i gat moa long 7000 i gro i stap.

"Long las tripela yia i kam ol vanilla i bikpela na redi tasol nau i nogat maket bilong ol," mista Andrew i tok.

"Nesenel na provinse! DAL na Tred na Industri bod i no mekim i nap long kamapim ol maket."

Mista Andrew i tok tu olsem ol dispela koperetiv sosaieti em i hap bilong "Green Revolution" program bilong gavman tasol na dispela program i no luk olsem em i "Green" tumas long ai bilong ol.

"Nau em ol pipel i katim ol vanilla bilong ol na planim tapiok," em i tok.

Nau i luk olsem em i gupela long planim ol samting we i gat gupela maket bilong ol hia na log ovasis tu na husait ol i gat vanilla i gro i stap yet long gaden bilong ol, ating i luk olsem ol i mas wet i nap narapela ais i bagarapim ol gaden bilong Madascar ken.

Ol sik manki kisim amamas

OL manki long Pot Mosbi jenerel haus sik na long Vadavada setelmen i bin amamas tru taim ol i kisim sampela gupela presen long Sarere 24 Disemba, las yia.

Ol dispela presen i kam long bikpela kampani, Rimbunana Hijau (RH) we sinia sels na maketing eksekutiv, Ramona Balasubramaniam i go pas long en wantaim helpim bilong eksekutiv dairekta na ol narapela wokmanmeri.

Ol givim ol pilo, betsit o blanket karamap na matres we ol lain long setel men i bin amamas tru long kisim long kain taim we i gat planti ren na ples i kol.

Misis Balasubramaniam i tok, "em i gupela tru long givim kain samting i go long ol lain husait i laikim tru."

"Yumi olgeta i mas mekim kain liklik samting olsem bilong wanem em bai i helpim planti lain tru."

Em i tok tenkyu tu i long kampani long sapot bilong ol long givim ol dispela samting we em i tok i gupela long lukim kain bikpela kampani i givim i go bek long kantri.

Ol manki i kisim ol toi na samting bilong pilai, ol dring na kaikai, klos na ol narapela samting olsem ol sospen na samting bilong kuk em ol i givim long ol marna na ol narapela along Vadavada setelmen.

Siaman bilong komyuniti developmen komiti na man i makim maus bilong ol lain i kisim donesen, mista Peter Laiam i tok tenkyu na amamas i go long RH na ol wokmanmeri bilong em long pasin ol i mekim.

"Laip i hat na yupela i tingting long helpim mipela wantaim sampela gupela samting long helpim mipela long kain taim bilong krismas," Mista Laiam i tok.



WOKIM WOK: Ol polis insait long Nesenel Kapital Distrik i bin mekim gut wok long daunim ol kain kain hevi i save kamap long taim bilong Krismas na MBU Yia.

Gerehu polis na Waigani stap gut

Paulus Tali i raitim

KRISMAS na niu yia, long Gerehu na Waigani insait long Pot Mosbi i no bin i gat bikpela trabol o birua i kamap na olgeta samting i ron orait tasol long planti manmeri. Bikpela ren i bin pudaun na bagrapim plen bilong sampela tasol planti i no wari na mekim nois yet long krismas na niu yia wantaim tasol i nogat bikhet pasin i bin kamap.

Long Gerehu ol i amamas bilong wanem ol salvesen ami i bin helpim ol polis long kaikai long ol

i ken amamas na mekim wok bilong ol, wanpela sinia konstobol, long Gerehu

husait i no bin givim nem bilong em long i tok, boss bilong polis long hetkwata na stesen i mas lukluk long kain pasin ol Selvesen Ami, nau i mekim.

Arapela gut nius long Gerehu em ol sekuriti bilong BSP Benk i bin helpim gut ol Gerehu polis long karim aut polis man pawa, ol polis long Gerehu tok, tenkyu go long ol sekuriti long ol long dispela wokbung we

i bin kamap gut tru.

Ol liklik hevi tasol olsem simukim spak brus na ol yangpela dring stim bia tasol na singaut i go i kam i stap tasol bikpela trabol i nogat. Ol man meri amamasim gut krismas na niu yia, long hap bilong ol wanwan yet.

Wain kain ripot tu kam long Waigani" nogat planti hevi kamap ol liklik olsem long Gerehu.

Wanpela samting i pasim liklik wok bilong polis em ol i sot long kar tasol ol i no wari na i go het wantaim wok bilong ol.

Bilum helpim gut yangpela meri Simbu

James Kila i raitim

WANPELA yangpela meri, nem bilong em Nicky Joseph olgeta taim i save karim ol naispela bilum i go salim long YWCA (Yang Wimens Kristen Asosiesen) long Goroka.

Dispela ol liklik mani em i kisim i save holim sindaun bilong em wantaim famili bilong em long blok ol i stap long en long Faniufa, klostu long Goroka taun.

Sampela taim em i save wok olsem wangepela volantia long YWCA long Goroka taim i gat ol bung o woksop i kamap long dispela hap.

Stori bilong dispela trangu yangpela meri i gat gutpela stori tru long planti yangpela meri tude. Em i no pinis skul, em yet i hatwok long helpim long volantia wok long bringim gutpela sindaun insait long laip bilong em.

Sapos yu lukim dispela meri ating bai yu ting olsem em wangepela skul meri i kam wok long YWCA. Yes, trangu Nicky i bin wangepela skul meri bipo, tasol hevi bilong skul fi i mekim na em i no go het moa long skul bilong em.

Nicky em bilong ples Kere insait long Sinasina eria long Simbu provins.

Em i bin pinisim skul bilong em long Gret 12 long Muaina Sekonderi skul long Simbu provins long yia 2004 yet na i bin kisim askim long go het long skul bilong em long Yunivesiti bilong Goroka long 2005. Tasol sori tru, hevi bilong skul fi i mekim na dispela yangpela meri i lusim skul na stap nating long ples.

Taim Nicky i bin skul meri yet long Muaina Sekonderi skul em i save go het gut long wok bilong Kristen pasin olsem lotu na felosip insait long skul yet. Em i save go strong tru long ol dispela samting bikos em yet em wangepela gutpela yangpela Kristen meri.

"Taim mi stap long skul yet, mi save gat bikpela tingting tru long ol Kristen pasin olsem go lotu na serim ol' gutpela tingting wantaim ol poromeri bilong mi. Mi save olsem Papa God i laikim mipela olgeta i mas stap gutpela laip" Nicky i stori olsem.

Taim Nicky i bin pinisim skul em i painim aut olsem i nogat inap mani long em i ken go het long skul bilong em long UOG long Goroka. Turangu dispela i mekim na em i lusim liklik ples bilong em long Kere long Simbu na kisim PMV bas na go daun long Goroka long



BILUM HELPIM MI: Nicky i bisi tru long wokim wangepela Hailans bilum i stap.

Isten Hailans provins long lukim wangepela kandere meri bilong em.

Dispela kandere meri bilong em i save stap wantaim man bilong em na ol famili bilong tupela long Faniufa long wangepela blok ol i bin baim long ol papa graun na i sindaun long en.

Taim em i go stap wantaim dispela anti o kandere meri bilong em long Goroka, Nicky i no lus ting-

ing long gutpela Kristen bilip em i gat long em. Olsem na olgeta Sande dispela meri i save go lotu long Asembli bilong God sios long Zogizoi. Bihain long sampela taim nau em i luksave long wok bilong YWCA long Goroka na dispela tingting i pulim em long go lukim ol.

"Taim mi go lukim ol na soim laik bilong mi long wok wantaim YWCA olsem

volantia, olgeta gutpela tingting na bel-kirap long helpim i kam bek gen long mi," Nicky i stori olsem.

Nicky i tok em i save amamas tru long wok em i save mekim long YWCA long Goroka olsem wangepela volantia. Ol dispela wok em i save mekim em taim i gat bung o miting i kamap na ol lain i yusim ples long YWCA olsem haus bilong bung, Nicky i save helpim ol lain long haus-kuk long redim kaikai. Em i save helpim tu long wasim plet na stretim ples bilong miting.

Long taim bilong bung na miting em taim Nicky i save karim ol bilum bilong em na ol klos o meri-blaus i go salim long YWCA. Ol prais bilong ol bilum i save stap olsem long mak bilong K30 i go K60. Na ol klos o meri blaus em K30 i go 60 tu. Tasol taim ol meri i laikim wangepela kain klos na lap-lap yet, em i save sasim ol K60.

Dispela ol mani em Nicky i kisim em i save karim i go bek long famili long helpim ol long baim kaikai.

Nicky i tok olsem tingting bilong em long go long skul i stap yet na ating taim em i bungim inap mani em bai aplai long go bek na pinisim skul bilong em.

Lo bilong Lukautim ol Meri na Pikinini:



SAPOS yu marit long lotu, i ken kamap olsem statutori marit, o olsem kastam marit, o nogat.

Em i olsem statutori marit, sapos pater o minista i gat laisens na i bin bihainim olgeta stia bilong marit lo. Em i olsem kastam marit, sapos yutupela marit pinis long kastam na bihain ol i blesim yutupela long lotu, o sapos marit long lotu i kastam pasin nau long ples bilong yu. Lo i luksave olsem planti marit long lotu i olsem kastam marit.

Sotpela Tok Lukaut: Skruim toktok long AIDS

BODI bilong yu i mas gat kaikai long gro, givim strong na banisim long ol kain sik. Yu mas traim long kaikai maski yu no pilim hangre. Yu nap kisim ol liklik hap kaikai planti taim. Sapos em i hat long kisim ol strongpela kaikai, tanim kaikai i go malumalum na kaikai wanem kaikai yu ken kisim. Dringim kulau o yangpela kokonas o prut jius na noken kisim bia o strongpela dring.

Sapos yu gat soa long maus we i stopim yu long kaikai, yu ken kisim ol wara wara kaikai na go lukim dokta.

Sapos yu kisim sik pekpek wara, dring planti wara. i moa gutpela sapos yu kisim ol dring ol i wokim pinis long etpos, helt senta o kemis.

Sapos nogat long dispelas dring, dringim planti klinpela wara, ti, juis, sup, milk o nara-pela likwit. Dringim wangepela kap wara i pulap olgeta taim yu pekpek wara.



Muffins in a Minute

Yu mas i Gat:
2-kap Self Resing flawa
2-pela kap Sis yu gretim pinis
2-pela kiau
Milk o susu

We long Kukim:

- 1- Putim tupela kiau long Kwik Seik na kap saitim inap milk long mekim mak bilong 2-pela kap.
- 2- Sekim
- 3- Putim kiau yu miksim pinis wantaim Sis yu gretim pinis na flawa insait long Mix N Pour kontena.
- 4- Miksim gut na kapsaitim i go long mafin tin na beikim long hotpela aven inap long 15 minit. Ten minit long ol liklik mafin.
- 5- Sevim wantaim bata na em bai yam yam stret!

Raun lukim ol Meri na Pikinini



MASTAM: Ol liklik meri bilong Sacred Hat Praimeri skul i solu Pasifik stafi bilas na dandis.



LUKSAVE: Misis Duse em wangepela long ol woklain bilong Gavman Haus i bin givim planti yia sevis na i kisim luksave long kisim Logobu awed long Gavana Jenerel na Green Slot, Sir Paulias Matana.

Meri kamap dairekta bilong Anglikea

Paulus Tali i raitim

HATWOK i save karim gutpela kaikai na Dominica Bessie Abo em i wangepela meri husat em inapim dispela taim em i kamap Dairekta bilong Anglikea Stop AIDS Senta insait long Pot Mosbi.

Anglikea Senta em i han bilong Angliken Sios long PNG we i save karimaut wok long daunim sik AIDS na helpim ol lain i karim dispela binatang bilong AIDS.

Dominica bilong ples Pagwi insait long Is Sepik i kisim wok olsem Dairekta bilong Anglikea 5-pela mun i go pinis, tasol em i bin kisim ples long man Australia, Ricky Steele, husat i bin karimaut wok olsem Anglikea Dairekta insait long 5-pela yia.

Taim senta i bin op na em i stat wok long hap, em i save lukim ol manmeri kam long givim ol long ripot bilong HIV/AIDS..

Namba bilong manmeri long PNG wantaim binatang bilong AIDS i wok long go antap na klostu inap long 12,000 mak.

Namel long 10-pela o 11-pela manmeri i save go long senta bilong kisim tes bikos senta i gat testing sevis long ol manmeri i kisim tes long AIDS binatang.

I gat tu "peer" o wanlain grup edukesen trening program we senta i save karimaut.

I no isipela rot we meri Sepik i bihainim long kisim wok olsem Dairekta bilong Anglikea Stop AIDS senta.

Dominica husat i gat 4-pela pikinini i bin stat wok olsem nes long 1980's long Hagen Haus sik long Westen Hailans.

Bihain long Hagen Haus sik, em bin aplai long digri kos long wokim Sains na Helt

Program long Yunivesiti bilong Teknologi long Pet (Perth) long Australia. Nau yet long Anglikea i gat faipela ten (50) woklain i wok wantaim em. Em i tok moa long 800 pipel i kam pinis long tes, we 40 i sekim pinis na i HIV positif o i gat HIV binatang.

Taim senta i no bin op yet, em i save helpim ol lain long Pot Mosbi Jenerel Haus

Sik bilong lukautim ol siklain long Wod 4, em wod bilong ol AIDS sik manmeri.

"Mi gat bikpela sori na laik long helpim ol kain lain olsem. Na salens i go aut long yupela olsem sapos yupela i lukim ol arapela i gat kain sik olsem noken luk luk tasol long ol. Yupela mas givim helpim long ol," Dominica i tok.

STORI TASOL



wantaim

FR. PAUL LIWUN, SVD

Kisim Presen

LONG dispela taim bilong Krismas na Niu Yia, planti i bin kisim kain kain presen na planti bilong yumi tu i bin givim planti presen i go long ol narapela. Sampela taim, ol manmeri i no wari tumas long ol pepa yumi karamapim presen bilong ol. Sampela manmeri i amamas tasol long lukim kala bilong pepa.

Taim yumi kisim wanpela presen, yumi save ges wanem samting i stap karamap insait long pepa. Sampela taim wanem samting yumi ges, em i tru. Tasol sampela taim em i no tru.

Peris pris bilong wanpela peris i save kisim planti presen pipel bilong en i givim long en. Long taim bilong Krismas, Niu Yia, ista na tu long bon de bilong em, manmeri i save sarap long lain long fran bilong haus bilong en na givim presen. Ol i kam wantaim kain kain presen bilong ol.

Long taim em i amamas makim 50 krismas bilong em, i gat tripela sumatin i bin kam pas long haus bilong peris pris na givim presen bilong ol i go long en. Namba wan em i wanpela yangpela meri, pikinini bilong wanpela i save lukautim flawa gaden. Yangpela meri i bin putim presen insait long wanpela bokis na karamapim gut tru. Taim Pater i sekan wantaim em na kisim dispela presen, Pater i bin sekim sekim na em i harim nois. Olsem na Pater i askim yangpela meri olsem: "Insait long bokis em i flawa, a?" Meri i kirap nogut na i askim gen long Pater: "Olsem wanem yu save, Pater?"

Pater i save bikos dispela yangpela meri em i wanpela pikinini meri bilong wanpela man i save lukautim flawa gaden na salim ol flawa.

Bihain namba tu yangpela meri i kam na givim presen insait long wanpela bokis tu. Pater i bin sekim sekim, na em i harim pairap i stap insait. Pater i bin askim yangpela meri: "Gutpela meri! Yu givim mi su, a?" Yangpela meri i kirap nogut na askim pater, "Olsem wanem yu save long presen bilong mi?" Tasol Pater i save bikos papa bilong dispela meri em i wanpela man bilong wokim su.


Na nau kamap wanpela boi papa bilong em i gat stua bilong salim ol bla, wiski OP na kain kain strongpela dring. Taim pater i kisim presen bilong dispela boi, em i lukim aninit long bokis em i wet. Olsem na Pater i tokim dispela boi olsem: "Mi save, wanem samting yu givim mi olsem presen tude". Na pater i putim pinga bilong em i go long hap bokis i wet long en, na testim long maus bilong em. "Em i wain, a?" Tasol boi ya i tok nogat. Bihain Pater i putim pinga bilong em long bokis i wet i stap long en na likim wantaim tang bilong em, na em i tokim boi, "Em i wiski Em i brandi?" Tasol boi i tok nogat gen. Namba tri taim pater i putim pinga bilong em i go long hap i gat wet long en na askim boi gen, "Em i alta wain, a?" Tasol boi i sekim het bilong em long tok nogat na em i tokim Pater olsem: "Pater, insait long bokis em i wanpela papiliklik pikinini dok mi givim yu olsem presen long dispela 50 yia bon de bilong yu".

Pater i pilim olsem em i laik traot tasol. Bikos em i bin likim na testim pispis bilong papi ya!

Olsem na, sapos yumi kisim wanpela presen, luksave gut pastaim na testim em. Nogut yumi kisim bagarap olsem peris pris, i bin selebretim 50 bonde bilong em wantaim pispis bilong wanpela liklik papi.

Salvesen Ami bai gat nupela skul

...Kisim Gret 9 na antap



ODINESEN: Tupela nupela pasto i kisim blesing long hetman bilong Salvesen Ami Sios long PNG, Kenel Andrew Kalai long karimaut wok bilong ol.

Veronica Hatutasi i raitim

SALVESEN Ami bai gat nupela skul we bai strongim lidasip na gutpela Kristen pasin long ol yangpela pipel

antap long skruim save long go long ol bikpela skul.

Opis bilong Salvesen Ami Sios i tok dispela skul ol i laik kirapim bai kamap long kompaun bilong Boroko Praimeri

Skul we Salvesen Ami i stap nau long Boroko. I kam inap nau, skul i save kisim ol pikinini long Kindagaten bilong ol liklik pikinini stret i go long Elementeri na Praimeri long Gret 8 level. Wantaim opim

bilong nupela skul, bai em i kisim Gret 9 i kam insait na long tripela yia i kam, bai em i kisim Gret 10,11 na 12.

Sios opis i tok taim ol i wok long bildim ol klasrum samting insait

long eria bilong sios long Boroko yet, bai ol i kisim Gret 9 i kam insait long Boroko Praimeri skul yet.

Seketeri bilong ol progrem long Salvesen Ami em Meja Graeme McClimont i tok skul bai ofaim kwaliti edukesen long givim gutpela Kristen skul i go long ol pikinini.

"Skul bai strongim ol yangpela pipel long skruim skul i go long teseri o bikpela skul na tu, strongim lidasip na gutpela Kristen pasin," Meja McClimont i tok.

Antap long lainim ol sumatin long ol samting i stap long nesene! kurikulum bilong ol hai skul, nupela skul bai ofaim tu kompyuta na musik skul.

Opis i tok mak bilong skul fi bai K3,350 insait long wanpela yia tasol ol bai givim 10 pesen diskaun o daunim long dispela mak sapos ol i wokim ful peimen.

Ol bai givim moa diskaun long ol papamama husaf i gat moa long wanpela pikinini i stap long skul long olgeta level.

ELC/PNG selebresen bai kamap long Wasu

Veronica Hatutasi i raitim

LUTERAN Sios long PNG bai gat bikpela selebresen neks wik long makim faivpela ten (50) krismas aniveseri bilong ELC/PNG i sanap olsem wanpela sios insait long PNG.

Na tu, long makim namba wan sinod i bin kamap long 1956 inap long 2006 em 25 olgeta.

Sinod bung na selebresen bai kamap long Wasu Hai skul

na Ukata Distrik bilong ELC/PNG bai hostim. Long dispela taim tu, ol bai wokim ileksen bilong ol nupela sios Eksekutyutiv.

Selebresen na Sinod bai stat long neks Mande Janueri 8,2006 inap long Fraide Janueri 13,2006.

Het tok bilong namba 25 sinod bung em "Kristen i sanap Strong Long Bilip na Mekim Wok." 1 John 3:16-18.

Namba wan sinod i bin kamap long Simbang, Finsafen we ol bin tokaut long

nupela ELC/PNG i sanap em yet.

Long pinis bilong dispela 25 Sinod, ol bia wokim ileksen bilong Het Bisop bilong holim, Helpim Bisop na Sios Seketeri. Sios Kaunsel bilong ELC/PNG i oraitim pinis nem bilong ol kendidet long dispela tripela posisen. Tupela kendidet bilong Het Bisop posisen em Dokta Kigasung na Reveren Giegere Wenge. Reveren Ohuno Mambu na Reveren Zau Rapa na

Reveren Peter Wamp i sanap resis long Helpim Bisop na Fua Singin na Isaac Theo long Sios Seketeri.

Ol deleget bai stat long kamap long Wasu long Sarere Janueri 7 na long Sande Janueri 8, sinod bai stat. Trinde Janueri 11 bai i de bilong holim selebresen na long Fonde Janueri 12, ol bai holim ileksen. Fraide Janueri 13, bai sinod i pas. Long Sarere Janueri 14, ol deleget bai lusim Wasu.

Ol Bomana mama greduet

WANPELA trening bilong kisim save i bin kamap long Sivarai Namona Pastorel Senta long Bomana ausait long Pot Mosbi. Ol meri i kam long ol kain lotu i bin greduet wantaim setifiket bilong kuk na somap bihain long ol i bin sindaun long 5-pela mun kos.

Ol Katolik Sister bilong Oblates of Notre Dame Kongriksen i givim dispela skul trening long ol mama na ol narapela meri aninit

long Asdaiosis Sosel Apostulet Progrem long Pot Mosbi.

Ol mama husaf i no bin lainim long somap na kukim ol kain gutpela kaikai i bin save go long kuk skul long Fraide na Mande na Fonde em ol i save lain long somap.

Pe bilong ol trening kos em long K10 insait long wanpela mun.

Planti ol mama na ol yangpela meri em ol bilong CIS Bomana, ol meri bilong

ol polis long Bomana na ol setelmen mama.

Sister Isabel Gorecha OND i bin go pas long dispela trening kos i bin stat yet long mun Julai.

Asbisop Sir Brian Barnes bilong Pot Mosbi Katolik Asdaiosis i bin go pas long lotu bilong givim tok tenkyu long Bikpela long gutpela sans long lainim save em i givim long ol na samting olsem 100 pipel i bin stat insait long dispela greduesen seremoni na lotu.



LAINIM BILONG HELPIM: Wanpela mama i kisim setifiket long han bilong Asbisop Sir Brian Barnes.


Nu Yia Toktok bilong Pop i sut long bel isi

Veronica Hatutasi i raitim

TOKTOK bilong Pis o gutpela taim i bin pairap antap long Nu Yia toktok bilong hetman bilong moa long 1.3 bilien Katolik pipel long wol, Pop Benedict 16.

Long wankain taim tu, Pop i bin autim tok lukaut long tripela samting we i kamap olsem birua bilong pis o belgut long dispela graun. Em long teroris pasin, nogat luksave long rilijen o gutpela pasin na "fanatic fundamentalism" o narakain bilip long lotu we i ken mekim wanpela i go long-long na kilim dai narapela tu.

Sen Peter's Basilika i bin pulap wantaim ol Katolik na Kristen manmeri i stap long lotu wantaim Santu Papa. Namel long ol Kristen manmeri long dispela lotu, ol ambaseda bilong 172 kantri we Holi Si na Vatiken i save



Pop Benedict 16.

gat wok poroman wantaim ol. Antap long dispela, i bin gat man i makim Rasia Federesen, Palestaim Liberesen Ogenaisesen na Oda bilong Malta i stap long dispela Nu Yia lotu Pop Benedict 16 i bin go pas long en.

Seketeri bilong Vatiken Stet

Kadinel Angelo Sodano na Presiden bilong Pontifikel Kaunsel bilong Jastis na Pis, Kadinel Renato Martino i bin helpim Pop long wokim Nu Yia Misa lotu. Samting olsem 4,000 pikinini bilong olgeta hap bilong wol i bin singsing long kwaia na kisim kwai bilong Sistin Sapel long dispela de.

Long namba wan de bilong Nupela Yia we i makim tu Wol De bilong Pis, Pop Benedict 16 i wokim dispela toktok i apil long ol manmeri bilong graun long gat strong na luksave long God na man long bihainim na strongim rot bilong pis.

"Em i samting olgeta i mas wokim, wan wan man na ol kantri, intenesenel ogenaisesen na ol wol pawa," Pop Benedict 16 i tok.

Em i singaut long Yunaitet Nesens long kamapim nupela aweanes olsem hap long wok bilong em long promotim velyu

bilong jastis, wok bung wantaim (solidarity) na pis long dispela wol tude we globalaisesen o wol nau i wok bung wantaim na nogat kantri o ples i stap long em yet.

"Pis em samting we lewa bilong olgeta man na meri i laikim em yumi olgeta i ken wok bung wantaim na kontribut long kamapim strong," Pop Benedict 16 i tok.

Pop i bin singautim ol lain long Nu Yia lotu sevis long kisim blesing bilong Bikpela long nupela yia i bruk tasol na ol i ken mekim dispela em yia bilong kamapim gutpela samting na pis.

Maski bikpela ren i pundaun, ol manmeri i bin skruim lotu wantaim Pop long nambawan Anjelus lotu bilong Nupela Yia.

Pop i bin tokim ol pipel olsem Jisas i bin soim rot bilong pis na laik pasin na ol tu i mas bihainim dispela rot.

GLASIM TOK



wantaim

BISOP PETER FOX

Gutpela 20 toea So

"YUMI go long sios long dispela Sande?" Papa i tok. "Em i Nu Yia, 2006 tu ya. Go long lotu bai em wanpela Nu Yia resolusen o samting we yumi mas tok promis long wokim long dispela nupela Yia."

Liklik Johnny i bin kirap nogut stret. Em i no inap tingim laspela taim famili i bin go long sios. Em i save laikim sevis, maski em i no klia gut long olgeta samting i kamap. Em i laikim ol singsing na bihain em i pilai wantaim ol narapela pikinini.

Taim ol i go bek long haus, famili i toktok long lotu sevis. Ol i no bin laikim. papa i tok lotu i go longpela tumas. Mama i ting olsem musik o singsing i no bin gutpela tumas. Bikpela brata bilong em Fred i tok em i les na i gutpela moa long em i pilai futbol. I luk olsem ol bai no inap go lotu gen.

"Yu ting olsem wanem Johnny?" papa i askim em.

"Oh," liklik Johnny i tok. "Mi ting olsem em i gutpela 20 toea so.

Sampela taim em i gutpela long harim ol pikinini bilong yumi. I no gutpela tumas long troimoi komplem long wanem samting i no stret sapos yumi no redi long wokim samting long em.

Famili i komplem long samting i no go gut long lotu sevis tasol ol i bin kontributum 20 toea tasol long ofa koleksen. Olsem wanem samting yumi kisim long Sios em wanem mak long samting yumi putim long helpim. Na dispela i no mani tasol. Papa i tingting long go lukim Pater long semon o tok skul em bin wokim. Mama i tok em bai go long kwaia skul na helpim wantaim singsing.

Fred i bin tok em bai toktok wantaim ol arapela yangpela lain na kamapim wanpela sios futbol tim. Liklik Johnny i bin amamas tru long harim ol dispela toktok. Em laikim tru long go long lotu olgeta wik na lainim moa long rot we Jisas i laikim em. Yu save wanem samting i bin kamap? I no long taim na olgeta i laikim sios sevis moa.

Na sapos yu save go long sios tasol yu no laikim, ating i gat sampela samting yu save wokim long mekim ol samting i kamap gutpela moa na i no bilong yu tasol long olgeta.

Noken askim tasol, "Wanem samting i rong?" tasol, "Wanem samting mi ken wokim long mekim i kamap gut.

Sapos dispela i tru long Sios, ating em i tru long ol arapela samting. Wantaim komynuniti bilong mi, famili, nesen na wanem samting yumi kisim inap long mak bilong wanem samting yumi redi long putim i go insait.

Gutpela skul wok bung long felosip

Paulus Tali i raitim

OL MERI husat i save go insait long ol Sios Felosip grup i save lainim planti gutpela samting long helpim spirituel, sosel na famili laip na gutpela sindaun bilong ol.

Planti meri insait long ol eben senta na ples i no sindaun nating tasol kisim ol trening long kisim ol laip skil o save olsem kuk, somap, rit na rait na lainim tu ol gutpela pasin Kristen long skulim gut ol famili bihainim ol sios na felosip grup ol i stap insait long en.

Wanpela long ol kain grup olsem em Gems Viles Bareks long Waigani insait long Nesenel Kapitel we ol mama i bin greduet long kuk, somap beikim keik, lainim long redim ol gutpela kaikai na prinim laplap kos.

Dispela wok i stat aninit long Waigani Felosip Grup long Bareks na long pasin prea bilong ol mama, ol bin kam



GUTPELA SANS: Sios Felosip grup bilong ol Gems Viles meri kisim gutpela skul na greduet.

bung wantaim na kamapim dispela progrem.

Susan Gilalam em meri go pas tokim Wantok nius olsem kain wok ino bilong ol save meri tasol, nogat. Em bilong helpim ol arapela husat i nogat gutpela rot long painim mani we bai helpim ol.

Planti mama ino save long rit na rait ol stap long kos i lukim

em isi rot, olsem Jessie Koivi, wanpela mama i tok.

Em i tok wantaim save em i kisim long dispela kos, em bai go het long mekim ol samting long helpim em yet na famili na komynuniti bilong em.

Long wankain taim, Komynuniti Polising bos bilong Waigani David Kaumara i tok ol meri em ol bun bilong komyu-

niti na kantri na sapos wok bung i stap, kantri inap ron gut long gutpela lukaut na i nogat trabel.

Em bin tok em i amamas long lukim ol meri bilong polis long Gems Bareks i go pas long progrem.

"Save yu kisim i noken stop, tasol i mas go het na yupela i lainim ol arapela tu," Mista Kaumara i tok.

Long wankain taim tu, moa long 1,000 Luteran Sios mama i bin stap insait long wanpela bikpela kruset o prea reli long Enga provins we strongpela toktok i bin kamap long wok-bung wantaim long sapotim wok bilong ol mama, yut na sios.

Kodineta Ruth Patama i tok nau em taim bilong ol mama long kirapim strong wok ministri bilong sios na askim i bin go tu long ol nesenel na provinsel lida i sapotim ol progrem bilong ol meri na yut na kantri bai go gut.

Laip i hat na Joe i wokim raskol pasin

Namba tu hap stori bilong yangpela bikhet man i tanim bel.

Philip Kepson i raitim

TAIM Joe i bin lukim rot long skul i pas, em lusim ples na kam long Pot Mosbi siti long painim sampela helpim long skul bilong em.

Taim em i kamap long siti, laip i go hat olgeta taim em i painim aut olsem i no gat wanpela long ol lain stret bilong em i bin stap long lukautim em.

Antap long dispela,

Joe i bin painim aut olsem olgeta samting long siti em yu mas gat mani long yusim na kisim. I no bin gat wanpela samting i fri olsem long ples bilong em we wara na kaikai em i save kisim long laik.

Trangu Joe i bin painim aut olsem wanpela rot tasol long stap laip em long kamap stilman long painim mani long lukautim laip na lus tingting long skul.

Nambawan wok bilong em long stilman pasin em long kamap olsem "Pocket

Pick"(stilim mani long poket bilong ol man) manki wantaim ol poroman bilong em long Saraga Strit long 6 Mile. Em ino stap longpela taim long dispela grup bikos ol i no tilim gut mani ol i bin stilim wantaim em.

Joe i lusim ol na joinim ol grup we ol i save karimaut bikpela stilman pasin olsem roberi wantaim gun na stilim ka.

Em i tok insait long dispela grup em i save kisim gut hap mani bilong em long olgeta wok ol i save karimaut.

Joe i tok tu olsem moa long 17 krimas we em bin i stap long dispela kain laip, em i lukim sampela lain man husat tu i save helpim ol long karimaut ol dispela bikpela pasin stil em ol polisman, defens, lotuman na ol opis man.

"Ino mipela tasol, ol bikpela man bilong polis, defens, ol opis man na tu lotuman ol save helpim mipela wantaim planti samting olsem infomesen na gan long stil," em i tok.

Joe i tok sampela taim plen bilong ol i

save kamap gut na narapela taim olgeta samting i save i go popaia na planti poroman bilong em ol i save kisim taim wantaim gan bilong polis na dai.

Em i tok wanpela bikpela pasin stil ol lain bilong em i bin laik plen long kamapim em long taim bilong milenium selebresen wantaim "milenium roberi long bipo PNGBC long taun" taim kantri i bungim yia 2000.

Moa long neks wik.



YUMI MAS BIHAINIM PASIN BILONG GOD NA WETIM DE BILONG KRAIS

Yumi save, marimari bilong God em i kamap ples klia pinis, na em inap long kisim bek olgeta manmeri. Dispela marimari bilong God em i save skulim yumi long lusim pasin bilong givim baksait long God na long lusim olgeta laik nogut bilong dispela graun, na em i skulim yumi long tingting gut na wok-abaut stret. Tru, yumi stap namel long ol manmeri bilong dispela graun, tasol marimari bilong God i skulim yumi long bihainim pasin bilong God na bilip strong na wetim dispela gutpela samting yumi bai amamas tru long lukim. Yumi wetim Jisas Kraus, em strongpela God na Man bilong kisim bek yumi, na em bai i kamap ples klia wantaim gutpela bilas na bikpela lait na strong bilong God. Kraus i lusim pinis laip bilong em yet, bilong kisim bek yumi na lusim olgeta sin bilong yumi, bai yumi stap kiin tru na yumi stap lain manmeri bilong em yet, na yumi wok strong long mekim olgeta kain gutpela pasin.

TAITUS 2:11-14

TOK LUKAUT

wantaim

DAVID EPHRAIM



BILONG wanem na planti manmeri i save kam stap long taun insait long setelmen.

Dispela pasin bilong ol manmeri long ples kam pulap long taun em i wok long bikpela moa yet. Ino longpela taim i go pinis yumi lukim bikpela toktok i kamap long Lae long rausim ol manmeri husat i stap long setelmen long 2 mail i go inap long 5 mail long Lae.

Yumi bai gat bikpela hevi bihain sapos Gavman i no menesim dispela muvmen o pipel i lusim ples na i go pulap long taun.

Planti bilong dispela pipel i lusim ples na i go long taun i kamap bikos ol pipel i laikim sevis olsem edukesen, wok, na haus marasin.

Taim dispela kain sevis ino strong tumas long ol bus planti i laik kisim dispela sevis na ol i save kamap long taun. I no oigeta taim dispela i save kamap. Sampela hap em taim pait i

kamap ol hevi i kisim ol na ol traime long ronawe.

Insait long Mosbi siti yet dispela em wok long go bikpela tru nau yet setelmen i raunim Mosbi. Insait long dispela planti bilong ol wokman bilong Gavman na wankain tasol long ol kampani i painim hat long stap insait long gutpela haus bikos laip i hat Olsem prais bilong baim haus, ka, kaikai na moa yet i bikpela na i hat tru long ol pipel inapim.

Sevis bilong gevman tu long pipel i hat tru long pipe laikim amamas wantaim.

Dispela kain ol hevi em wanpela rot we mekim planti ol setelmen i kamap.

Long stopim dispela kain hevi, gavman mas pastaim stretim na kontrolim gut ol distrik mani we i ken wokim gut sevis bilong en i go long ol bus bilong yumi.

Nau yet nogat dispela kain pasin i stap bilong wanem planti ol wokman i save wokim planti pasin korapsen.

Olsem stilim mani bilong wokim wok, go yusim ol samting bilong gavman olsem praivet samting bilong ol. Na tu planti i save raun nating go inap potnait na ol i save kisim mani tasol.

Olsem na bipo yumi traime long toktok long rausim ol setelmen yumi mas pastaim stretim gut ol planti gavman sevis pastaim yumi ken rausim ol dispela ol trangu lain.

Dipatmen gat bikpela salens

Veronica Hatutasi i raitim

OLGETA pikinini i go long skul na stopim ol long lusim skul na skruim skul i go inap ol i kisim besik edukesen em sampela long ol bikpela salens we Edukesen Dipatman long kantri i gat na i mas wok long lukim i kamap nau na long ol yia i kam bihain.

Long wankain taim tu, Dipatmen i mas givim moa sans long trening i go long praimer edukesen na trening, self rilains o long rot bilong wokim samting long ol skul i helpim ol yet, rot bilong mekim mani na adal literesi.

Edukesen Minista Michael Laimo i wokim dispela long Krismas na Nu Yia toktok bilong em.

"Yumi gat planti salens tasol yumi mas go het long lukim olsem oigeta pikinini i go long skul (Yunivesel Besik

Edukesen) na stopim ol pikinini i ronawe lusim skul na pinisim gut skul. Wanpela bikpela samting em ol Seven de Etventis skul long kantri bai kam aninit long Nesenel edukesen sistem long nupela yia, 2006. Gavman i gat wok long givim kwaliti na kain skul we bai helpim ol oigeta PNG pikinini long bihain taim. Em i gat wok tu long daunim hevi bilong skul fi long ol papamama sapos mani inap long karamapim dispela," Minista Laimo i tok.

Taim em i salim gutpela amamas bilong Krismas na Nu Yia long ol tisa na sumatin long hatwok ol bin mekim long 2005 na ol papamama long sapotim ol pikinini bilong ol, em i tok planti salens i bin kamap long las yia tasol wantaim gutpela sapot bilong ol edukesen patna, ol dona, ol provinsel edukesen atoriti, sios, bisnis haus, skul bot na

komyuniti, gutpela wok i bin kamap.

Na em i tok gutpela wok bung namel long ol dispela lain i mas kamap long nupela yia bikos ol samting bai hat moa.

Em i tok sampela bikpela samting we Dipatmen i bin kamapim long oigeta level long 2005 em long mekim isi long ol pikinini i go skul, kurikulum rifom na self rilains.

"Mipela i wok wantaim ol provins long kisim edukesen i go long wan milien na moa pikinini insait long 8,000 na moa edukesen institusen na 35,000 tisa i wok aninit long nesenel edukesen sistem," Minista Laimo i tok.

Em i tok long nupela yia yumi statim tasol long dispela wik, bai yumi skruim ol wok long sapotim ol taget yumi bin kamapim long las yia na ol dispela em long besik edukesen, vokesenel, teknikel na sekon-

deri edukesen wantaim strongpela tingting long ol skil, self rilians na ol gutpela pasin na gutpela menesmen.

Long wankain taim tu, Minista Laimo i bin autim tok amamas bilong em long Edukesen Minista long soim strongpela lidasip na kamapim HIV/AIDS Polisi Pien we ol i lonsim long las mun.

Ekting Edukesen Seketeri Dokta Joseph Pagelio taim em i autim planti ol wankain tingting long Krismas toktok bilong em i bin tok self rilians na lainim ol samting we bai helpim ol sumatin long laip na literesi em ol bikpela samting we 2005-2014 Nesenel Edukesen Plen i toktok long em. Na em i tok insait long 10-pela yia i kam, ol dispela bai bikpela samting bilong Edukesen Dipatmen long inapim bikos sapos dispela i nogat, kantri i no inap long go gut.

Sapotim ol tisa long yia 2006

WANPELA tok strong i go aut long ol Provinsel Edukesen Divisen long sapotim ol tisa na skul etminstresen long lukim olsem 2006 skul yia i stat gut.

Ekting Edukesen Seketeri Dokta Joseph Pagelio i tok strong long ol Provinsel Divisen long Edukesen long givim aut ol fom we ol tisa i mas pulumapim i go aut long ol skul bipo skul yia i stat long 2006.

Nesenel Edukesen Dipatmen i salim ol kain kain fom long Salari na Peirol Seksen i go long provinsel divisen long salim aut long oigeta skul.

Dispela em ol Risamsen long Dutu Samari Siti o pepa we oigeta tisa i save pulumapim long stat wok long nupela skul yia, Tisa Rekot long Apoinmen na Senis long Metod o rot long Pe na ol infomesen ol i laikim long putim mani i go long beng akaun bilong ol.

Ol narapela fom ol provinsel divisen i laikim long salim em long Rifusel o tok nogat long Ofa long Posting, Tisa Askim, Skul Rilais Atoriti, Provinsel



SAPOTIM OL TISA: Ol dispela tisa bilong Wards Strip Praimeri skul i stap long Krismas malolo na selebresen.

Saspensen Atoriti na Provinsel Rilais long Tisa o wok long narapela hap fom ol tisa i mas pulumapim long taim yet we Edukesen Dipatmen i makim long em.

Dispela em bipo long Januari 23 we ol tisa bai go

stat wok long ol wan wan skul bilong ol.

Ol dispela fom i mas go bek long Edukesen Dipatmen na bikpela samting em ol i mas hariap long stretim long Salari o peirol sistem.

Dokta Pagelio i tok tu olsem provinsel divisen i mas menesim Masta Posesen Rejista (MPR) gut olsem em i bikpela dokumen long sekim ol tisa long wanem provins ol i stap long en.

Komyuniti Helt Wokas Yunien makim bek Amuna

Veronica Hatutasi i raitim

KOMYUNITI Helt Wokas Asosiesen (CHWA) i makim bek gen James Amuna olsem Nesenel Presiden bihain long holim wanpela ileksen bilong asosiesen long kantri.

Em i winim bek dispela posisen wantaim 1,268 vot long tripela tem nau.

Asosiesen i gat moa long 2,000 memba long nesenel na provinsel level.

Ol Komyuniti helt Woklain em pastaim ol i save kolim long Nes Eid o nes helpim i wok long ol haus sik na ol etpos long mekim ol wok we ol nes stret i save mekim long givim banis sut, sekim ol sik-

lain na moa. Samting i narakain em long ol nes i kisim narakain trening na level i go antap moa na ol nes i ken wokim ol bikpela operesen taim ol CHW i nogat.

Judith Eae i winim gem posisen bilong Vais Presiden long tupela tem taim Moses Nukon i winim posisen bilong Deputi Vais Presdien long tripela tem tu taim. Dec Isaac i winim posisen bilong Tresera long namba tu tem.

Wok bilong CHWA em long pait long kamapim gut kondisen bilong wok olsem long pei samting long ol komyuniti helt wok manmeri bilong em.

Mista Amuna i tok Asosiesen i bin winim tupela awod long ol woklain bilong em.

Wanpela em long K10.8 milien ol bin sainim long yia 1999 na ol i bekdetim i go long yia 1989.

Asosiesen i bin wok long pait hat long dispela long sampela yia. Namba tu awod em long 2000 awod long Tems na Kondisen long wok bilong ol CHW ol bin sainim long yia 2000. Dispela awod em ol i no go hetim oigeta yet bikos ol i wok long lukluk long em yet.

Taim Mista Amuna i bin autim tok amamas na tok tenkyu long ol lain i givim luk-save long wok bilong em na makim em gen long posisen, em i tok Asosiesen bilong em i laik lukim ol CHW i kisim ol gutpela samting na em bai pait hat long dispela.

Cambridge International College
ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- *Accounts, Finance, Business, Management
- *Personnel, Marketing, Computers, Insurance
- *English, Purchasing, Secretary, Leadership
- *Tourism, Hotels, Stores, Advertising, Office

Baccalaureate, BBA, BCom, BMA, MBA

- *Business Administration, Marketing, Strategy
- *Human Resource, Finance, Commerce
- *Organizational Management, Executive

Fees include all Training Materials, Guidance, Tests, Revision, Examination, Marking, Award.
Diploma Fees: £150 or US\$300 or AUS\$350
For a FREE Prospectus, write, fax, or email:

CAMBRIDGE INTERNATIONAL COLLEGE
Box 1378, So'ton, SO17 3WX, Britain
Email: info@cambridgecollege.co.uk
Web: www.cambridgecollege.co.uk

ODCC ASET
Papua New Guinea National Training Council Approved Training Provider

Promis mani - givim pinis?

Dia Edita

INAP YU givim mi liklik spes long autim wanpela askim bilong mi? Mi bilong ELC-Ukata Distrik long Morobe provins na nau mi stap long Wau. Mipela redi long salim ol maus man na meri bilong mipela i go long 2006 ELC PNG Sinod neks wik long Wasu insait long Ulap Seket.

Long dispela Wantok Niuspepa long 2003 na 2004, planti toktok bilong Sinod i bin kamap. Memba bilong Kabwum Mista Bob Dadae laikim Sinod mas kamap long wanpela ples ol kolim Dengondo na Ukata Distrik sios lidas ol laikim kamap long Wasu Hai Skul. Tasol nau gutpela olsem olgeta wanbel long kamap long Wasu Hai Skul.

Long sem taim tu, toktok i bin kamap olsem memba bilong Kabwum, Mista Bob Dadae i bin promis long givim K600,000 long 2003 Ukata Distrik Konfrens long Musep ples long sapatim wok bilong sinod. Askim bilong mi em olsem: Dispela K600,000 mani, Mista Dadae i bin promis long givim long sios em givim pinis o nogat? Sampela wokmanmeri bilong Ukata Distrik i gat save orait tokaut long dispela niuspepa na mipela ken lukim. Memba em yet o ofis bilong em i ken bekim tu na yumi lukim.

Sapos senis bilong ples bilong Sinod long Dengondo ples i go long Wasu Hai Skul olsem na memba em i no inap givim dispela K600,000 i go long Ukata Distrik Ofis em min olsem em giaman lida.

BOMENG DAMBI UKATA PIKININI WAU, MOROBE PROVINS

Skul fi antap tumas long mi

Dia Edita

MI WANPELA komyuniti polis long Lae na mi laik autim wari bilong mi long skul fi. Mi ting long klas 3, 4 na 5, fi bilong em i bikipela tumas. Plis inap ol i daunim i kam daun olsem K150 o K200. Mi wari long wanem mi wok long komyuniti polis na mi no kisim mani i go inap long nau bai 2006 Gavman i no lukluk long komyuniti polis na baim mipela. Na nau bai skul fi i go antap bai mipela kisim mani we? Mi yet nau painim ples nau long baim dispela mani. Nau mi laikim Gavman mas baim ol komyuniti polis long olgeta hap long kantri. Mi ting olgeta Papua Niugin bai gat wankain tingting olsem mi.

Plis putim dispela long Wantok Niuspepa na bai olgeta manmeri mas ritim na luksave long dispela wari bilong mi.

PETER SIMON LAE MOROBE PROVINS

Kukim olgeta kondom long PNG long paia

Dia Edita

MI WANPELA man bilong Tari, Sauten Hailans provins na laiklik ples bilong mi Benalia. Mi raitim dispela pas i go long Wantok Niuspepa bilong sapatim tru ol toktok bilong brata Jack B. Emma long Wantok Niuspepa namba 1637. Het tok bilong em i bin olsem "Kukim kondom bai senis i kamap".

Tru tumas, mi tokim yupela, olgeta manmeri i kukim kondom long paia na tanim bel na lotu tru long God Bikipela, senis bai i

kamap. Sapos wanpela man o meri i gat dispela sik nogut HIV/AIDS na em i tanim bel tru na lotu tru long God, God bai pinisim sik bilong em. Pasin bilong lotu long God, lukim long Jon 4:23-24. Nau long dispela taim mi tokim yupela ol manmeri i stap insait long kantri PNG olsem, yumi i gat bikipela marasin tru bilong pinisim sik HIV/AIDS i stap wantaim yumi tasol yumi save i go painim long narapela hap long ovasis kantri. Tasol olgeta hap long wol ol i

no inap painim wanpela marasin bilong pinisim dispela sik nau na bihain tu. Long wanem, dispela sik em wokman bilong God Moses i bin tokaut pinis long ol Israel long en i kamap tru nau. Tok Profet i stap long Buk Lo o Diuteronomi Sapta 28:58-62, lukim long Baibel. Ol wok manmeri bilong God i mas autim tok bilong God long ol manmeri na noken sapatim ol long kisim kondom.

Bilong pinisim ol toktok bilong mi, em i olsem:

1. Gavman i mas givim moa mani long sios bilong mekim strongpela wok insait long kantri PNG.
 2. Givim Buk Baibel long ol manmeri bilong kisim ples bilong saplain kondom.
 3. Ol kristen manmeri i mas klia long tok bilong God i stap long Diuteronomi o Lo sapta 28:58-62 na noken awenes tumas long HIV/AIDS.
 4. Sapos yumi olgeta traim wok long painim marasin yet na awenes long HIV/AIDS na givim kondom long ol manmeri, em i soim yumi yet olsem, yumi givim baksait pinis long God.
- Em tasol na tenkyu tru. Husat man o meri i sapatim o agensim, mi amamas tasol long ritim pas bilong yu.

KIPI TUMBU NAMATANAI NU AILAN PROVINS



Ol rot bilong go long heven

Dia Edita

MI LAIK serim dispela tok i go long ol husat i no klia gut yet long au bai yu go long heven - dispela long wanem ol i gat planti kain bilip ol i bilip long en. Sampela i bilip olsem - rot i go long heven em long kipim Sabat, sampela i bilip yu mas autim sin long papa, na mekim konpesio na pre long mama Maria na bai yu go long heven, na sampela bilip olsem yu mas wokim gutpela wok hia long graun na bai yu stap long paradais long graun, sampela bilip olsem yu mekim ol gutpela na stretpela pasin tasol i winim pasin nogut, orait God i amamas long yu na yu ken go long heven. Sampela lain bilip olsem sapos ol bilip long God i wokim olgeta samting, na ol pre oltaim long God, orait God inap orait long ol long go long heven. Sampela i bilip olsem sapos ol bilip long God i wokim olgeta samting

na ol pre oltaim long God orait God inap orait long ol long go long heven.

Sampela i bilip olsem, nogat God, nogat heven, yu stap laip nau na taim yu dai em pinis tasol olsem. Lis i go yet tasol bai mi sotim long hia na serim laiklik toktok olsem: I gat tupela rot tasol long yu dispela kain bilip man.

Namba wan - em long laiklik rot i ken kisim yu i go long heven (Matt 7:14) na Namba tu - bikipela rot inap long bringim yu long ples bilong lus. Matt 7:13 i gat tupela grup long ol man. Namba wan ol lain ol tanim bel tru na God i kisim bek ol, na namba tu ol lain we ol i no tanim bel yet.

Olsem na yu na mi i wok long bihainim wanpela bilong ol dispela kain rot na grup. Yu go bihainim dispela yu ting i gutpela long yu, na mi bihainim rot mi ting i gutpela long mi. Tasol tingim!

Sapos yu go daun long dispela bikipela rot Matt 7:13 i tok long en, em yu yet laikim dispela rot, laka? Sapos yu go long hel, em yu yet laikim dispela rot i go long hel.

God i no laik yu go, em yu yet kisim yu yet i go. 11 Pita 3:9; Ezekiel 33:11. Sapos yu laik bekim, plis salim pas i go long Wantok Niuspepa na bai mi lukim. Tenk yu tru.

P.J. LORENGAU MANUS PROVINS

Lotu bilong bodi tasol?

Dia Edita

MI LAIK bekim pas bilong Peter P. Nana bilong WHP, i bin kamap long Wantok Nius bilong Novemba 10, 2005. Het tok em i rait olsem, 'Husat kaikai pik mit em bai lus'.

Peter P. Nana, mi ritim pik na kapul mit bilip pas bilong yu, na yu tok moa olsem, "Yu husait kaikai mit bilong pik na kapul ol bai lus na i no inap i go long heven tu".

Peter Nana, pik na kapul mit bilip bilong yu i soim mi ples klia tru olsem lotu bilong yu em i skin o bodi lotu tasol na i no long spirit na long pasin tru. [Jon 4:24]

Bikos pik na kapul mit yu kaikai em i no inap tru i go insait long hap bilong sol na spirit bilong man na mekim man i kamap doti, na tu yu mas save na klia olsem, sol

na spirit bilong man i no save kaikai ol kaikai bilong bodi bilong man ol i kolim 'natural food'.

Yu i no bin mekim poin bilong yu i kamap ples klia long pas bilong yu. Hau na pik na kapul mit i save mekim sol na spirit bilong man kamap doti?

66:17 yu raitim em i sut na pointim yu yet stret, bikos yu yet i laik kamap klin na stretpela man long ai bilong God long tambuim kaikai pik na kapul mit. Dispela ves em i tok stret long haiden lotu lain na i no ol bilip man. Is 66:17 'They that sanctify themselves and purify themselves'. Salvesen bilong God i no long gut wok yumi yet mekim. Nogat tru.

Salvesen bilong God em i save kam long wok bilong Jisas Krais Pikinini

bilong God tasol. Taitas 3:5-6, Marimari na sori bilong God tasol God i save kisim bek yumi, taim yumi bilip long Krais tasol.

Ef 2:8-9 na dispela pasin bilong pik na kapul mit tambuim bilip kaikai lotu em i las de bilip bilong devil satan 1 Tim 4:1-4, yu tambuim abus na yu i no tanim bel long sin na sin i stap yet na dai painim yu bai olsem wanem long Lake of Fire Rev 20:15, 21:8 na paia bilong oltaim Mt 25:41, panismen bilong oltaim Mt 25:46 na moa yet. Mi amamas long ritim bekim bilong yu.

PETER KELO KAINANTU ISTEN HAILANS PROVINS

Buk Baibel i tok pik em i doti

Dia Edita

MI LAIK sapatim brata Peter P. Nana na bekim pas bilong brata Sulle Bata i bin kamap long Wantok long Disemba 8, 2005. Brata i bin tok "pik em i abus".

Brata God em krieta na olgeta abus i gutpela bilong kaikai, klin o i no klin em i toksave long yumi long buk bilong em yet Baibel. Yu ken lukim long Deuteronomy

14:8 em i tok pik em i doti olsem na yu noken kaikai o tasim bodi bilong em.

Brata God i no man na em bai giaman. Numbers 23:19 o em no save senis. Malachi 3:6 wanem samting God i tok yumi mas bihainim tasol.

Sapos yu sakim tok na kaikai pik i stap em orait tasol God i tok taim em i kam bek gen belhat bilong em bai go antap long ol man i save kaikai pik. Isaiah

56:17, brata laip bilong yu em bikipela samting mobeta yu mas stop long kaikai pik nau. Amamas tasol long bekim bilong husat i laik agensim o sapatim pas bilong mi.

JOHN P. WALI KIMBE WES NU BRITEN PROVINS

Toksave:

Sampela ol pas mipela i kisim i go long tumas na no givim. Sapos long ol mipela pas, plis tumas i liklik. Na to putim nem na adres bilong yu long olgeta pas yu salim i kam, tenkyu.

- Edita

WANTOK
KOMENTRI

Skate - Tru tru PNG man

TOK WELKAM i go aut long olgeta rida bilong Wantok Niuspepa long dispela namba wan pepa bilong nupela yia 2006.

Tasol dispela tok welkam i go aut wantaim liklik hap tok sori long indai bilong wanpela long ol mausman bilong kantri bilong yumi - Sir William Skate.

Sir William i bin lusim laip bilong em long Tunde apinun bihain long bikpela sik i bin holim bodi bilong em. Maski em i bin go daun long Brisben Australia long kisim halivim, tasol em i bin bagarap tumas.

Nau ol manmeri insait long kantri i wok long skelim tingting bilong ol long dispela wanpela praim minista husat i no bin wari long wanem kain tok baksait o rabis toktok ol manmeri i bin mekim long en.

Planti manmeri insait long Nesanel Kapitel Distrik yet bai autim bikpela bel sori long indai bilong dispela man husat ol i tok em i wanpela lida bilong ol liklik manmeri stret.

I tru olsem Sir William i bin mekim bikpela wok tru long kisim luksave bilong kantri na pipel olsem wanpela praim minista.

I tru tu olsem em i bin mekim sampela samting we i no gutpela long ai bilong ol planti ol arapela lida bilong yumi hia long PNG.

Tasol em i bin praim minista bilong husat, na as ples bilong em i stap we? Em i stap hia yet PNG.

Nau taim yumi ritim olgeta tok sori i kam long ol lida, na i kam long ol liklik manmeri, yumi lukim planti arapela gutpela pasin bilong dispela man husat i no bin sem long tokaut olsem em i wanpela man bilong laikim tru Joni Woka. Em i wanpela rong? Nogat.

Long wik i kam, bai mipela i lukim namba wan bikpela matmat bilong wanpela long ol praim minista bilong yumi. Namel long ol arapela praim minista, Sir William bai namba wan praim minista bilong PNG long lusim laip bilong en.

Insait long dispela luksave tasol em yumi ken lukim yangpela bilong kantri bilong yumi, na yumi ken lukluk bek na tok: "Tru, Bill Skate i bin wanpela rok en rol praim minista, em man bilong dring wiski, tasol em i wanpela hap man tu long soim stret kala bilong PNG pasin."

Nau long dispela taim we tingting bilong yumi wok long op moa bihainim ol arapela kastom na pasin long wol, ol kain man olsem Sir William bai kisim luksave bilong ol pipel.

Bikos Sir William i no bin sem. Pasin bilong em i bin olsem pasin bilong wan man na meri.

Pasin bilong em i bin soim klia olsem yumi ken kisim skul bilong ol arapela, na yumi ken bihainim kastom bilong arapela. Tasol pasin PNG em i samting i stap insait long yumi olgeta.



2006 em bilong yu

HEPI Niu Yia na welkam long yia 2006. Em i nupela yia tru bilong yumi olgeta long go insait na go het long narapela 12-pela mun i kam.

Yupela sampela i mekim sampela tok promis long senisim sampela pasin o samting tu o nogat?

Yupela larim bel i autim sampela laik bilong en na tingting i wanbel long karimaut sampela nupela senis o nogat? Planti manmeri i mekim sampela kain tok promis long rausim sampela olpela pasin o samting na traim sampela nupela rot o nupela samting.

Em taim bilong em stret long taim nupela yia i stat.

Ol lain bilong kaikai buai na smok i tok promis long lusim buai na smok o lusim bia. Sampela i tok ol bai no inap kros o belhat moa. Sampela i tok ol i mas sevim gut mani long pasbuk nau. Sampela tok ol bai tingim famili bilong ol



stret nau na planti arapela moa.

Gutpela sapos yu tu i bin mekim sampela tok promis long mekim sampela nupela samting, orait em gutpela. Yu yusim tingting na save bilong yu long luksave long olpela na laik traim nupela. Sapos olgeta trausis i bruk long yu, orait yu mas rausim na tromoi i go na werim nupela. Em tingting i wok.

Papua Niugini olsem kantri tu i mas senisim olpela pasin na kisim sampela nupela senis i kam nau. Pasin bilong dring spak na tok nabaut o pait nabaut em lusim nau. Pasin bilong jeles long arapela na traim kros birua nating em maski. Pasin bilong blokim rot na kisim mani long ol pasindia na pmv em lusim

nau. Pasin bilong sindaun nating long haus na bel kros long arapela i givim sampela long yumi em lusim nau. Pasin bilong painim rot bilong singautim kompensesen tu em maski nau. Pasin bilong tok giaman o mauswara long grisim arapela na paulim ol em maski nau.

Planti yangpela i save raun nating long taun na tromoi mauswara olsem ol i saveman na kisim mani bilong arapela manmeri nating. Yumi kolim ol dispela kain man em ol konman. Dispela kain pasin em lusim nau. Olgeta kon pasin em lusim nau na mekim sampela gutpela samting.

Pasin bilong pulap raun nating nating long bas stop na luk stil long pulim poket o bilum bilong ol arapela em lusim nau. Mekim sampela gutpela senis nau.

Yumi save apim nem bilong yumi olsem ples bilong yumi i gat planti naispela samting olsem kopi, kopra, oil na ges,

gol na kopa, maining bai kamap na planti naispela samting. Tasol yumi yet i save raun nating long strit na luk stil long arapela i kaikai buai bai yumi singaut long hap i kam o hap lus smok i kam. Mauswara bilong yumi i save moa yet tru. Mekim wanem na yu singaut long hap smok na buai, ating yu nogat samting long ples bilong yu ya.

Em yia 2006 na planti tausen manmeri long wol i mekim sampela kain tok promis long lusim sampela pasin bilong bipo we i save givim hevi long ol. Na ol i laik traim nupela pasin. Olsem na yumi tu i mas traim nau. Noken mekim kon toktok na kon pasin moa. Mekim nupela senis nau na mekim samting stret. PNG i pulap long planti sans. Yu mekim bai yu painim kaikai bilong gutpela tingting bilong yu.

Hepi Nu Yia na welkam bek wantaim mi long 2006 wantaim moa Wantok Sistem.

Nupela yia mas lukim nupela pasin bilong lida

OLNESENEL palamen lida i mas lusim wok lida bilong ol na i go long kalabus.

Las yia 2005 long mun Oktoba, wanpela lida bilong palamen i bin kamapim wanpela bil na i tok: Sapos wanpela Nesanel Palamen Lida i paulim o stilim mani bilong pablik, em bai no inap go long kalabus na tu ol bai i no inap lusim wok lida bilong ol.

Kisim Bek 22:1-4a i tok, sapos man i stilim samting bilong narapela man, em i mas bekim. Na sapos em i stilim sipsip na ol painimaut em i mas givim bek, na sapos dispela sipsip i dai, orait em i mas bekim 4-pela sipsip i go long



wantaim Evangelist OHARE JABERE

papa bilong sipsip. Lo 25: 11-12 i tok, sapos tupela man i pait na meri bilong wanpela man i helpim man bilong em na kamautim bol bilong narapela, orait ol i mas katim han bilong meri ya na tromoi i go. Mobeta em i mas i stap wantaim wanpela han tasol.

Lo bilong God i tok yu noken stil, pasin stil em i pekato. Sapos yu stil em yu brukim lo

na yu mekim pekato o sin pinis, olsem na yu mas dai.

Rom 6: 23b - Pol i tok, Pe bilong sin em i dai.

Stat 3:1-24; Rom 5:12-22 - Adam na Ivi i bin sakim tok bilong God, olsem na God i tok bai yu dai na ol' tumbuna bilong yu kamap bihain ol tu bai dai.

Korapsen o stil pasin i stap long ol lida na sapos yumi laik stretim korapsen pasin orait Lida i mas i go long kalabus na tu em i mas lusim wok lida bilong em.

Long Rom 13:1-7 - Pol i tok, Gavman em God yet i makim ol, olsem na ol i mas pret long God na i stap aninit long God.

Taim ol lida i stat long mekim kempen bilong em, em i save promis long ol man na tok em bai mekim olsem. Tasol em i no save bihainim olgeta promis em i bin mekim, olsem na em i mas kisim bek pe bilong brukim tok promis. Dispela bil bilong noken rausim lida long wok, em i no trupela na i no stretpela olsem na palamen i noken strongim sapos em i kamap gen. Nogat tru.

Nau yumi i statim nupela yia, olsem na dispela olpela pasin yumi i mas lusim na i stap gut na God bai blesim kantri na givim han long yu na wok bilong yu bai ron gut.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$240.00

A/General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



HEVI LONG SUGA: Bikpela wok agrikalisa long Fiji, groim suga na mekim suga wantaim ol arapela wok agrikalisa i wok long bungim kain kain hevi long salt bilong graun tasol.

Lis long graun

FIJI i mas kamapim wanpela sistem bilong lisim o tilim ol graun, Esien Developmen beng i tok.

Long wanpela wok glasim i go insait long praivet sekta bilong Fiji, beng i tok dispela wanpela graun lising sistem bai lukim gavman i gat bikpela lis wantaim Netiv Len Tras Bod (NLTB).

"Gavman bai lisim olgeta agrikalisa graun long NLTB na sab lisim i go long pablik," ripot bilong Beng i tok. "Em nau, gavman i ken baim NLTB na lukautim wok

FIJI

bilong kisim ren long ol manmeri i sindaun long graun."

Wanpela arapela rot em bilong Fiji gavman long bungim olgeta ren long ol tenen na NLTB long daunim fi bilong em.

Ripot i singaut long wok i mas stat nau yet sapos gavman i laik stretim olgeta graun hevi bilong en insait long Fiji.

Planti agrikalisa graun insait long Fiji i kam

aninit long lukaut bilong Agrikalsarel Lenlots na Tenents Ekt (ALTA) we i save daunim lis i go inap tripela ten (30) kris-mas na bikpela lis peimen we inapim 6 pesen long wan wan yla.

Ripot i tok wanem kain sindaun o hevi i kamap i no long taim i go pinis long rinium o kirapim bek ol lis bai bagarapim agrikalisa wok bisnis. Em i tok straksa bilong ALTA i wok long pasim developmen insait long Fiji agrikalisa sekta.

-PACNEWS

Mausman bilong Frans

PASIFIK

FRANS i makim wanpela nupela Ambaseda bilong Pasifik rijen, wantaim lukluk long Seketeriet bilong Pasifik Komyuniti (SPC) we i stap long Noumea.

Nupela Frens ambaseda na pemenen mausman long Seketeriet bilong Pasifik Komyuniti em Patrick Roussel. Dispela Karia diplomet i gat 55 krismas wok olsem diplomet na bipo em i bin holim ol posisen olsem ambaseda long Haiti (1995-1999), na Djibouti (1999-2004).

Mista Roussel i senisim Bruno Gain, husat i bin holim dispela posisen inap long tripela na hap kris-mas i go pinis. Em i senis i go wok

long Yuropien Kaunsil long Strasbeg.

Dispela wok olsem Frens pemenen mausman i go Seketeriet bilong Pasifik Komyuniti i kam aninit long lukaut bilong tripela Frans gavman ministri: Opis bilong Praitim Minista, Foren Afes na ol ovasis teritori.

Dispela wok em long lukautim tu US\$3.5 milien Pasifik Fan, we i wok long halivim tripela Frens Pasifik kantri na teritori (Nu Kaledonia, Frens Polynesia, Wallis na Futuna) long kam insait long Pasifik rijen.

Ol hap we dispela program bai wok long en insait long Pasifik, em helt, edukesen, kalsa, midia na i no long taim i go pini, wok risets, envaironmen konsavesen na ol netserel distasta wok redi.

-PACNEWS

Niu Yia kamapim ol senis long sitisensip

OL SENIS long ol sitisensip lo i tok olsem stat long namba wan de bilong mun Januari, i no olgeta bebi mama karim ol long Nu Silan bai kamap ol sitisen bilong kantri.

Sapos wanpela papa mama em i wanpela sitisen bilong Nu Silan o i stap long taim long Kuk Ailans, Tokelau o Niue, sapos ol i karim bebi, em bai sitisen bilong Nu Silan.

Tasol ol bebi i kamap long ol papamama husat i stap raun long Nu Silan long malolo bai no inap kamap sitisen.

NU SILAN

Dipatmen bilong Intenei Afes i tok olsem ol senis i kamap long "luksave long strong bilong Nu Silan Sitisensip" na long strongim rot bilong kisim sitisensip.

Dipatmen i tok olsem "daunim sitisensip long taim mama karim pikinini i go long ol sitisen na pemenen residen, dispela nupela ekt i strongim sitisensip na ol gutpela kaikai bilong en i stap long ol pipel husat i gat strongpela sindaun wantaim Nu Silan."

Tony Wallace, wanpela mausman bilong Intenei Afes, i tok dispela senis i save strongim lo we olgeta wan wan pikinini we mama i karim ol long Nu Silan nau bai i mas i gat mama karim rekot long kisim nem olsem sitisen insait long mama kantri bilong en.

I go inap long pinis bilong 2005, planti pikinini we mama i karim ol insait long Nu Silan (o Kuk Ailans, Niue o Tokelau) i bin kamap Nu Silan sitisen stret.

-PACNEWS

Pipel mas votim ol gutpela lida

SOLOMON AILANS

GAVANA Jenerel bilong Solomon Ailans, Nathaniel Waena i singaut long ol pipel bilong Solomon Ailans long makim 'ol gutpela' lida long ol jenerel ileksen long dispela yia.

Na em i tok ol dispela lida i mas gat gutpela nem na inap strong long karim Solomon Ailans.

"Long 4-pela yia antap, we em bai stat taim ol pipel i makim ol nupela memba bilong palamen, i mas kamap taim bilong tingting strong long gutpela ikonmik sindaun na gutpela bel isi bilong olgeta Solomon Ailans manmeri."

Sir Nathaniel i tok olsem nem na politiks independens bilong Solomon Ailans i mas ol bikpela wok bilong ol nupela nesanel lida.

"Kantri i mas i gat ol gutpela na strongpela lida, husat i save luksave na i klia gut long wanem as tingting bilong sovrenti bilong kantri, na wanem samting em politikel independens." Solomon Ailans bai go insait long nesanel jenerel ileksen bilong ol long mun Mas long dispela yia. Long wankain taim, ol komyuniti i da i wok long mekim wankain toktok.

Sivil Sosaiti netwok i tok em i lukluk long Solomon Ailans i kisim ol gutpela lida husat bai lukautim kantri na ol pipel. Grup i tok olsem ol lida bilong bihain taim bai senisim Sir Allan Kemakesa gavman na strongim ol hap we ol i no bin wok strong long en.

"Ol i mas bihainim gutpela wok gavanens bihainim transparensi na akauntabiliti o klia wok i go long ol pipel bilong ol," sivil sosaiti netwok i tok.



MAKIM GUTPELA LIDA: Gavana Jenerel bilong Solomon Ailans, Nathaniel Waena (namba 4 long rait han) i save long strong bilong gutpela lida. Em i bin kam long PNG long makim tripela ten kris-mas bilong independens bilong PNG las yia.

Tripela man Esia kisim mekimsave

TRIPLELA man Esia husat i wok long raun wantaim ol giaman pepa i go olsem long Vanuatu na Australia i no bin go insait na ol i rausim ol i go bek long Pot Vila.

Ol lokol atoriti i tok planti man nogut i save yusim Vanuatu olsem wanpela ples bilong salim ol manmeri ol i save stil na haitim ol bai ol i ken go long Australia, Nu Silan, Frans, Yunaitet Stets na Kanada.

WANTOK

Wanpela gavman opisa i tok olsem ol manmeri bilong Esia i ken kisim isi rot i go long ol dispela kantri sapos ol i gat wanpela Vanuatu residen pemit pepa.

Planti opisa insait long gavman i tok dispela em liklik hap tasol na ol i blip wanpela lokol kampani i wok long mekim ol giaman pepa na balus tiket long haitim ol dis-

pela stil manmeri.

Dispela tripela man i bin raun long Saina i kam long Vanuatu we ol i senisim ol nem bilong ol na ol i kisim ol giaman Vanuatu residensel pemit. Olgeta dispela ripot i kam long imigresen dipatmen.

Hetman bilong imigresen dipatmen James Naruaeng i tokaut long nem bilong ol olsem Yu Juan, Chen Guoshun na Ng Kwok Wing.

Mista Naruaeng i tok em i isi long luksave long ol giaman pepa long wanem ol namba long ol i no wankain olsem ol namba long rekot bilong ol.

"Rejistri bilong mipela i tok wanpela siriet namba long wanpela giaman residen pemit pepa dispela tripela lain i yusim i bin stap long ol kain kain nem," em i tok.

-PACNEWS

Pis kampani salim moa bot i go long pulim pis

SOLOMON Ailans ekt-ing minista bilong pis, Mathias Taro bai lusim kantri neks mun bilong paitim moa toktok wantaim wanpela siping kampani long Nu Silan bilong salim moa bot i go pulim pis insait long ol Solomon Ailans solwara.

Plen bilong apim namba bilong ol pising bot i kam long Nu Silan i bin kamap long Tuna Komisn miting long Pohnpei, Federetet

SOLOMON AILANS

Stes ov Maikronesia.

Dispela Nu Silan kampani i baim pinis tupela pes saina laisens long pulim pis insait long Solomon Ailans.


Minista Taro i tok em i tok klia na stretim pinis ol bikpela sut toktok olsem Solomon Ailans i wok long abrusim mak bilong solwara bilong en.

Em i tok dispela sut tok-tok i hat long tok klia long en bilong wanem ol pis i no save stap long wanpela hap tasol na ol i save raun raun.

Em i tok ol i mas sanapim wanpela strongpela na gutpela menesmen sistem we ol i ken sekim ol tuna kets na abrusim ol liklik tuna.

-PACNEWS

Amamasim Niu Yia insait long Wol



NU YOK SITI - AMERIKA: Riina Ben Silmane bilong kantri Belsium (Belgium) i singaut long Taim Skwe, wampela biknem ples insait long Nu Yok siti long Amerika long Desemba 31, 2005. Planti handret tausen manmeri i bin kamap long Nu Yok Taim Skwe long hukim wampela bikpela Nu Yias Iv Bai i pundaem long makim 12 kilok moning stret na mupela yia 2006. Dispela kain luksave i save stap oketa yia na em i bin stat long 1906 yet. - *REUTERS*



VATIKEN - ROM: Pop Benedict 16 i go pas long Te Deum prea long San Pitas Baslika long Vatiken siti long Rom. Pop Benedict i givin 2005 wampela gutpela tok gutbal long Sarere taim em i lukluk bek long yia we em i bin kism luksave olsem hetman bilong Katolik slos bilain long bipo Pop, Pop John Paul 2 i bin dai long mun Epril. - *REUTERS*



MARINA BE - SINGAPORE: Oi pala-wok o pafa roket i makim stat bilong mupela yia long Marina Be, wampela ples long kantri Singapo (Singapore) long January 1, 2006. - *REUTERS*



PARIS - FRANS: Oi pipel i amamas na kap-saitim ol botol Sempeln o wain long mupela yia selebresen na amamas long fran bilong Aifel Tawa long bik siti Paris long kantri Frans (Fransa). - *REUTERS*



TOKYO - JAPAN: Redi nau. Wampela Sinto pater (brukim baksait) i klinim na redim em yet pastaim long em i laik redi long Niu Yia i kamap long Meiji sraim long siti Tokyo long kantri Japan. Samting olsem 2 milien pipel bai go long dispela hap long prea long namba wan inap tripela de bilong yia 2006. - *REUTERS*



KUALA LUMPUR - MALAYSIA: Oi paia roket i pairap antap long tupela longpela opis long Kuala Lumpur, biksiti bilong kantri Malaysia taim namba wan de bilong yia 2006 i bin bruk. Nem bilong dispela tupela tawa em Petronas Twin Towers. Planti tausen Malaysia manmeri i bin bung long as bilong dispela tupela longpela opis long makim kamap bilong mupela yia. - *REUTERS*

Lida mas stap olsem lait long komyuniti

James Kila i raitim

OL LIDA insait long ol wan wan komyuniti insait long kantri i mas sanap long dispela pos we i makim ples klia pasin, nogat stil pasin na man bilong tok trupela tok tasol.

Long tok Inglis, ol dispela bikipela tok em. "Trans-parency, Accountability na Honesty"

Dispela ol lida tu i mas soim gutpela pasin na mekim gutpela wok long winim bel na bilip bilong ol manmeri long komyuniti. Lida mas noken tok hat o yusim strong bilong em long pusim ol manmeri long laikim em.

Dispela em sampela ol bikipela skul tru 15-pela ruel distrik literasi tisa long Isten Hailans i bin lainim insait long wanpela skul bilong ol we i bin kamap long Goroka long las mun (Disemba 2005).

Planti ol lida long PNG nau yet i no save holim trupela pasin bilong lida. Planti lida i save yusim moni na pawa bilong ol long winim bel bilong ol pipel. Dispela ol lida i no ol trupela lida.

Lida i mas trupela manmeri

Ol lida insait long komyuniti i mas man we i save stap gut wantaim famili bilong em yet. Man i save tok trupela toktok olgeta taim, man husat i save sevim ol kaikai na samting bilong em wantaim ol pipel, man i no save giaman na stil na man i save gat gutpela pasin olgeta taim.

Taim i gat ol lida olsem long komyuniti, ol manmeri bai soim rispek o ona long em na tu ol bikhet man bai harim toktok bilong em na bihainim toktok bilong em na tu nogat ol hevi bilong lo na oda bai kamap insait long komyuniti.

Dispela wan wik woksop i bin lukluk i go insait long sampela rot long daunim hevi bilong lo na oda insait long komyuniti long PNG na wanem sampela-ol rot long daunim

...liklik skul meri soim stret kala



BIKPELA TINGTING: Farive sanap namba tri long raithan em liklik meri, tasol tingting bilong em i klia. dispela ol hevi.]

Liklik meri gat namba long toktok

Insait long dispela woksop tu i bin gat wanpela liklik meri husat i gat 14-krismas husat i bin givim planti gutpela toktok insait long woksop na ol grup toktok. Planti ol lain husat i go pas long ronim kos i amamas tru long dispela yangpela meri nem bilong em Farive Hamena. Dispela liklik meri i mekim gret 9 bilong em long Goroka Sekenderi skul na em bilong Lufa distrik insait long Isten Hailans provins yet.

Tru tumas dispela liklik meri i opim stret ai bilong ol narapela bikman meri husat i bin stap long woksop ya long kain ol gutpela toktok em i mekim. Em i no poret long givim tingting bilong em long wanem samting em i laik lukim komyuniti i mas mekim long bringim gutpela sindaun long ples na hauslain.

Farive gat strong bilong lida

Wanpela fesiliteta o man husat i go pas long givim skul long woksop, Joe Roger Kanekane, husat i save wok olsem media etvaise bilong



PAITIM TOKTOK: Francis i stori wantaim wanpela man i go pas long dispela woksop, Joe Kanekane.

Komyuniti Lo na Jastis Sekta Sekretariat i amamas tru long kain ol toktok em dispela yangpela meri Farave i bin givim.

"Dispela liklik meri em tingting bilong em i klia tru na i luk olsem long bihainim taim dispela meri bai kamap olsem wanpela meri lida insait long komyuniti bilong em," Mista Kanekane i tok.

Farive i tokim Wantok Niuspepa olsem em i bin go bek long ples bilong em long Lufa long malolo, tasol mama bilong em i tokim em olsem i gat wanpela

skul i kamap na em i mas go long kisim ples bilong wanpela literasi tisa. Dispela tisa em wanpela pasto na em bai go long narapela ples long mekim wok. Olsem na dispela askim em Farive i bihainim na go long Goroka long stap long dispela skul long YWCA.

Luksave long ol hevi bilong lo na oda

Long woksop ol lain literasi tisa ya i skelim olsem lo na oda nau yet em wanpela bikipela

hevi tru insait long kantri we i lukim komyuniti bilong yumi i go bagarap na gavman i lusim bikipela moni tru wantaim ol ovasis poroman long traim long daunim dispela hevi.

Tasol i gat sampela lait i stap yet. Yumi olgeta wan wan manmeri i gat wok insait long wan wan komyuniti long ples na hauslain insait long kantri i gat wok long helpim long daunim hevi bilong lo na oda.

Dispela em wanpela bikipela het tok tok we i bin stap insait long wan

pela wan wik Literasi Woksop em ol lain bilong Lo na Jastis Sekta Progrem wantaim YWCA i bin ronim long Goroka.

Dispela woksop i bin kamap long YWCA na i lukim 15-pela lain husat i kam long ol distrik long Isten Hailans olsem Okapa, Lufa, Unggai, Bena na Goroka distrik husat i bin kisim gutpela skul i kam long ol lain wokman meri bilong YWCA.

Dispela woksop i lukim ol lain long i kisim gutpela skul long save long wok bilong ol lain olsem plis, woda, Ombudsmen Komisen, Atoni Jenerel na ol narapela sekta insait long Lo na Jastis Sekta.

Ol lain husat i go pas long ronim dispela program em Mista Kanekane wantaim ol lain bilong Nesenel Literasi Aweanes Sekretariat em Genoa Toa wantaim Christopher Kepio.

Dispela woksop i lukim tupela lain bilong bikipela opis bilong gavman olsem Maimai Cletus Ngaffkin bilong Opis bilong Atoni Jenerel wantaim Bonner Tito bilong Ombudsmen Komisen i stap long givim gutpela toktok long wok bilong dipatmen bilong ol na hausat ol i save wok long stretim wari bilong lo na oda insait long kantri.

Strongpela meri long YWCA long Goroka husat i go pas long givim skul toktok insait long woksop em Jannelly Gideon wantaim helpim i kam long Angela Soso.

Skul bai halivim ol

Ol lain husat i bin pinisim kos bilong ol long i bin greduet wantaim setifiket.

Francis Kua husat i makim maus bilong ol lain husat i stap insait long dispela woksop i tok olsem em i lainim planti gutpela samting long dispela woksop.

"Dispela woksop i lainim mipela long sapim spia bilong mipela long pait long daunim hevi bilong lo na oda insait long wan wan komyuniti bilong

mipela," Kua i tok.

"PNG em kantri bilong yumi olgeta na yumi olgeta i gat wok long bungim han na pait long daunim ol hevi bilong lo na oda."

Kua i tok em i amamas olsem wanpela komyuniti lida na literasi tisa bilong Piswara Setelmen long Goroka olsem nau gavman i luksave long hevi bilong ol liklik man na i laik harim krai bilong ol long daun-bilo. Pastaim gavman i no save mekim olsem. Em i save kamapim disiseni long Waigani na ol liklik man husat lo na oda hevi i save bungim ol i no save redi gut long stretim hevi insait long komyuniti bilong ol yet.

"Mipela ol lain husat i stap long dispela skul i lainim planti gutpela samting tru long helpim na bringim aut ol tok-save na skul bilong lo na oda i go insait long wan wan komyuniti bilong mipela" Mista Kua i tok.

"Nau yet mi lukim olsem yumi lain traim long wok daunbilo long hauslain o komyuniti level na i go antap

"Pastaim tru na long bipo yet dispela lain wok i save stap long Waigani na bihain ol i save laik bringim dispela wok i kamdaun long ol komuyuniti. Taim dispela kain pasin i kamap em i no save gutpela bikos ol lain long daun-bilo i no save klia gut tru long wanem ol liklik hap seksin bilong lo i stap long lukautim wokabout bilong ol long stretim hevi bilong lo na oda insait long komyuniti," Kua i tok.

Kua i tok tu olsem dispela skul na wok ol i kisim em i bikipela wok tru. Olsem na strongpela toksave bilong em i go long Dipatmen bilong Nesenel Plening olsem noken wokim nupela rot i go insait long ol hauslain nau na tumoro bus bai gro gen na karamapim dispela nupela rot.

"Dispela em giaman wok bilong ol lain politisens husat i save kamapim planti ol bikipela toktok tasol nogat gutpela wok tru i save kamap"

Rintebe sumatin i greduet wantaim stail



HATWOK PINIS: Hetmasta bilong Rintebe Luteran Hai Skul, Pherao Orimyo i sanap na kisim poto wantaim tupela brata na sista gret 10 sumatin em Moses Agmegi na Elis bihain long greduesen.

Sape Metta i raitim

RINTEBE Luteran Hai Skul em i wanpela namba wan na olupela skul we Luteran sios i bin kirapim long Bena Bena eria long Isten Hailans long 1950s na lukautim i kam inap nau.

Na taim dispela skul i statim operesen bilong em, em i lainim na trenim planti ol sumatin husat i go pas nau long holim ol bikpela wok na posisen insait long ol pablik na praivet sekta na tu long ol sios na ol arapela bikpela institusen. Na ol arapela i kamap na lukautim bisnis bilong ol yet bihain long ol i kisim edukesen long dispela skul.

Rintebe hai skul i save givim ol skul progrem wankain olsem ol arapela hai skul.

Na skul ya we i stap namel long Lowa na Apa Bena eria i bin ron gut i kam namel long 1990s, pasin bilong traibel pait na birua namel long ol wan pisin long ol ples na hauslain arere long skul eria i bin bringim hevi i go insait long skul eria na planti taim long ol yia i go pinis, skul i save stopim operesen bilong en, bikos long dispela ol hevi em ol asples hauslain manmeri i save kamapim long en.

Dispela i mekim na planti papamama long isten Hailans na ol arapela Hailans provins husat i gat bikpela laik long safim ol pikinini bilong ol i go long skul long Rintebe hai skul i stopim ol, long wanem ol i save pret long seifti bilong pikinini bilong ol.

Tasol insait long tupela yia i go pinis, taim nupela hetmasta em Pherao Orimyo i muv i go insait na tekova long lukautim Rintebe hai skul, planti senis i bin kamap long skul.

Dispela ol senis i kamap na ol as ples na hauslain manmeri i luksave olsem ol kain kain hevi na birua pasin em ol i wok long kamapim na bringim hevi na stopim operesen bilong skul em i no stret.

Na ol i kamap wantaim gutpela tingting we ol i laik lukim ol pikinini i mas go long skul na kisim gutpela edukesen na trening we ol i ken kamapim sampela developmen long ol ples na komyuniti we ol i save stap long en.

Taim dispela ol gutpela tingting i kamap, ol papamama long dispela midel Bena eria i kamapim planti ol pablik aweanes progrem long stopim ol pait na birua pasin, na larim skul i ken i stap fri na kisim ol pikinini na i go het long lainim na trenim ol we ol i ken kamap na developim ples na komyuniti.

Nau yet bihainim dispela gutpela tingting na gutpela kaikai bilong aweanes progrem, Rintebe hai skul i go het na ron gut long las tupela yia.

"Mipela i luksave olsem skul na edukesen em i bikpela samting we em i ken developim ol pikinini na tu ol hauslain na viles komyuniti, distrik, provins, na kantri bilong mipela.

Taim luksave i kam gut olsem, mipela i stat long senisim ol pasin bilong mipela. Na taim mipela i soim ol gutpela mak bilong senisim ol pasin, mipela i lukim nau 109 gret 10 sumatin i greduet na pas aut long dispela namba 14 greduesen," Hetmasta Orimyo i tok.

Em i tok skul em i kamap na ron gut gen tasol i gat planti samting we skul i laik mekim, tasol i nogat ol moni long karimaut ol wok long stretim ol samting long skul. Mista Orimyo i tok skul i nidim ol mani long mentenens na apgetim ol fesiliti we ol wok manmeri na sumatin i save yusim long en.

"Rintebe Hai Skul em i wanpela olupela skul olsem na planti ol skul samting olsem ol opis, klasrum, haus slip bilong ol man na meri sumatin na ol toilet na ples was was i bagarap na bruk nabaut. Planti long ol dispela samting em ol i no fit long yusim, tasol ol i wok long yusim yet," Mista Orimyo i tok.

Em i tok skul ya i no save kisim moni na sapot i kam long ol atoriti olsem Isten Hailans provinsel gavman na provinsel etministresen na nesenel gavman tu.



Opis bilong Dairekta Jenerel

Opis bilong Haia Edukesen (OHE) i laik toksave long pablik olsem ol toktok long pes 5 bilong National Niuspepa long namba 30 de bilong mun Desemba 2005 long sanap bilong Jubilee Yunivesiti aninit long lo i no stret na i paul olgeta na i no givim luksave long Asemblis Ov God long Jubilee Yunivesiti Kaunsil.

OHE i no bin tok olsem Jubilee Yunivesiti i brukim lo. Samting em i tru em Yunivesiti em i sanap aninit long lo bihainim wanpela Disisen Namba 191/05 bilong Nesenel Eksekyutiv Kaunsil. OHE i no wanbel long em i kisim nem nogut nating na wok bilong Opis bilong Haia Edukesen wantaim ol arapela institusen na pawa bilong em aninit long Eksekyutiv Gavman.

Dispela em i tru tru stori:

1. Nesenel Eksekyutiv Kaunsil Disisen Namba 191/05, Miting Namba 44/05, Ogas 25, 2005 i tok craitim sanapim bilong Jubilee Yunivesiti. Sanapim bilong Jubilee Yunivesiti **i bihainim stret lo** aninit long dispel NEC disisen.
2. Jubilee Yunivesiti Konstitusen i stap nau wantaim Lejisletiv Kaunsil husat bai givim bil i go long NEC na bihain Palamen long kisim tok orait. OHE **i tok klia na daunim ol sut toktok** olsem sios i bin hariap tumas long kisim luksave bilong dispela yunivesiti.
3. NEC i givim tok orait bilong Jubilee Yunivesiti olsem wanpela skul i ken givim haia edukesen insait long Papua Niugini. Em nau em i ken givim ol haia edukesen kos, wanpela disisen i kam yet long Yunivesiti Kaunsil. Komisin bilong Haia Edukesen i save glasim olgeta progrem i kam long ai bilong en, taim ol provaida i pilim olsem ol i mas stap long paitim toktok long Komisin level.
4. OHE em i save wok namel long gavman na ol institut bilong haia edukesen. Em i no stap long bagarapim dispela wok **tasol** em i stap long wok wantaim menesmen bilong Yunivesiti long karimaut Disisen bilong NEC bilong sanapim bilong Jubilee Yunivesiti. Dispela i mas stap klia.

OHE i tok sori long wanem kain hevi i kamap long ol Asembli ov God Sios memba, ol Kaunsil Memba na menesmen bilong Jubilee Yunivesiti na ol pipel bilong Papua Niugini.

William Tagis (PhD)
Ekting Dairekta Jenerel

Musik asosiesen bilong ol musik manmeri

TUPELA wik i go pinis, mi na Oala Moi i bin paitim tok long ol kain kain samting insait long PNG musik indastri na ol kain kain wok bilong ol manmeri i save mekim insait long indastri.

Mipela i paitim tok na tok klia long dispela long givim sampela tingting long ol lokol musik atis bai ol i klia gut long rot musik indastri bilong yumi i wok long bihainim. Ol bai i ken luksave tu long wok bung na kamapim wanpela musik sosaiti o asosiesen.

Oala yet i bin givim sampela tingting long dispela stori bilong mipela. Em bikos em i sanap olsem Honorari Siaman bilong Pot Mosbi Kopirait Onas Lobi (POMCOL), na mitupela wantaim i klia long ol salens bilong ol PNG song raita na rekoding atis na luksave ol i mas kisim long sait bilong royolti.

Nau yet wanpela song raita na rekoding atis i ken kisim 'royolti', tasol em bai kisim bihain long albam bilong em i mekim gutpela moni.

Dispela man husat i raitim singsing na givim long ol rekoding atis long rekodim, i no save kisim wanpela kain moni, maski i gat kopirait lo i sanap pinis. Nau yet komposa o man i raitim musik bai kisim nem long albam o kaset kava tasol.

Hevi i bikpela moa

Dispela hevi nau i wok long bikpela moa taim midia indastri (ol redio na TV) na planti ol arapela lain husat i save yusim ol dispela kopirait wok na husat i no save baim, ating bai ol i no inap wanbel long tingting bilong kamapim wanpela musik o atis sosaiti.

Mi na Oala i bin lusim liklik stori bilong mitupela long wok bilong ol musik pablisa husat i mas lukautim gut ol rekoding atis na em i wok bilong ol long givim moa i go bek long ol musik atis.

Em i wok bilong ol pablisa na ol moa yet, ol studio husat i gat wok bilong painim rot bilong ol musik atis long kisim moa moni.

Dispela i no wok long kamap hia long PNG long wanem ol musik atis yet i wok long painim ol rot na moni long kisim moa pei. Hevi long dispela kain wok em taim ol atis i save traim promotim musik bilong ol; ol yet, ol i save karim hevi bilong kros bilong ol studio we ol i save laik pinisim kontrak bilong ol.



Wok musik pablising em i bikpela moa

Antap long ol komesel rekoding bilong wanpela kopirait wok, em i wok bilong pablisa long painim na yusim ol arapela rot olsem wanpela sinkronaisesen laisens bilong kisim moni long olgeta taim ol i yusim singsing o musik bilong ol long pablik, long brodkas o long intanet.

Gutpela wok etministresen bilong ol musik komposisen i mas karamapim tu wok failing bilong olgeta infomesen i go inap mekenikel na pafomens raitis sosaiti, buk kiping, paitim tok long ol laisens na bungim olgeta moni. Ol musik pablisa wantaim ol arapela menesmen sosaiti i gat wok long putim moni i go insait long kamapim ilektronik menesmen na ol laisensing sistem, na masin bilong makim na painim ol musik.

Long banisim gut ol musik atis, ol musik pablisa i mas lukautim na banisim ol man i kamapim ol wok bai ol arapela man nating i no inap yusim nating ol dispela samting. Kamap bilong intanet na ol arapela fri onlain musik sevis na kamap bilong ol masin bilong rekodim ol CD i wokim na wok bilong sanapim banis i go bikpela moa.

Wok kamap i go het nau

Glasim Musik i givim luksave long Chin H Meen long wok bilong em long kisim kot oda na go sekim ol ples insait long Mosbi we ol i gat ol masin bilong rekodim nating ol musik na muvi piksa. CHM yet i mekim dispela wok long daunim dispela bikpela hevi ol i kolim pairasi.

Mipela i ting CHM olsem namba wan bikpela musik pablisa insait long PNG na Pasifik i mas go het yet wantaim ol dispela wok painimaut wantaim halivim bilong gavman insait long ol arapela bikpela taun na siti insait long kantri.

Save long musik lo

Nau mipela i lukluk long wanem samting em intanesenel musik lo na rot mipela i mas bihainim bai mipela i ken sanapim musik sosaiti bilong mipela yet.

Mi na Oala yet i klia na mipela i laik tok klia olsem Musik Lo em i wanpela han lo bilong Entatenmen Lo. Dispela lo em i lo we i kamap bihainim wok bisnis long sait bilong musik we em i wanpela han bilong entatenmen indastri.

Mipela i bilip olsem bikpela hap bilong dispela entatenmen lo i bruk i go long tupela flap; Litikesen (wok loya na kot) na Papolisiti (wok promoten o apim nem).

Ol lo i sut long ol bisnis na komesel wok bisnis we i karamapim tu ol lo bilong mekim kontrak, wok bung o patnasip, takis, koporesen, sekyuriti, leba na intanesenel lo.

Em nau, Musik Lo, em i wanpela hap bilong entatenmen lo bilong musik indastri, na mi na Oala i bilip olsem musik lo i gat ol kain kain lo i stap insait long en tu.

Australia musik sosaiti, APRA (Australia Pafoming Raitis Asosiesen) em i wanpela gutpela ogenaisesen husat i wok long mekim wok tru bilong em long halivim, givim stia, makim na bungim olgeta moni bilong ol atis na pablisa na skelim ol royolti na arapela winmoni bilong ol atis.

2004 Enuel Ripot bilong APRA i tok em i bin kirap long 1926 na em i wanpela sevis ogenaisesen husat i save lukautim ol rait bilong ol komposa, song raita na pablisa insait long Australia na Nu Silan.

APRA i makim moa long 38,000 raita na pablisa insait long Australia na Esia rijen. Em i makim klostu 2 milien raita na pablisa long wol aninit long ol wok bung wantaim ol sevis ogenaisesen bilong ol.

Em i save lukautim tu Pafoming Raitis long musik. Dispela em ol rait aninit long kopirait lo em ol pafomens long pablik o pilaim musik bilong pablik long harim. Ol kastoma bilong en em ol redio na TV stesin, ol pe televisen opereta, ol ples i save pilaim musik na ol arapela.

APRA em i wanpela ogenaisesen we i no save mekim win moni na tupela bikpela wok bilong em em long opim rot long kisim laisens bai olgeta i klia long kopirait lo, na long givim luksave long ol musik raita na pablisa bai ol i ken kisim ol royolti bilong ol.

Liklik buk bilong APRA we i tok klia long ol kain kain laisens, i tok olsem musik em i wanpela samting bilong ol komposa, husat i wankain olsem ol arapela saplaia insait long maket. Ol i mas baim musik ol i laik yusim. Musik i pairap long redio, TV, CD o kaset ausait long domestik o praiwet ples em i wanpela pafomens long pablik, maski em i laik o ol i rekodim. Na musik i pairap long telepon lain em



SANAP WANTAIM: Dispela paitim toktok long sanapim musik atis asosiesen i mas kisim sapot bilong olgeta wan wan musik atis na pablisa bai em i ken

ol i save kolim 'komyunikesen i go long pablik'.

Olgeta bisnis husat i pilaim kopirait musik, maski long haus bilong ol o long telepon i mas kisim tok orait long ol papa bilong dispela kopirait.

PNG i gat strong inap long sanapim asosiesen?

Mi na Oala bai tok klia long lokol musik i stap nau na sapos i gat inap strong long sanapim wanpela PNG musik sosaiti. Em i gutpela taim long mekim o yumi no redi yet?

Long indpendens yet i kam, PNG musik indastri i bin stap namel long Chin H Meen (CHM), Pasifik Gol (PGS) na NBC/Kalang Kaset. Tasol long 1980s Kalang Kaset i pasim dua bilong en na 4-pela yia i go pinis, PGS i bin pasim bisnis bilong ol na salim olgeta musik bilong en long CHM.

Bihain long en i bin i gat planti liklik studio i bin kamap. Na las yia, Pawahaus Studios i bin kirap.

Pawahaus i sindaun long Lae wantaim sapot bilong Papindo. Ol i save mekim ol dijital rekoding na maketing netwok bilong ol nau i wok long traim strong bilong CHM.

CHM na Pawahaus na em tupela bikpela musik pablisa insait long kantri. Ol setelait studio i kam aninit long CHM, na ol arapela liklik nem studio olsem Tumbuna Traks long Madang, Island Sounds long Rabaul, Quakes Productions na Cyclone Digital Studios long Pot Mosbi i save lukluk long CHM long ol CHM prodaksen bilong ol.

Olsem na wantaim dispela tupela bikpela pablisa insait long indastri na bikpela namba bilong ol liklik studio na ol rekoding atis bilong ol, yumi redi long sanapim wanpela Musik Pablising Indastri o nogat?

Ol arapela musik man olsem Tony Subam, Pious Wasi, Oala Moi na mi yet tu i ken tok yesa, na nogat yet. Yes, bikos Seksen 20 bilong Kopirait na Neibaring Raitis Ekt 2000 i givim rot long kisim laisens bilong ol ikonmik rait, na nogat, bikos PNG i nogat ol bikpela namba musik pablising profesenel olsem ol ejen bilong mekim ol buking, ol menesa, loya

na ol bisnis etvaisea long sanapim strong dispela kain samting.

Tasol i no min olsem mipela i no inap long sanapim wanpela pafoming/mekenikel raitis sosaiti na wetim wanpela jeneresen bilong ol musik profesenel long kamap.

I gat planti gutpela tingting na man bilong hat wok i stap we mi yet mi lukim we olgeta lain husat i gat tingting long sanapim wanpela kain asosiesen bilong ol musik atis i bin kamap.

Namba wan miting long Desemba 23 i paitim tok long wanem rot long bihainim na sanapim bilong wanpela musik sosaiti bilong ol PNG atis na ol pablisa na ol arapela samting bilong bihainim we i ken bungim ol liklik setelait studio na ol atis bilong ol, givim trening na ol arapela. Dispela miting i skelim tu strong bilong ol PNG atis yet long kamapim dispela kain asosiesen.

"Bipo, as tingting em long strongim ol PNG musik atis na rekoding studio, na givim bek rot bilong ol bai ol i ken sanap long lek bilong ol yet long kamapim ol gutpela musik na i gat kwolati bilong inapim redio na televisen," bipo Sanguma man, Tony Subam i tok.

Subam i tok dispela kain asosiesen i mas makim laik bilong ol PNG musik man bai olgeta insait long musik indastri i ken kisim wankain strong.

"Mi lukim dispela bodi olsem wanpela samting i ken bungim mipela olgeta na strongim olgeta insait long indastri. Sapos nogat, bai mipela olgeta i lus. Tasol mipela i mas wokim gut. Pastaim long sanapim wanpela mausman bodi, ol hevi i stap nau i mas stret.

"Olgeta rekot lebol, bikpela o liklik, i mas mekim wok bilong musik pablisa long wan wan taim," Oala i tok. "Olsem, em bai glasim ol singsing na bihain opim rot long ol i rekodim, yusim kopirait na banisim gut, tasol i noken kisim winmoni long en bikos em bai konflik ov intares."

****Yu ken ritim ol stori bilong Musik olgeta Mande insait tasol long**



BIHAINIM BIT: Ol musik ol i save pilaim long ol klab, long redio na TV em ol musik atis i no save lukim wanpela moni long en.

Raun wantaim Kanage olgeta wik



YUMI FM NATIONAL WEEKLY HITPARADE JANUARI 07/01/06

Singsing	Musik Artis	Dispela Wik
Maten Kandiek	Twin Hok of Kavieng	1
Queen 4 Lane	Leonard ft Anslom	2
Ramandu	Off Cuts	3
Tavue	Off Cuts	4
Eitul la hinasi	Off Cuts	5
Spent all my life	Triple J	6
Lavill fes biutiful bodi	Stranded	7
Daba	Litol Rastas	8
Living on a prayer	Troublezone ft Sasha	9
Ngo Oei Nei	Paeva	10
Bapian	Troublezone	11
Marty Sirisiri	Seikatui	12
Mi Nao	Sharzy	13
Action Pondo	Felix Yausi	14
Keliu Ngala	Saba	15
Rosie Marara	Sharzy	16
Longlong man	Songkexz	17
Lala Tora	Sebeats of Sepoe	18
Sorpendeng	Twin Hok of Kavieng	19
Uve Gema	Saba	20

TV GAID

EM TV

FONDE 4 JANUARI, 2006

4.59AM STATION OPEN
5.00AM G CREFFLO DOLLAR
6.00AM G TODAY
9.00AM G 3rd TEST - AUSTRALIA v SOUTH AFRICA Day 4 from Sydney.
11.30AM G THE CRICKET SHOW
12NOON G AUSTRALIA v SOUTH AFRICA ...continues...
5.30PM G THE OUTRIDERS
6.00PM G NATIONAL EMTV NEWS
6.30PM G PRICE IS RIGHT
6.59PM G NEWS UPDATE IN TOK PISIN
7.00PM G CHM SUPER SOUND
7.57PM G EMTV TOK SAVE
8.00PM PG THE APPRENTICE
9.00PM G THIS IS YOUR LIFE
10.00PM M RUBY WAX with J John McEnroe
10.30PM G EMTV NEWS REPLAY
11.00PM PG LEGEND OF THE HIDDEN CITY
MIDNIGHT EMTV PRIME TIME LINE UP

FRAIDE 6 JANUARI, 2006

4.59AM STATION OPEN
5.00AM G CREFFLO DOLLAR
6.00AM G TODAY
9.00AM G 3rd TEST - AUSTRALIA v SOUTH AFRICA Day 5 from Sydney.
11.30AM G THE CRICKET SHOW
12NOON G AUSTRALIA v SOUTH AFRICA ...continues...
5.30PM G THE OUTRIDERS
6.00PM G NATIONAL EMTV NEWS
6.30PM G PRICE IS RIGHT
6.59PM G NEWS UPDATE IN TOK PISIN
7.00PM PG COLLOSEUM: ROMES ARENA OF DEATH
8.00PM G TOK PIKSA
8.27PM G EMTV TOK SAVE with KEVANI MADDO
8.30PM M TAKEN **final**
10.30PM G NEWS EMTV REPLAY
11.00PM M C.S.L "You've Got Mai"
MIDNIGHT EMTV PRIME TIME LINE UP

SABERE 7 JANUARI, 2006

8.00AM G PLANET FANTIA
9.30AM G GOODSPORTS
10.00AM PG 50 FRESH
11.30AM G BEHIND THE SCENES OF MADAGASCAR
12NOON G WORLD OF WILDLIFE
12.30PM G WORLD OF WILDLIFE
1.00PM G EMTV WIDE WORLD OF SPORT
4.00PM G THE CAR SHOW
4.30PM G THE BOAT SHOW
5.00PM G ESCAPE WITH ET
5.30PM G FISHING AUSTRALIA
6.00PM G NATIONAL EMTV NEWS
6.30PM G AUSTRALIA'S FUNNIEST HOME VIDEO SHOW
7.30PM PG KING OF QUEENS
8.27PM G EMTV TOK SAVE
8.00PM G SOUTH PACIFIC MUSIC
9.00PM PG HAUNTED HOMES
10.00PM M WALKER TEXAS RANGER
11.00PM G EMTV NEWS REPLAY
11.30PM PG AIRLINE
MIDNIGHT EMTV PRIME TIME LINE UP

SANDE 8 JANUARI, 2006

7.56AM **STATION OPEN**
7.57AM G EMTV TOK SAVE
8.00AM G LIVING WITH VOLCANOS
8.30AM G FESTIVAL OF THE PACIFIC
9.00AM G APAN VIDEO TOPICS
9.30AM G WORLD OF WILDLIFE
10.00AM G THE HORSE HANDLER
11.00AM G SOWING THE SEEDS OF CHANGE
11.30AM G HAPPY DAYS
12NOON G WIMBLEDON RECORD BREAKER
1.00PM PG SUNDAY AFTERNOON MOVIE THE PRINCE AND THE PALMER
3.00PM G SONGS OF THE VOLCANO
4.00PM G JOIN THE BAND
5.00PM G THE PACIFIC WAY
6.00PM G NATIONAL EMTV NEWS

6.30PM G THE HAPPY GARDENER VISITS KIKORI
7.30PM PG DONT GO THERE
8.30PM M SUNDAY NIGHT MOVIE: COLD SQUAD. (1998) Crime Drama - Cold Squad is a police crime-drama about a team of Vancouver police offers in charge of investigating and solving cases that have been in the "cold" file for a while, which basically means the police gave up on them because there no leads. Stars: Julie Stewart, Mathew Bennett, Gerry Chalk. **series premiere**
11.00PM G EMTV NEWS REPLAY
11.30PM G PRAISE
00.30AM EMTV PRIME TIME LINE UP

MANDE 9 JANUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP

KIDS KONA
2.30PM G JAY JAY THE JET PLANE
3.00PM G NEW MACDONALD'S FARM
3.30PM G HIS
4.00PM G BUSH BEAT
4.30PM G Y
5.00PM G HOT SOURCE
4.57PM G EMTV TOK SAVE
5.30PM G THE OUTRIDERS
6.00PM G NATIONAL EMTV NEWS
6.30PM G THE PRICE IS RIGHT MONSTER SHOWCASE
6.59PM G NEWS UPDATE IN TOK PISIN
7.00PM G TWENTY/20 MATCH - AUSTRALIA v SOUTH AFRICA, from The Gabba.
9.27PM G EMTV TOK SAVE
9.30PM M C.S.I. MIAMI
10.30pm G EMTV NEWS REPLAY
11.00PM G CHM SUPER SOUND
12MIDNIGHT EMTV PRIME TIME LINE UP

TUNDE 10 JANUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP - KIDS KONA
2.30PM G JAY JAY THE JET PLANE
3.00PM G NEW MACDONALD'S FARM
3.30PM G HIS
4.00PM G BUSH BEAT
4.30PM G Y
5.00PM G HOT SOURCE
5.27PM G EMTV TOK SAVE
5.30PM G THE OUTRIDERS
6.00PM G NATIONAL EMTV NEWS
6.30PM G THE PRICE IS RIGHT
6.59PM G NEWS UPDATE IN TOK PISIN
7.00PM G CELEBRITY OVERHAUL
7.57PM G EMTV TOK SAVE
8.00PM G YOU ARE WHAT YOU EAT
8.30PM PG NANNY 911
9.30PM M COLD SQUAD. **new series**
10.30PM G EMTV NEWS REPLAY
11.00PM M C.S.I.
12MIDNIGHT EMTV PRIME TIME LINE UP

TRINDE 11th JANUARI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP - KIDS KONA
5.57PM G EMTV TOK SAVE
5.30PM G THE OUTRIDERS
6.00PM G NATIONAL EMTV NEWS
6.30PM G THE PRICE IS RIGHT
6.59PM G NEWS UPDATE IN TOK PISIN
7.00PM G ICC CRICKET WORLD
7.30PM PG THE ALICE
8.27PM G EMTV TOK SAVE
8.30PM M WEDNESDAY NIGHT MOVIE: ZOOLANDER
10.30PM G EMTV NEWS REPLAY
11.30PM G SOUTH PACIFIC MUSIC
12.30AM EMTV PRIME TIME LINE UP

CATHOLIC RADIO 103.5 FM

Time	Program	Time	Program
6:00	ANGELUS	6:05	SUNDAY EUCHARIST (replay)
6:05	MEDITATION/INSPIRATIONAL MUSIC	7:00	HOLY ROSARY
7:00	VATICAN RADIO WORLD NEWS	7:30	CATHOLIC INSIGHT
7:15	VATICAN ENGLISH PROGRAM	8:00	VATICAN WORLD NEWS
7:35	NON-STOP GOSPEL MUSIC	8:15	VATICAN ENGLISH PROGRAM
8:00	JOURNEY HOME (EWTN)	8:40	IN THE LORD'S VINEYARD
9:00	VATICAN RADIO WORLD NEWS	10:00	NON-STOP GOSPEL MUSIC
9:15	VATICAN ENGLISH PROGRAM		
9:40	KIDS SING-ALONG		
10:00	CATHOLIC JUKEBOX		
10:30	GOSPEL MUSIC		
11:00	NON-STOP GOSPEL MUSIC		
12:00	ANGELUS		
12:05	VATICAN WORLD NEWS		
12:20	VATICAN ENGLISH PROGRAM		
12:40	REFLECTION MUSIC		
1:00	LAMIE'S SUPPER WITH DR. SCHOTT HAHN		
2:00	MUSIC		
3:00	CHAPLET OF DIVINE MERCY		
3:20	NON-STOP GOSPEL MUSIC		
4:00	CATHOLIC JUKEBOX (ENCORE)		
4:30	NON-STOP GOSPEL MUSIC		
5:00	JOURNEY HOME		
6:00	ANGELUS		
6:05	MADANG LOCAL NEWS		
6:10	VATICAN ENGLISH PROGRAM		
6:30	LAMIE'S SUPPER WITH DR. SCHOTT HAHN		
7:00	HOLY ROSARY		
7:30	CATHOLIC INSIGHT		
8:00	VATICAN WORLD NEWS		
8:15	MADANG LOCAL NEWS		
8:30	VATICAN ENGLISH PROGRAM		
9:00	TOK STREET LONG HVAIDS		
10:30	VATICAN ENGLISH PROGRAM		
		6:00	ANGELUS
		6:05	MEDITATION/INSPIRATIONAL MUSIC
		7:00	VATICAN WORLD NEWS
		7:15	VATICAN ENGLISH PROGRAM
		7:35	NON-STOP GOSPEL MUSIC
		8:00	BEST OF JOURNEY HOME
		9:00	VATICAN WORLD NEWS
		9:15	VATICAN ENGLISH PROGRAM
		9:35	KIDS SING ALONG
		10:00	CATHOLIC JUKEBOX (EWTN)
		10:30	NON-STOP GOSPEL MUSIC
		12:00	ANGELUS
		12:05	VATICAN WORLD NEWS
		12:20	VATICAN ENGLISH PROGRAM
		12:40	AFTERNOON REFLECTION MUSIC
		1:00	THE WAY TO FOLLOW JESUS
		1:30	GOSPEL MUSIC
		3:00	CHAPLET OF DIVINE MERCY
		4:00	CATHOLIC JUKEBOX (EWTN)
		4:30	NON-STOP GOSPEL MUSIC
		5:00	MESSAGE IN MUSIC
		6:00	ANGELUS
		6:05	VATICAN ENGLISH PROGRAM
		6:30	MANY FACES OF MARY
		7:00	HOLY ROSARY
		7:30	BENEDICTION
		8:00	VATICAN WORLD NEWS
		8:15	CRN LOCAL NEWS
		8:30	VATICAN ENGLISH PROGRAM
		9:00	BEST OF JOURNEY HOME
		10:00	CATHOLIC JUKEBOX (EWTN)
		10:30	VATICAN ENGLISH PROGRAM
		11:00	NON-STOP GOSPEL MUSIC
		6:00	ANGELUS
		6:05	MEDITATION/INSPIRATIONAL MUSIC
		7:00	VATICAN WORLD NEWS
		7:15	VATICAN ENGLISH PROGRAM
		7:35	NON-STOP GOSPEL MUSIC
		8:00	RADIO ST. JOSEPH PRESENTS
		9:00	VATICAN RADIO WORLD NEWS
		9:15	VATICAN ENGLISH PROGRAM
		9:40	KIDS SING-ALONG
		10:00	CATHOLIC JUKEBOX
		10:30	GOSPEL MUSIC
		12:00	ANGELUS
		12:05	VATICAN WORLD NEWS
		12:20	VATICAN ENGLISH PROGRAM
		12:40	REFLECTION MUSIC
		1:00	SUPER SAINTS
		1:30	GOSPEL MUSIC
		3:00	CHAPLET OF DIVINE MERCY
		3:20	NON-STOP GOSPEL MUSIC
		4:00	CATHOLIC JUKEBOX
		4:30	NON-STOP GOSPEL MUSIC
		5:00	RADIO ST. JOSEPH PRESENTS
		6:00	ANGELUS
		6:05	ATAPE LOCAL NEWS
		6:10	VATICAN ENGLISH PROGRAM
		6:30	MOTHER OF REDEEMER
		7:00	HOLY ROSARY
		7:30	SUPER SAINTS
		8:00	VATICAN WORLD NEWS
		8:15	ATAPE LOCAL NEWS
		8:20	VATICAN ENGLISH PROGRAM
		9:00	TOK STREET ABOUT HVAIDS WITH FR. JUDE (ENGLISH)
		10:00	CATHOLIC JUKEBOX
		10:30	VATICAN ENGLISH PROGRAM
		10:50	NON-STOP GOSPEL MUSIC
		6:00	ANGELUS
		6:05	MEDITATION/INSPIRATIONAL MUSIC
		7:00	VATICAN WORLD NEWS
		7:15	VATICAN ENGLISH PROGRAM
		7:35	NON-STOP GOSPEL MUSIC
		8:00	SCRIPTURE MATTERS WITH DR. SCHOTT HAHN (EWTN)
		9:00	VATICAN WORLD NEWS
		9:15	VATICAN ENGLISH PROGRAM
		9:35	KIDS SING ALONG
		10:00	CATHOLIC JUKEBOX
		10:30	NON-STOP GOSPEL MUSIC
		12:00	ANGELUS
		12:05	VATICAN WORLD NEWS
		12:20	VATICAN ENGLISH PROGRAM
		12:40	REFLECTION MUSIC
		1:00	FIRST COMES LOVE DR. SCHOTT HAHN (EWTN)
		1:30	AFTERNOON GOSPEL MUSIC
		3:00	CHAPLET OF DIVINE MERCY
		3:20	NON-STOP GOSPEL MUSIC
		4:00	CATHOLIC JUKEBOX
		4:30	NON-STOP GOSPEL MUSIC
		5:00	SCRIPTURE MATTERS
		6:00	ANGELUS
		6:05	VANIMO LOCAL NEWS
		6:10	VATICAN ENGLISH PROGRAM
		6:30	FATIMA, HEAVEN'S PEACE PLAN
		7:00	HOLY ROSARY
		7:30	DOCTORS OF THE CHURCH
		8:00	VATICAN WORLD NEWS
		8:15	VANIMO LOCAL NEWS
		8:20	VATICAN ENGLISH PROGRAM
		9:00	TOK STREET ABOUT HVAIDS WITH FR. JUDE
		10:00	CATHOLIC JUKEBOX
		10:30	VATICAN ENGLISH PROGRAM
		10:50	NON-STOP GOSPEL MUSIC



Laikim Penpren

Nem: Steven Elijah
Krismas: 15 (man)
Adres: Bema High School, PMB Lae PO, Morobe Province
 Save laikim: Raun long bus, harim tokol musik, pilai soka, basketbol na volibol, tok pilai, raitim pas na stori nabaut wantaim ol pren.

Nem: Kila Kaki
Krismas: 25 (man)
Adres: PO Box 499, Konedobu, NCD
 Save laikim: Harim musik, pilai volibol, ritim stori, tok pilai, lukim TV na ol muvi piksa.

Nem: John Isiman Waii
Krismas: 28 (man)
Adres: C/- Bihute CS, PO Box 960, Goroka, Eastern Highlands Province
 Save laikim: Pilai ragbi lig, basketbol, tok pilai, harim musik, ritim buk na mekim pren.

Nem: Nems Tonat Ako
Krismas: 30 (man)
Adres: C/- Bihute CS, PO Box 960, Goroka, Eastern Highlands Province
 Save laikim: Pilai tas, lukim piksa, ritim buk, lotu, tok pilai na harim musik.

Nem: Henri Senge Sepso
Krismas: 18 (man)
Adres: Songura Top Up School, PO Box 69, Via Margarima, Mendi, SHP.
 Save laikim: Harim tok bilong papamama, pilai kainkain spot, mekim fani, go lotu, go long skul na ritim buk.

Nem: Basil Varimes
Krismas: 30 (man)
Adres: C/- Tinputz Distrik Office, Buka, Bougainville Autonomous Region
 Save laikim: Mekim penpren, ritim Wantok Niuspepa, lukim CD, harim ol kainkain musik.

Nem: Gillion Dickan
Krismas: 20 (man)
Adres: C/- Chris Wakuri, PMB, Ambunti, East Sepik Province
 Save laikim: Pilai volibol, harim musik long redio na raun wantaim ol pren.

Nem: Salome Angoro
Krismas: 16 (meri)
Adres: Mercy Secondary School, PO Box 580, Wewak, East Sepik Province
 Save laikim: harim musik, go long lotu, tok pilai na mitim nupela prens.

Nem: Miss Serila Wilson
Krismas: 28 (meri)
Adres: PO Box 390, Oguua C/R, Ghana, West Africa
 Save laikim: Raun lukim ol ples, harim musik na raitim pas.

Nem: Albertina Williams
Krismas: 27 (meri)
Adres: C/- PO Box 390, Cape Coast, Ghana, West Africa
 Save laikim: Was was, pilai spot, kukim kaikai na harim musik.

Nem: Mary Mila
Krismas: 20 (meri)
Adres: C/- PO Box 1792, Lae, Morobe Province
 Save laikim: Go lotu na wokim haus wok.

Nem: Rachel Fil
Krismas: 19 (meri)
Adres: C/- PO Box 1792, Lae Morobe Province
 Save laikim: Raitim pas na senisim presen.



STORI TUMBUNA

BIPO bipo tru wanpela yangpela man na wanpela yangpela susa meri tupela i stap long bik bus tru. Tupela i stap na olgeta taim yangpela man werim tumbuna bilas bilong em na i go painim kapul long bik bus na em i save karim sampela kapul i kam.

Tupela kaikai kapul tasol i stap long hap. Na yangpela susa meri save go long gaden na karim kaukau na lukautim pik na stap long haus bilong tupela yet.

Wanpela taim nau yangpela man i go painim kapul long bus na em bilasim em gut tru. Em i kamap long wanpela bikpela diwai lusim ol bilas long as bilong diwai na go painim kapul.

Tasol wanpela kapul i tanim man na i go putim bilas bilong

yangpela man na go long haus na kolim nem bilong em na mekim pasin nogut long yangpela meri ya. Bihain em ronawe na lusim bilas bilong yangpela man em putim long as bilong diwai na kapul man i go hait pinis.

Yangpela man i kam na werim bilas bilong em na kam bek long haus bilong tupela susa bilong em. Tasol susa bilong em wok long krai krai i stap na brata i askim 'olsem wanem na yu krai i stap?' Susa i no toktok tasol em wok long krai yet.

Yangpela brata i askim igo i go na em les nau. Em kilim wanpela bikpela pik bilong tupela i stap long haus na sampela pik mit em kukim na givim susa bilong em. Tasol susa i no kaikai em i krai tasol i stap. Em nau, brata i mumuim olgeta pik mit na

kumu. Bihain em putim tumbuna bilas bilong em na em i kisim wanpela spia bilong olpela tumbuna bilong papa bilong em na bilasim gut tru.

Em rausim mumu pik olgeta pik mit, het mit na ol arapela putim i go insait long wanpela bilum na hap pik mit kolim lek na han Enga tok 'saipya' em karim i go wokabaut longwe. Susa krai krai na bihainim em i go na singaut olsem 'mi kaikai hap mit yu givim mi, lukim mi pinis krai na mi go wantaim yu. Plis yu stop.'

Tasol yangpela brata go yet na susa i wok long bihainim em i go na yangpela brata em i no lukluk bek.

Brata i wokabaut i go longwe tru na tanim lukim olsem susa bilong em i stap bihainim tru.

Nau em sutim spia go insait

long pik mit na gris na em wetim susa bilong em. Taim susa i kam brata i tok 'mi wet long yu kam hariap'. Na em givim pik mit long susa bilong em.

Hariap tru em tanim na lukim wara i kamap long hol spia i bin pas long em. Liklik wara i stap long graun na kam antap na brata holim spia na i sanap. Wara i kam antap long lek bilong em na susa wok long krai nau.

Wara i kam long nek na em i pinisim olgeta bodi. Wara pulap long bikbus na diwai ol kolim wara Ipae. Yu go long Pogera yu lukim wara Ipae i stap long Sirunki insait long Enga provins. Bai yu lukim planti pik tu i stap long dispela hap.

- Stori i kam long Enga provins



Mi wari na mi laikim helpim

Dia Laiplain,

MI GAT 20 krismas na mi marit long wanpela meri husat i gat bel na stap long namba 6 mun nau.

Nau mi gat narapela hevi. Mi wok long raun wantaim wanpela meri i skul long nasing skul.

Mi tingting planti tru, bilong wanem get pren bilong mi tok olsem sapos mi lusim em, em bai kilim em yet.

Meri bilong mi i no save bisi tumas long dispela hevi.

Dia Pren,

Yu tok aut long dispela hevi we yu gat long em.

Yu tok olsem taim yu tokim meri bilong yu, em i no save bisi tumas long displea hevi.



Meri bilong yu i bungim ol papamama bilong yu yet o nogat?

Sapos nogat, em bai gutpela sapos yu kisim em i go na bungim ol, nogut ol bai laikim na bai amamas long yu long stap wantaim em.

Yu tingim, sapos yu maritim tupela meri wantaim, yu bai gat planti hevi tru.

Bai yu i no inap long helpim tupela wantaim gut o yu bai helpim wanpela moa long arapela na dispela bai kamapim

kros namel long yupela.

Yu tok pinis olsem yu laik long maritim wanpela meri tasol.

Mipela i no inap long tokim yu wanem long mekim long stretim dispela hevi. Laikim bilong yu na meri bilong yu yet na yu yet i ken skelim.

Yu ken toktok wantaim wanpela famili memba bilong yu, wanpela poro o wanpela pasta o wokman bilong sios.

Laikim bilong yu i helpim yu long tingting planti tasol yu marit pinis.

Bihain taim bai yu tok, mi gat ol gutpela memori long ol bipo get pren bilong mi tasol nau mi mas lukluk na go het wantaim laip bilong mi.


Laiplain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011.

Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain

Helpim bilong ol liklik bisnis



RDB siaman William Lamur i sainim MOA wanbel pepa wantaim SBDC Menesing Dairekta Brian Komun. Ol i lukluk long opis bilong SBDC long pinis bilong mun Disemba, 2005.

SBDC i kamapim dispela kain skim long helpim ol liklik bisnis i kirap gut.

Dispela bai mekim isi long wanem ol komesel beng i save mekim hat long ol liklik manmeri i kisim dinau na kamapim wok.

"Nesanel Gavman insait long Nesanel Plening na Rurel Developmen na Treseri Dipatmen i kamapaim Kredit Garentid Skim long lukim ol liklik bisnis long Papua Niugini i painim isi long stat we dispela i kam aninit long Smol na Midium Entaprais polisi bilong gavman," Mista Komun i tok.

Em i tok SBDC i stat wantaim K500,000 tasol dispela i ken go antap long ol narapela taim.

"I gat tupela kain garenti mani aninit long dispela skim: wanpela em ol dinau stat long K5,000 i go inap long K20,000 wantaim glasim bilong Smol Garenti lo na narapela em long ol lon stat long K21,000 i go inap long K60,000 wantaim glasim Medium na bikpela Garenti lo."

Tasol em i tok ol bisnis we SBDC bai hat long helpim em ol ril estet o hausing developmen, ol lain husat i laik stretim lon bilong ol na baim ol bisnis we i stap long en.

Komun i hop olsem ol manmeri bai painim isi long kisim dispela helpim wantaim opis bilong RDB we opis bilong ol i stap long kisotu olgeta hap bilong kantri.



Bisnis bilong Groim Diwai insait long PNG - Planim diwai long

Rot bilong groim ol spisis diwai i save groa insait

Anacardium occidentale (cashew)

Nem bilong en: cashew (kesiu)

Ples diwai i kam long en: Saut na Sentrel Amerika

Wanem kain diwai:

Taim em i bikpela, longpela bilong em inap long 12 mita. Bikpela namel han diwai bilong me i sot, het bilong em i op na em i save grin tasol na stap.

Ples we em i save groa:

Diwai i save groa long ples we i save kisim namel long 500 na 3500 milimita ren. Tempresita o hot na kol bilong ples i mas namel long 22 na 25 digris sentigred. Em i mas groa long ples i stap 0 i go inap 1200 mita antap long mak bilong solwara. Diwai em i strongpela diwai tasol em i ken bagarap long taim bilong fros o ais long en. Kesiu diwai i save laikim graun i gat planti waisan we i no save holim pasim wara. Ph mak bilong em i mas namel long 4.5 na 5. Em i mas kisim planti san.


Strong bilong em:

Strong bilong kesiu diwai i stap long ol galip em i save karim we i gutpela long kaikai. Dispela galip nau em i kamap wanpela kes krop. Em i ken groa long ples i save drain a i save groa gut long gutpela graun i gat waisan long en.

Ol prodak na karim bilong en:

Diwai i save karim ol galip inap long 45 kilogrem/wanpela diwai/olgeta yia. Diwai yet ol i save yusim olsem paiaut.

Ol yanpela kru bilong kesiu diwai em ol i save kaikai olsem kumu. Wara bilong sel bilong kesiu i gat planti wok bilong em long ol samting



olsem ol pen na ol samting olsem ol klats ped bilong kar. Prut bilong en ol i save yusim long mekim jem na vinega.

Rot bilong groim:

Dispela diwai i save groa long ol sidling.

Sid tritmen:

Ol sid yu mas yusim em ol dispela sid we i go long as bilong wara i gat suga long en. Sapos ol sid i trip antap, ol i no gutpela long groim. Yu mas brukim tu skin bilong ol sid.

Menesmen:

Yu mas planim ol sidling 8 mita bai 8 mita na yu ken daunim han diwai bilong ol long bihain taim. Yu mas rausim ol gras nogut long namba wan tripela yia. Ol liklik hap han diwai i groa inap 1 mita samting yu mas rausim bai diwai i groa gut bihainim laik bilong yu yet.

Sampela taim, ol i save yusim dispela diwai insait long ol intakropim sistem bilong kamapim ol kain samting olsem ol painap.

McCARTHY & ASSOCIATES (FORESTRY) PTY. LTD.

National & International Forest Consultants

mccal@datac.net.pg

"Long kisim tok stia long olgeta wok diwai"

Paul Zuvani i raitim

OL BIKPELA intanesenel haus mani olsem Wol Beng na Yuropian Beng, nau bai helpim Rurel Developmen Beng Limitet hia long Papua Niugini.

Siaman bilong Rurel Developmen Beng (RDB), William Lamur, i tokaut long dispela taim em i sainim wanpela Memorendum Ov Agrimen o wanbel pepa wantaim Smol Bisnis Developmen Koperesen (SBDC) long mun Desemba las yia.

Wol Beng na Yuropian Beng i bin salim ol opisa bilong ol long bung wantaim menesmen bilong Rurel Developmen Benk (RDB) long givim mani long sampela wok agrikalsa long dispela yia na i go

Mista Lamur i tok RDB long 17-pela mun i go pinis i bin bruk daun long hevi bilong mani we em i no bin inap long

kisim bek ol dinau mani em i givim tasol namel long dispela ol mun Beng i bin mekim gut long kamap wantam K14 milien win mani.

Aninit long dispela MOA Smol Bisnis Developmen Koperesen i bin givim K500,000 long RDB long kamapim Kredit Karentid Skim (CGS) we ol manmeri i ken aplai long ol lon o dinau aninit long lo bilong RDB long statim o kamapim ol liklik bisnis.

Long dispela as Mista Lamur i tok tenkyu long SBDC na i tok RDB bai mekim olgeta samting long lukim ol liklik bisnis i kisim gutpela helpim.

"RDB i pasim tingting long sapatim Smol Bisnis Developmen Skim long lukim Skim i karim aut wok bilong em gut wantaim ol liklik bisnis," Lamur i tok.

Em i tok namel long dispela 17 mun beng i mekim K4 milien profit.

Tasol wantaim helpim i kam long Wol Beng na Yuropian Beng na mani i kam long SBDC, Lamur i biliip beng bai groa moa na helpim gut ol manmeri long kirapim wok bisnis bilong ol.


Em i tok wantaim SBDC long kain MOA em Milin Be Provinsel Gavman, ol tripela Is Sepik provins distrik- Ambunti/Drekikir, Wewak na Yangoru/Kubalia na Yuropien Yunien aninit long Yuropien Kostal Fiseris Kredit Skim na Madang Distrik Kredit Skim.

Na Beng i bin kamapim sampela tok-tok pinis wantaim Morobe Provinsel Gavman na Ramu Sugar Limitet long kamapim ol Kredit Skim.

Long taim bilong sainim dispela MOA, Menesing Dairekta bilong Smol Bisnis Developmen Koperesen Brian Komun i tok

Cat® Vibratory Soil Compactors

CS-563E
CP-563E



Designed to provide...
Outstanding Performance,
Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density, or to avoid fracturing aggregates. Patented eccentric weight design assures positive amplitude selection and helps extend vibratory system service life.

Hastings Deering



Product People Commitment.

We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LIHIR	986 4105	986 4107
KIMBE	983 5144	983 5144



TOK PISIN NEWS

from Radio Australia

radioaustralia.net.au

Radio TOK PISIN News

101.9FM
Port Moresby

Tok Pisin Service

6am - 7am

5995, 6020, 9710, 12801kHz

RADIO TOK PISIN PROGRAM

TUNE IN: 101.9 FM

Radio Australia Tok Pisin Program - stat long mun Mas 2005

MANDE Morning	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Spots
7.30PM	Nius na Karent Afes
8PM	Hett
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUUNDE Morning	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afes
8PM	Mama Graun
8.15PM	Musik/Spots
8.30PM	NIUS
8.40PM	Hett Riplei
8.55PM	Musik
9PM	Stesen Pas
TRINDE Morning	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afes
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Morning	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afes
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Morning	
6AM	Stesen Op - Nius Hettain - Musik na ol intaviu
6.30AM	Nius na Karent Afes
7AM	Stesen Pas
7PM	Stesen Op
7.01PM	Ol Hettain na Program Priviu
7.15PM	Musik na Chit-Chat
7.30PM	Nius na Karent Afes
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	
Nait	7PM Stesen op - Ol Nius Hettain/Program Priviu
	7.05PM Musik na Chit Chat
	7.30PM Nius
	7.40PM Wantok
	8PM Lokal Ben
	8.30PM Nius
	8.40PM Musik/Chit Chat
	9PM Stesen Pas
SANDE	
Nait	7PM Stesen op - Ol Nius Hettain/Program Priviu
	7.05PM Musik na Chit Chat
	7.30PM Nius
	7.40PM Famili Blong Serah (Redio Plei)
	8PM Lukluk Bek Long Wik
	8.30PM Nius
	8.40PM Musik/Chit Chat
	9PM Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

PACIFIC BEAT

Solwara karim ol ailan na PNG laikim helpim

PNG i laikim helpim long putim ol lain long bik ailan Bogenvil we bikpela solwara i laik bagarapim ol liklik ailan bilong ol.

Em i askim ol bikpela kantri long sindaunim ol pipel bilong Katerets Ailan bikos ol ailan bilong ol i no moa seif long stap long ol. Planti ol ailan long ol arapela Pasifik kantri i bungim hevi long bikpela solwara bikos ol i stap long wankain level olsem long solwara na hevi bilong "global warming" o solwara na ples i tuhat i kirapim solwara i solap moa na bruk i go insait long ol liklik ailan na karim graun i go, kamapim hevi. Minista Sir Peter Barter i laikim bai ol developing o bikpela kantri long givim helpim long wok bilong putim ol pipel i go long nupela ples bilong sindaun long em.



BARTER: Em i no isi long surukim ol pipel i go stap long narapela ples bikos taim yumi surukim ol, yumi mas gat planti mani long developim semis long ol. Long keis bilong ol Katerets Ailan pipel, mi tokok pinis wantaim ol na ol i bilong Buka Ailan tasol ol i bin go sindaun long Katerets Ailan. Ol i gat ples bilong stap long em long Buka na em i wok nau bilong Otonomes Bogenvil Gavman long sindaunim ol long ol asples we ol i kam long em. Em ol katerets Ailan pipel. Mi no klia nau long ol pipel bilong ol arapela liklik ailan olsem Motlok na Tasman tasol mi bilip i gat inap graun long Bogenvil we ol

i ken sindaunim ol dispela pipel long en. Tasol yumi mas sindaun wantaim na kamapim wanpela sistem. Mi no amamas olsem mipela i no wokim wanpela samting yet long stretim dispela tasol mi bilip olsem bikpela samting i stopim dispela em graun na sapos yumi sindaunim ol pipel long wanpela hap, bai yumi mas peim bikpela mani na bai mipela i laikim mani helpim long ol bikpela na strongpela kantri husat i as long dispela hevi i kamap na ol narapela liklik lain i karim hevi long en.

TIRIMAN: I no ol pipel bilong Katerets tasol long PNG i bungim hevi olsem ol ailan bilong ol i wok long go daun long solwara. Mi ting i gat ol narapela lain i bungim wankain hevi na bai wanem helpim ol dispela pipel i kisim?

BARTER: I mas gat gutpela plen we ol developim kantri i mas givim bikpela sapos long en bikos ol i kamapim hevi. Na Kyoto Konvensen na ol arapela rot i fokusim long dispela sam-

ting i abrusim poin. Em ol developim kantri olsem Australia, Amerika na Yurop we i kamapim hevi long azon leya we em yet i hot na i wok long mekim wol i kamap hotpela na meltim i tanim ais i go wara na dispela i wok long mekim wara level i go bikpela. Na taim yumi gat saiklon i strongpela win, yu gat wom o hotpela karen i kamapim ol kain weda na bikpela ren na win i kamap. Dispela i kamap long planti hap bilong wol i karamapim Amerika. Na yumi long Pasifik i lukim planti saiklon long Pasifik eria we ol liklik ailan olsem Motlok, Katerets na Tasman na Duk ov Yok Ailan i wok long bungim bikpela hevi. Bai bikpela bagarap tru i kamap sapos wanpela sunami i kamap. Na dispela i kamap i no long PNG tasol long ol arapela ailan kantri olsem Solomon Ailan, Tuvalu, Niue na ol arapela liklik ailan we i stap long wankain level olsem solwara. Yumi ken gat bikpela trabel na mi ting wol, i no PNG tasol o Australia o Amerika bai lukluk long helpim mipela.

Solomon Ailan: RAMSI lukluk bek long 2005

RIJINEL Asistens Misin long Solomon Ailan (RAMSI) we Australia i go pas long em i stap pinis long tu na haf krismas. Jastis Minist bilong Australia Seneta Chris Ellison i tok RAMSI i bin mekim bikpela wok go het long helpim Solomon Ailan i kirapim wok bihain long kantri i pundaun long han bilong ol grup i holim gan. Spesel Kodineta bilong RAMSI, James Batley i lukluk bek long 2005 na i tok bikpela hatwok i stap yet.

Man i Askim: Sean Dorney
Man i Bekim: James Batley

BATLEY: Taim mi lukluk bek i go long yia 2005, mi ting olsem dispela em yia

bilong strongim ol wok na lukim ol gutpela kaikai bilong hatwok Planti ol wok ektiviti we yumi bin plenim na statim long taim RAMSI i kirapim wok nupela i wok long karim gutpela kaikai na mi wok long tingting long ol bikpela kraim o ol trabel i bin kamap long taim bilong bikpela hevi na ol i karimaut ol wok painim long em.

Ol wok i bin stat long stat bilong yia na i go het long yia. Na bikpela samting we ol Solomon Ailan pipel i lukim em jastis sistem bilong ol i wok bek gen. Tasol long wankain taim, mi lukim olsem ikonomi bilong Solomon Ailan i wok long go hariap stret insait long Pasifik rijen na dispels i gutpela nius long olgeta Solomon Ailan pipel.

Gavman i lukim sampela gutpela wok go het bikos em i daunim mak bilong dinau, tru dispela i wanpela wari kantri i gat tasol em i stap long control nau, winim level bilong mak long hevi long stat bilong las yia. Trening long dispela yia na pablik semis trening institute i bin op na dispela

em i bikpela samting. Panlik semis i bin op na dispela em i bikpela samting tu bikos bai helpim skulim ol pablik sevan long menesim wok bilong ol yet. Mi ting wanpela bikpela-samting yumi bin kamapim em long kapasiti biding ol lainim ol arapela long mekim ol wok.

DORNEY: Bai em i fea long tok olsem yia 2005 em yia we yumi bin luksave olsem gavman i no bin ron gut tasol, ol arapela samting i klostu bagarap olgeta na pundaun.

BATLEY: Mi ting olsem long sait bilong ekonomik o wok mani bilong Solomon Ailans, em i no bin gutpela tumas. Na i luk olsem gavman bai kam bihain long ileksen neks yia bai wokim sampela hatpela disisen long go hetim rifom wok.

DORNEY: Long las wik yumi fukim planti email we i sutim tok long sampela sinia pablik sevan i saposim ol woklain na

PacificBEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG
OKUK MORI ROGERSON KAP

Pilai ov
Fonde - Januari 05, 2005
Pul A - B Gret
1:00 8 Mile Settlers vs Saraga Saints
Pul B - B Gret
2:00 GH CKO vs 6 Mile Warriors
Pul C - A Gret
3:00 Bomai Yal vs Vadavada United
Priliminari fainol
Sarere - Januari 07, 2005
B Gret - Pul A vs Pul D
09:00 Play-off Winner vs Bomai Eagles
10:30 Vanuatu Raiders vs Flame Nambis
12:00 D8 Mosquitoes vs Morobe United
1:30 N33 KM Storms vs Boroko Bulldogs
3:00 Limestone Bears vs Kone Sharks
4:30 Gordon Ridge vs Moitaka Dragons
Pul B vs Pul C - Oval 2
09:00 Play off Winner vs Vadavada United
10:30 Wildlife Pythons vs Gouno Nomads
12:00 Daima Gunz vs 9 Mile Crushers
1:30 7 Mile Jets vs 4 Mile Cats
3:00 Mondo Tigers vs

4:30 Oltomo Barbarians vs 5 Mile Spiders vs Backyard Cowboys
Sande - Januari 08, 2005
A Gret - Pul B vs Pul C
09:00 Daima Gunz vs Play off Winner
10:30 6 Mile Warriors vs Gouno Nomads
12:00 Pulumpa vs Backyard Cowboys
1:30 GH Eagles vs 9 Mile Crushers
3:00 5 Mile Spiders vs 4 Mile Cats
4:30 7 Mile Jets vs Oltomo Barbarians
Pul A vs Pul D - Oval 3
09:00 Hebou Tigers vs Moitaka Dragons
10:30 Limestone Bears vs Flame Nambis
12:00 Vanuatu Raiders vs Kone Sharks
1:30 Gordon Ridge vs NBAA
3:00 N33 KM Storms vs Makana Cowboys
4:30 D8 Mosquitoes vs Boroko Bulldogs
MORATA OV SISEN LIG
WIK 10 - RAUN 1
Sarere - Januari 07, 2006
C Gret
09:00 Giburi Raiders vs West Kanges
09:40 TS Hawks vs Wata Rangers
10:20 Mumuts vs Northern

Warriors
11:00 Kongo Rats vs Newtown Knights
11:40 Eastern Eels vs Megusa Brothers
12:20 Gateway Sharks vs Talapia Magpies
1:00 Comm. Tigers vs M3 Bulldogs
B Gret
1:40 Giburi Raiders vs West Kanges
2:20 TS Hawks vs Wata Rangers
3:00 Mumuts vs Northern Warriors
3:40 Kongo Rats vs Newtown Knights
4:20 Eastern Eels vs Megusa Brothers
Sande - Januari 08, 2006
B Grade
09:00 Gateway Sharks vs Talapia Magpies
09:40 Comm. Tigers vs M3 Bulldogs
A Gret
10:20 Giburi Raiders vs West Kanges
11:20 TS Hawks vs Wata Rangers
12:20 Mumuts vs Northern Warriors
1:20 Kongo Rats vs Newtown Knights
2:20 Eastern Eels vs Megusa Brothers
3:20 Gateway Sharks vs Talapia Magpies
4:20 Comm. Tigers vs M3

Bulldogs
Bai i nogat Stet ov Orijin 2 long dispela wiken.
VOLIBOL
MORATA MERI VOLIBOL
RAUN 1 - WIK 10
Sande - Januari 08, 2006
B Gret - Kot 2
1:00 Giburi Raiders vs West Kanges
1:30 TS Hawks vs Wata Rangers
2:00 Mumut vs Northern Warriors
2:30 Kongo Rats vs Newtown Knights
3:00 Eastern Eels vs Megusa Sisters
3:30 Gateway Sharks vs Talapia Magpies
4:00 Comm. Tigers vs M3 Bulldogs
A Gret - Kot 1
1:00 Giburi Raiders vs West Kanges
1:30 TS Hawks vs Wata Rangers
2:00 Mumut vs Northern Warriors
2:30 Kongo Rats vs Newtown Knights
3:00 Eastern Eels vs Megusa Sisters
3:30 Gateway Sharks vs Talapia Magpies
4:00 Comm. Tigers vs M3 Bulldogs
Bai i nogat Stet ov Orijin 2 long dispela wiken.

NETBOL
PRAIVETKAMPANI NETBOL
RAUN 1 - GEM 5
Sande - Januari 08, 2006
Premia Divisen - Kot 2
1:00 Fairdeal vs Kina
1:45 P-Print vs Daltron
2:30 Kemore vs BSP
3:15 Brian Bell vs Courts
Divisen 1 - Kot 3
1:00 Datec 1 vs OSL
1:45 NTIL vs HDPNG
2:30 Pryde vs STC Fin
3:15 Theodist vs SPB 1
Divisen 2 - Kot 4
1:00 AHC vs Lamana
1:45 CCA vs ANZ
2:30 Datec 2 vs QBE
3:15 GFI vs Pomtrans
Divisen 3 - Kot 5
1:00 Brian Bell 2 vs WPC Askonoe
1:45 PWC vs National
2:30 LBC vs C-Bros
3:15 B-Bros 1 vs Kumul Hotels
Divisen 4 - Kot 6
1:00 PNGSF vs Moore
1:45 Meddent vs Andersons
2:30 SPB 2 vs WPC Bonusaver
Divisen 5 - Kot 7
1:00 Able Computing vs C-21
1:45 Pac. Ind. Vs Renos

2:30 Boroko Motors vs POSF
3:15 Mirupasi vs Fincorp
Divisen 6 - Kot 8
1:00 Johnston vs Raywhite
1:45 RH H-Mart vs Air Niugini
2:30 STC Hardware vs Ela Motors
3:15 Paraka vs Hertz - Bye
Divisen 7 - Kot 9
1:00 Pro-Clean vs DHL
1:45 P-Print 2 vs Arnotts 1
2:30 Star-Fish vs APNG
3:15 Cul. Delight vs City Pharmacy
Divisen 8 - Kot 10
1:00 STC Hotels vs Barlow
1:45 B-Bros vs Copytek
2:30 Nasfund vs Yng & Williams
3:15 AFL vs Kassman
Divisen 9 - Kot 11
1:00 Kenmore vs Deloitte
1:45 IPA vs RH H-Mart 2
2:30 Temis vs Veupunama 1
3:15 Global vs MRDC
Division 10 - Kot 12
1:00 PDE vs Veupunama 2
1:45 Arnotts 2 vs Sinton
2:30 Adsteam vs Stop N Shop
3:15 EFM vs Bye (Indies)

Bikhet ples Barola Maunten stap isi long Krismas na Niu Yia wantaim spots

*** i kam long bek pes

Dispela ragbi lig resis we i bin stat bihain tasol long Dipatmen ov Plis i bin givim wanpela nupela 10-sita haiwe patrol kar we bai stap bes long wokim wok long dispela Barola Maunten, em planti manmeri long Hailans rijon i save tok olsem em ples bilong ol raskol lain stret.

Fainol bilong dispela ragbi lig resis i bin kamap gut tru na planti lain manmeri bilong ol haus-lain insait long Barola na Kompri Veli i bin bung wantaim na amamas na sapotim ron bilong dispela kompetisen.

Wanpela man husat i bin mekim wok olsem ofisal bilong lukautim ol pilai Kurel Manifa i bin tok bikpela amamas bilong em taim em i makim dispela ol 4-pela tim long givim tenkyu i go long ol sponsa olsem Kuima Sekuriti Sevises, husat i bin givim K2,000 na narapela bisnismen bilong Kainantu yet John Boito, husat i bin givim K500.

Dispela moni K2000 em olgeta dispela tim husat i bin pilai long kompetisen i bin serim gut tru namel long ol yet.

Planti ol lapun long ples na haus-lain husat i bin go long lukim pilai i amamas tru bikos ol yangpela i amamas na bung-wantaim na nogat kros pait tu i bin kamap.

Tambua i bin amamas tru long gutpela pasin ol yut bilong Barola Maunten i soim long lukautim dispela seksin bilong Hailans Haiwe em planti taim ol lain bilong narapela Hailans Provins i save bagarapim nem bilong en olsem raskol ples.

Tasol dispela ino trupela tok. Ol lain bilong narapela ples i save go na mekim trabel long hap na givim hevi



TENK YU: Sponsa bilong Krismas pilai John Mawe i givim sek mani i go long kepten bilong winim tim bihain long gutpela pilai.

long ol yangpela bilong Barola Maunten na Kompri Veli.

Dispela kompetisen i bin soim stret olsem taim ol yangpela bilong Barola na Kompri Veli i bin pilai, nogat birua i bin kamap long dispela seksin bilong Hailans Haiwe.

Ol PMV i amamas na ron igo kam. Long bifo dispela kain samting ino save kamap.

Tru tumas, ol yuts bilong Barola i soim gutpela pasin tru.

Wanpela yangpela manki bilong Barola yet na wanpela gutpela kristen biolong Barola Veli Bernard Tabuli i tok amamas long ol yangpela long ples bilong em long gutpela pasin ol i mekim.

Dispela i soim gutpela pasin long komyuniti we ol manmeri i amamas long em.

I no long taim i go pinis i bin kamap wanpela kristen bung

em kristen redio stesin em Wantok Redio Lait i bin kamapim long ol pipel bilong dispela hap i kisim Tok bilong God long harim redio.

Dispela program i bin kamap bihainim askim bilong em het masta bilong Kainantu Hai Skul wantaim ol narapela gutpela kristen manmeri.

Na tru tumas kain ol program na samting i helpim ol manki long dispela ples i senis tingting na pasin bilong ol.

Dispela em i nupela yia na wantaim kain program na ol pilai samting dispela i ken holim gut ol manmeri.

Ol ogenaisa i hop olsem wankai, samting i mas kamap yet long strongim ol manmeri.

Taim ol manmeri i nogat gutpela samting long mekim ol i save tanim na kamapim kainkain ol bikhet pasin we i no gutpela komyuniti.



KLIA LONG ROT: PNG straika na top meri bilong Kileng soka klub bilong Evedahana Soka resis Lydia Bamabas i go pas long birua bilong em wantaim bal.



BAI YU GO WEI: Pilaia bilong Gordon Knights i putim bikpela was long Gordons Eels long Gordons tas ragbi pilai long Krismas wiken.



YU TRAIM: Lydia Barnabas bilong Kileng i helpim wanpilaia bitong em long winim gren fainol bilong Evedahana Soka gren fainol long Krismas wiken.



TEKSI: Pilaia bilong Knights long Gordons ragbi tas i soim stail bilong em long ronawe long Eels birua pilaia long long Krismas wiken.

Ol poto: ANDREW MOLENNI



KLIA: Sore tumas Graveside pilaia i laik skoa tasol goli bilong Gee Naps i save pinis wanem em bai putim bal na holim pas dispela bal long Evedahana soka resis long Krismas wiken.



PAIA I KIRAP: Long taim ol fainol i wok long kamap klostu dispela tupela tim bilong Hohola ov sisen ragbi lig tim i pilal strong long daunim narapela na kisim ples.



DAI O NOGAT! Wankain olsem ol tupela tim antap dispela tupela tim bilong Hohola ov sisen ragbi lig tu i pairapim tupela yet long winim ples long Krismas wiken.



FAIV LAS: Hapbek bilong Eels i laik rausim bal bihain long faivpela takol long gren fainol bilong Gordons tas ragbi long Krismas wiken.

Ol Poto: ANDREW MOLENNI

Ol samting long 2006 basketbol



LUKLUK: Mike Kahn (antap) i lukluk long mak em i ting ol kain samting olsem Michael Jordan bai kam bek na pilai na Los Angeles Lakers Kobe Bryant bai mekim nupela stail.

AMERIKA: Wanpela kain driman em Mike Kahn i gat long en long 2006 sisen em long lukim Ron Artest i katim rap album, Michael Jordan i kam bek na pilai basketbol na Kobe Bryant i kamapim paia long basketbol kot.

Namba wan driman: Los Angeles Lakers Kobe Bryant bai kam bek na pilai bihain long saspensen em i kisim long kamapim pilai nogut egensim Memphis swingman Mike Miller long pilai bilong ol bipo long Krismas taim. Namba tu driman em Mercurial fowet Ron Artest na Jeff Foster em ol i salim long

Indiana Pacers long Golden Stet Warriors long senis wantaim Michael Pietrus na Adonal Foyle. Namba tri driman em long lukim Michael Jordan wantaim sampela ol investa i baim 49 pesen bilong New Orleans. Oklahoma Siti Hornets long George Shinn.

Sampela bilong dispela ol driman bai kamap tru tru long yia 2006 tasol sampela em ol driman.

Long Jordan i baim New Orleans em long helpim ol pipel bilong dispela hap we bikipela win i bagarapim ples bilong ol las yia we planti manmeri i no stap gut moa.

Penrith bai rausim Gower olsem kepten ...ragbi manmeri krai long Rogers

PENRITH, Australia: Penrith Panthers siaman Barry Walsh i tok NRL klab bod i tokaut yet sapos ol bai mas rausim dispela taitol bilong Craig Gower olsem kepten bilong Panthers.

Dispela em bihain long hevi i kamap long wanpela nait klab we Gower i mekim nabaut long pikinini meri bilong wanpela ragbi lig man.

Gower i bin kamap bipo long ol opisa bilong Panthers long aste (Trinde) long tokaut long pasin em i mekim long dispela nait.

Bod i lukim olsem i gat ol samting em Gower i mas kamap na toktok long ol ripot we i kamap long Jack Newton Sariti Golf Klasik long Twin Waters risot long tupela fotnait i go pinis.

Panthers sif eksekutyutiv Glenn Matthews i tokaut sapos i rong Gower bai kisim sas long \$AUS100,000 na saspensen.

Tasol Walsh i tok kain tok we i kamap long wanpela Sidni pepa olsem Gower bai bek mak bilong em olsem kepten bilong Penrith i no tru.

"Nogat wanpela bilong dispela ol toktok i tru," Walsh i tok.

toktok i kamap olsem



SORI TUMAS: Penrith Panther kepten Craig Gower husat i stap insait long "bikpela sup" bihain long em i mekim asua long ol pikinini bilong biknem ragbi lig man Wayne Pearce.

Gower i bin spakim 18-yia pikinini meri bilong biknem ragbi lig pilaia Wayne Pearce Tatum na bihain raunim 17-yia pikinini boi bilong Pearce, Mitchell wantaim bia botol insait long wanpela hotel.

Long dispela Walsh i tok Panthers i no kamap yet long wanem kain mekimsave em ol bai givim long Gower tasol i gat bilip olsem em bai kisim bikpela mekimsave.

Na long narapela ragbi lig nius ol ragbi lig lain long Australia i wok long krai long Steve Rogers, husat i papa

bilong Australia Wallabi fulbek Matt Rogers. Matt bipo i pilai long NRL Cronulla Sharks tasol bihain i senis i go long ragbi yunion.

Rogers i dai long haus bilong em long Cronulla long Tunde. Em i dai nating na polis i mekim wok painim aut long as bilong dai.

Rogers husat i gat 51 krismas i dai long 9 kilok (8 kilok PNG taim) bihain long em i laik kamap long moning kaikai wantaim tambu brata bilong em.

Rogers i bin makim

Australia long 21 Tes pilai we em i stap insait long Australia skwat stat long 1971 i go inap long 1978.

Long 1975 Rogers i kisim bikpela awot olsem luksave bilong em long pilai ragbi lig. Dispela awot em Rothmans i givim.

Em i bin pilai 231 primia ragbi lig pilai we 202 bilong dispela ol pilai em wantaim Cronulla Sharks.

Pikinini boi bilong Matt i bin makim Australia long Kangaroo na nau i stap long ragbi yunion Wallaby tim.

Chelsea go pas yet long Ingran soka

INGLAN: Gutpela pilaia bilong Chelsea Herman Crespo husat i go insait long pilai olsem senis pilaia i lukim em skoam tupela gol long helpim ol i winim West Ham 3-1 long Mande pilai.

Bipo long Crespo i go insait tupela tim wantaim i ron 1-1 skoa.

Na wantaim ol gol bilong Crespo Chelsea nau i stap 14 poin i long-we long narapela tim husat i stap long namba tu ples long Ingran primia soka, Manchester United.

Na long narapela bikpela pilai na ron long namba tri ples em Liverpool. Liverpool i bin dro 2-2 wantaim Bolton.

Long pilai bilong Chelsea na Ham tupela tim i wok long ron wantaim long 1-1 inap long taim Chelsea menesa i salim Crespo long senisim winga Damien



TRU YET: Herman Crespo (l) i skoa gut long helpim Chelsea i winim West Ham 3-1 long Mande long stap antap yet long Ingran primia soka.

Duff. Na gutpela pilai i kamap stret bihain long dispela senis we i lukim straiika bilong Argentina i pusim bal egensim Ham gol kipa Roy Carroll na skoa.

Em i mekim wankain long namba tu gol bilong em we dispela i lukim Carroll i pauf na stap long-

we long gol pos taim Crespo i skoa. Namba wan gol bilong Chelsea i bin kam long Didier Drogba we em i skoa 10-pela minit i go insait long namba wan hap. Gol bilong West Ham i kam long Marlon Harewood we em i skoa bihain tasol long gol bilong Drogba.

Hewitt i go insait long namba tu raun

ADELAIDE, Australia: Lleyton Hewitt joinim wantok bilong em Mark Philippousis long namba tu raun bilong Adelaide Intenesenel pilai egensim Jan Hernych we em i kam bek long namba tu na tri set na hamarim Hernych 4-6, 6-2, 6-4.

Lleyton husat i sindaun antap long dispela kompetisen i bin lusim bal long namba wan set tasol i kambek strong long winim namba tu na namba tri set. Em i bruk daun taim Hernych i pilai strong long taim skoa i sanap 5-3.

Hernych bilong Czech inap go het long winim pilai tasol i sot taim Hewitt i kam strong long namba tu na namba tri set.

Na long pilai bilong ol meri Rasia meri Svetlana Kuznetsova i opim 2006 yia long win gut egensim Amerika meri Lisa Raymond 6-4 6-4 long Hopman Kap.


Kuznetsova i kamap long namba foa ples long wol meri tenis mak long Oktoba 2004 bihain long em i mekim gut long winim US (Amerika) Open sempionsip.

Long dispela taim em i winim namba wan tenis pilaia Lindsay Davenport na Mary Pierce em i kamapim namba wan bikpela win bilong em.

Tasol dispela 20-yia meri inap bihainim gen histri em i ken kam bek gut.

Las mak bilong em long wol tenis meri pilai em 18 we em i lus long Justin Henin-Hardene long Warsaw, Polen.

Long dispela Kuznetsova i



HAMARIM GUT! Lleyton Hewitt i makim gut bal long noken abrusim mak we nau long dispela taim em i stap antap long pilai tenis.

tok em i bin painim hat long bihainim kain bikpela tingting em ol i makim long em na dispela i givim em hevi.

"Mi putim planti presa antap long mi yet," Kuznetsova i tok.

"Na mi save ol narapela lain tu i putim bikpela mak long mi tu, dispela i hat long mi."

Na long narapela nius

Davenport i tok ol sas i wok long bihainim yet bipo wol namba wan tenis pilaia na meri Sweden Martina Hingis, maski em i winim Australia taitol long dispela wik.

Davenport i tok Hingis husat i winim namba 62 ples long wol renk Maria Vento-Kabchi 6-2 6-1 long Australia hat kot bai kam bek strong long pilai.

Saut Afrika brukim han bilong Australia

SIDNI, Australia: Long aste Saut Afrika i winim Australia long 82 ran bihain long Australia i aut 9/369.

Dispela em long namba tri Tes long namba wan ining.

Long Tunde Saut Afrika i mekim 9/451 ran.

Saut Afrika pilaia husat i mekim 100 ran Jacques Kallis i gat bilip olsem ol turis inap abrusim

Australia na win long namba tri Tes pilai.

Dispela em bihain long Saut Afrika i mekim 9/451 ran long Tunde.

"Em i wok long mipela," Kallis i tok bihain long em i mekim 111 ran, namba tu 100 ran em i mekim long dispela wokabaut bilong ol i kam long Australia.

Narapela poroman bilong em Ashwell Prince i mekim 119 ran.

Em i tok 450 i bin mak em ol i makim long kamap long em bipo long pilai i stat na dispela tingting bilong ol i karim kaikai stret.

"Kain ran olsem bai givim sampela het pen long ol Australia," em i tok.

Long Tunde yet Australia i bin mekim 3-190 tasol aste Australia i pilai strong liklik na hapim i go antap long

SPOT RAUN



wantaim

SCOTT VAVINE

Lukluk go long 2006

WELKAM na gutpela Niu Yia, 2006!

Yes, nau olsem 2005 i go pinis na nupela yia i kamap yumi ol pilaia, opisel, kosa na referi na etministreta i mas kamap wantaim gutpela na strongpela tingting long ol pilai na wok bilong yumi, em long sapos yumi no bin mekim gut long 2005.

Long helpim yumi long mekim gut yumi mas tingim bek long wanem ol samting mi bin tok-tok long ol em long wei bilong kamapim na hoim ol pilai na kamap long ol pilai.

Mi bai mekim sampela askim gen long helpim yumi.

Namba wan ol askim i go long ol etlit/pilaia:

- PILAI yu stap long en em pilai o spot yu laikim long en?
- YU putim sampela mak we yu mas kamap long em/ol?
- YU mekim olgeta samting long bihainim olgeta trening progrem bilong yu?
- YU bin redi gut na kamap long dispela ol trening?
- LONG taim yu givim taim long trening bilong yu yu bin long wankain taim givim inap taim long yu yet long mekim ol samting bilong yu?
- YU bin wok bung gut wantaim kosa na ol wanpilaia bilong yu?
- TINGTING bilong yu i bin stap olsem wanem taim yu stap long tren na pilai na
- SAPOS yu bin sot long laik long kamap long tren na pilai wanem samting i bin pasim yu?

Askim i go long ol kosa, referi/etministreta:

- YU redim gut ol eksen plen bilong yu long kamap long ol mak em yu makim long en?
- YU bin kamap long ol gol o samting em yu makim long ol?
- YU bin wok bung gut wantaim ol pilaia na ol arapela opisel?
- YU save gut long ol samting em wanwan ol pilaia bilong yu laikim long en na yu bin traim long helpim?
- YU bin soim gutpela laik long mekim wok bilong yu?
- WANWAN ol memba long grup bilong yu i bin save gut long wanem samting em ol i mas mekim na
- YU bin amamas long wok bilong yu?

Wantaim kain ol askim mi hop olsem dispela i ken helpim yumi wanwan- ol pilaia na opisel long kamap gut long ol pilai na mekim gut ol wok.

Na long helpim yumi tingim oltaim mi askim sapos i gutpela yu mas katim dispela ol hap askim na putim long sampela hap oltaim yu ken lukim na helpim yu long ol pilai na wok bilong yu.

Sampela taim mipela i save ting olsem ol samting mipela i mekim em i samting nating tasol na i save kamap nating. Nogat. Long ol samting i kamap gut mipela i mas skelim gut na givim gutpela luksave long ol samting mipela i laik mekim.

Na gen mi askim long yupela olsem long ol pilaia sapos i gat sans long kamap long tren yu mas kamap na long ol opisel we i gat sans long go long ol kos yu mas kamap na lainim sampela nupela samting.

Gutpela tren na save i helpim long kamapim gutpela ol pilai na wantaim gutpela pilai nem bilong PNG i kamap gut.

Yumi mas save olsem ol liklik samting i save kamapim bikpela samting.

Taim yumi luksave long ol liklik samting na mekim gut dispela bai helpim yumi long mekim gut long bikpela samting.

Na dispela i wankain long ol pilai bilong mipela sapos mipela i laik mekim gut.

Aiyura amamasim Krismas

ragbi

James Kila i raitim

OL ples klostu long Aiyura na Kamanagera Veli long Isten Hailans provins i amamasim Krismas bilong ol wantaim gutpela ragbi lig pilai.

Nem bilong dispela pilai em Bantura-Tairora ragbi na nem i bihainim ples we dispela ol pilai i kamap long en.

Ol tim i kam long Tairora ples na ol setelmen klostu long Sama Institut bilong Linguistik long Ukarumpa, CRI na NARI long Aiyura.

Dispela gren fainol pilai long Niu Yia de i kamap namel long Mighty Sioks we ol manki long Tairora yut wantaim ol lain long Bae ples klostu long SIL.

Maski long bikpela ren we i wok long kam ol pilaia i no wari na brukim bun gut we long sampela taim yu no inap lukim man i ron tasol i luk olsem graun tasol.

Graun tu i pulap long wara na olsem ol pilaia i luk olsem i waswas long wara.

Long dispela hevi planti asua i kamap wantaim ol mistakol na drop bal. Tasol dispela i no pasim ol long pilai.

Wantaim ol manki Tairora na Bae em ol manki Bantuthe.

Dispela Niu Yia amamas i bin gutpela na olsem ol pilaia na sapota wantaim i kamap long ol pilai na lukim ol pilai.

Long stap tu long lukim dispela ol pilai em tonamen sponsa John Mawe bilong Mawe Investmen Limited, wanpela lokel kontrek kampani.



MAMA! Maski long bikpela ren, malumalum graun na bikpela gras ol pilaia i amamas long pilai olsem yu ken lukim long his we Sioks pilaia i kisim taim nogut long han bilong ol boi Kobos long Bantura- Tairora Krismas ragbi resis long Aiyura, Isten Hailans. Kobos win 8-5.

Gren fainol pilai i bin kamap gut we i nogat trabel i kamap.

Gren fainol pilai i bin kamap namel long Kobos na Sioks we dispela i lukim Kobos i abrusim liklik Sioks na win 8-5.

Namba wan trai bilong ol boi Kobos i kam taim man husat i trik gut namel ol birua pilaia, Martin Batao. Dispela trai i kamap wantaim helpim bilong brata bilong em Mu'u.

Bihainim dispela ol manki Sioks i kam strong long bekim tasol asua long taim nogut we ren i kam na ples i malumalum dispela i mekim ol i abrusim ol gutpela sans bilong ol.

Skoa i stap olsem inap long klostu long pinis bilong namba wan we dispela i lukim bikpela boi Konoti Arupi i skoa. Dispela i lukim tupela i dro 4-4.

Bihain long hap taim tupela

tim i kam strong gen long skoa. Pilai i go nating inap long klostu long namel long namba tu hap we dispela i ol Kobos i skoa gen na i bringim skoa i go antap long 8-4.

Ol Sioks i kam strong gen tasol ol Kobos i pasin olgeta rot. Ol Sioks i kikim tasol wanpela fil gol we i surukim skoa bilong ol i go antap long 5-8.

Skoa i stap olsem tasol inap

AFL PNG makim Cairns skwat

osi rul

LONG statim nupela yia AFL PNG i makim pinis meri tim long go pilai long Cairns, Australia sampela taim long dispela yia.

Dispela tim em ol i makim bihainim long nesanel sempionisip we i kamap long Lae long las yia.

Ol memba long stap long trening skwat em long Pot Mosbi, Hailans na Noten na Lae yet. Ino bin gat makim long Kimbe.

Planti bilong dispela ol pilaia i kam long Hailans/Noten na Lae wantaim 10-pela long wanwan ol dispela senta. Pot Mosbi Turas i gat 9-pela pilaia tasol long trening skwat.

Dispela Anda 16 skwat em Winnie Ben, Manda Ipat, Stephanie Avel, Jessica Pantumari, Madlyn Ila, Naomi Alopa, Mary Kove, Jodie Lavu, Theresa Tinai (POM), Caroline Kar, Antonia Collin, Angela Michael, Rachel Puri, Jennifer

Kot, Veronica Paul, Beta Pom, Stella Rex, Naomi Kar, Moni Plak (Hailans/Noten), Dominca Kalua, Ludwina Kalua, Lynnelle Lassah, Lylian Barnabas, Samantha David, Melissa Orevi, Concitha Lalo, Felicity Kugho, Beatrice Morric na Pauline Mondo.

Long Anda 13 manki tim em: Brandon Beno, Jolam Tobiat, Simon Malara, Lloyd Kivan, Xavier Simewa, Richard Arua, Alex Wari, Greg Iru, Junior Kapa, Robert Daniel (POM), Michael Topa, John Ogil, Max Paul, Job Dupi, Richard Stakeman, Joshua Kami, Calton Kerua (Hailans/Noten), Kenneth Buka, Douglas Sinewe, Israel Gambi, Arnold Giru, Willy Ben, Alois Luba, Marael Karogo, Blaise Makel (Kimbe), Peter Labi, Charles Herman, Junior Lami, Othral George, Lester Pisep, George Luvi, Lucas Litao, Patrick Mainaki (Lae).

Anda 15 manki em John

Kolongo, Elizah Ben, Sam Kasoreka, Thomas Dau, Eddie Tilik, Oglia Pena, Junior Kautu, Stanis Susuve, Douglas Banimbi, Willie Nicholas, Sebastian Gelu, Julio Hauta, Elva Sapea, Mark Bal, Jackson Beli, Johnson Meli, Maino Vele, Benjamin Peni (POM), Paul Umba, Filter Ropusa, Jasmine Gabb, Mika Pia, Raphael Tare, Jessie Nmba, Randon Popuna, Andy Mar, Job Kewa, Granger Pundu, Steven John, Junior Martin, Daniel Ruduz, Ian Kar, Ali Pinda, Graham Teddy, Charlie Arua, Ronald Livuana (Noten Raiders), Nelson Mou, Cyril Bokumo, Ronald Melky, Kiap Ronnie, Francis Ramauaio, Thomas Jambarufo, John Balangan, Willington Norman, Michael Murup, Peter Maira, Pascol Mondo, Kenneth Buka, Michael Sakail, Jeffery Namaete, Greg Laru, Elisah Erigne (Kimbe), Christopher

Supro, Max Toppa, Desmond Malakhu, David Sioni, Phenan Sioni, Jerry Etrik, Vincey Koren, Neville Koren, Neville John, Julius Yalom, Moses Tibong, Barti Jack, Malen Kangi, Larry Sam, Clive Cherake na Joshua Nawak (Lae).

Anda 18 skwat em Tobby Kovi, Benjamin Pakyei, Kester Morove, Eric Ken, Dennis Gaisa, Ismael Paul, Junior Kerikau (POM), Benjamin Pupune, Garnet Kerua, Joe Sidi, Isaac Pondra, Norbert Torato, Lucas Tumbe, John Kiap, Elisah Barewoi (Noten Raiders), Desmond Valuka, Jimmy James, Michael Valuka, James Melky, Walter Gaga, Timothy Kiale Herman, Gideon Liton, Ralph Vitunga, Lewis Kura (Kimbe), Jamie Lassah, Sebastian Gawi, Mckenzie Waiyne, Desmond Nalong, Vaibi Vaga, Raymond Minji, Rupa Sioni, Gary Moka na Stanley Bulo (Lae).

PNG anda-20 skwat pinisim gutpela trening

soka

PAPUA Niugini Anda-20 meri nesanel tim i pinisim gut tri-wik trening aninit long nupela Brazil tekniko atvaise Marcos Gusmao long Lae, Morobe provins long las wiken.

Long dispela tripela wik Gusmao i lainim ol meri long wei bilong stap strong insait

long pilai. Wantaim dispela em i lainim ol long tekniko samting olsem wei bilong pilai na wanem oda em ol i mas pilai.

Bihainim long trening planti meri i tok dispela trening i helpim ol long tingting strong long pilai bilong ol na long wei ol i pilai.

Ol i tok tingting bilong ol long kamap tasol na pilai nau i go

antap long as bilong ol long pilai. Long taim bilong pilai ol i no laik gat kain tingting olsem bikos ol i stap long skwat dispela i min olsem ol bai pilai.

Tingting bilong ol nau i stap long mak bilong intenesel level.

Long taim Australia i joinim Esia soka, PNG nau bai bungim Nu Silan na ol arapela

Pasifik kantri we wina bilong Osenia sempion bai makim rijon na kamap long Wol Kap long taim na ples bilong tokaut i no kamap yet. Kosa Luka Muta bilong Kimbe i askim sapos sampela ol meri long narapela ol senta mas trens-fee na skul long Lae na stap aninit long lukaut bilong Gusmao bipo long ol i go long Samoa long pilai.

PNG etletik tim redi long Komowelt Gem

etletika

PNG etletiks yunion (PNGAU) i redim ol yet nau long go insait long narapela levul bilong trening bilong ol long redi long Komonwelt Gems long Melbourne dispela Mas 15, dispela yia.

Dispela bai i lukim ol i givim sans long ol etlits long kwalifai long go insait long dispela gem taim ol i go long sampela resis long Brisbane we bai i kamap long ol wik i kam.

Etletiks Yunion i makim skwat bilong Komonwelt Gems yet tasol ol i makim sampela etlits husat ol bai i go long ol resis long Brisbane long ol wik i kam.

Dispela tim i stap olsem- ol man 4x100 mita rile skwat - Wally Kirika, Anton Lui, Andrew Doonar, Henry Ben na Fabian Niulai na man hedol - Mowen Boino.

Na meri skwat em Salome Dell, Toea Wisil, Mae Koime, Maria Kaupa, Cecelia Kumalalame na Betty Burua.

Presiden bilong PNGAU, Tony Green i tok Yunion i putim levul bilong ol i go antap tru long redim ol etlit long i go kamap long gem.

"Tasol long bungim dispela levul ol etlit i mas i stap insait long gutpela kompetisen.

"Kain ol lain olsem Sapolai Yao na Sandy Katusela i nogat lain long i salensim hia long PNG bilong wanem em i hat tru long kamapim ol gutpela na strongpela resis long PNG," Green i tok. Long Australia, bai ol PNG etlit i stap



TRAIM YET: Toea Wisil (rait han), wanpela bilong ol meri husat i wok long traim hat na kwalifai long makim kantri long Komowelt Gem.

insait long planti gutpela resis long Brisbane olsem Kwinnslen sempionsip long Januari 20-22 na Rebel Sport Super series.

Sapos i gat inap moni bai sampela etlits i go long Sidni long Australian Nesnel Sempionsip long Februari 2-5 na ol rilei skwat

long Australian klab rilei sempionsip long Melbon long Februari 19.

"Gutpela nius bilong ol etlit insait long 4x100 mita rilei bilong ol man em olsem ol sprinta bilong Nu Silan i stap long Brisben na bai i gat gutpela sans long ol i ken resis wantaim ol dispela man," Green i tok.

Tasol Green i tok ol i laik lukluk moa long levul bilong etlit we namel long foapela ol i lukluk long salim i go long Komonwelt Gems, Mowen Boino wanpela tasol i soim olsem em bai inap long kwalifai wantaim gutpela taim sapos em i stap insait long wanpela gutpela resis long Australia.

Ol narapela tripela em Katusela, Yao na Chris Bais bai i stap insait long sampela moa trael long Lae long narapela tupela wik i kam sapos ol i stap long kwalifai taim.

Long wankain taim PNGAU i lukluk yet long painim helpim moni long program bilong em.

"Maski mipela i kisim sampela helpim i kam long PNG Spots Federesen na Olympic Solidariti Program, em i no karamapim baset bilong mipela," Green i tok.

"Nau mipela i singaut long ol narapela husat i bin helpim mipela bipo."

Green i askim gavman long lusim moni i kam long ol we ol i tok orait pinis long en long 2005 baset we bai i helpim olgeta spot ol i makim long en long i ken redi gut long go long gem.

Hap hap spot

Lae lig miting

ragbi

-LAE ragbi lig bai makim ol nupela eksekutiv long nau avinun, Fonde 5 we siaman bilong Papua Niugini Ragbi Futbol Lig, Sir Bob Sinclair bai go pas long en. Dispela miting bai kamap long Lae Intenesinel Hotel na bai lukim planti ol olpela lig presiden olsem Russ Kaupa, Alex Dawa, Daniel Nandoma, Albert Jalmein we ol toktok i kamap olsem ol bai resis gen long kisim dispela sia. Ol nupela pes olsem Peter Kume na Martin Surab tu bai resis long sia tu. I gat hevi i wok long kamap long Lae Ragbi Lig na olsem Sir Bob husat i save gut long dispela hevi bai go pas long miting. I gat hop olsem wantaim lukaut bilong Sir Bob long miting ol bai makim gutpela man long ronim Lae ragbi futbol lig. PNGRFL i saspindim Lae ragbi lig long tupela yia bihain long ol klab presiden i rait i go long rausim ol fig opisel. Planti tok kros tu wok long kamap long we dispela edministreita i lukautim opis. Insait long dispela miting tu bai ol i lukluk long win prais moni bilong 2005 wina em 14 B Pirates. Ol i no kisim prais wantaim awot bilong gren fainol long mun Oktoba las yia na nau em nupela yia. Long dispela taim yet i nogat wanbel pasin wantaim olgeta opisel na dispela i mekim hat long ol klab.

Morata Swans winim Pakop kap

ragbi

OL Swans i bin mekim save long ol Bullets taim ol i winim ol 12 - 10 insait long Powes Pakop Krismas ragbi lig kap salens, tupela tim wantaim i kam long Morata yet, we planti manki ol i no wok tasol long pilai tasol ol i save mekim nem.

Ol Swans i no givim sans long ol birua bilong ol, ol pilai olsem Abraham Yobale, long frant olsem fowet i brukim bun stret long difens lain bilong ol Bullets na fulbek Nixon Nagle tu i mekim ol gutpela kik long bringim win bilong Swans.

Long seken hap kepten bilong swans, Eki Ene i no isi, em i paia gen wantaim ol manki bilong em go inap ol i kisim fultaim skoa we long winim pilai long 12-10.

Ol lain pilai strong long Swans em Eki Ene, Nixon Nagle, Stanley Douglass, Timothy Toa, Mathew Puka, Yobale, Charles Lee, Toni Bare, Koi Wek, John Gola.

Ogenaisa John Mauwi i tok amamas long sponsa long sapotim kain bikpela pilai long bringim ol yut i kam wantaim long gutpela sindaun.

Bikpela pilai tru i bin kamap long dispela wiken bilong Krismas we i lukim 12-pela tim i kam olgeta hap long Pot Mosbi siti olsem Hohola, Seven Mail, Eit Mail, Kone, Nain Mail, Foa Mail na Faiv Mail na pilai long ol pul raun.

Nu Ailan joinim PNGRFL

NU AILAN ragbi lig i afiliat long Papua Niugini Ragbi Futbol Lig bihain long ol i baim K9,500 afiliesen fi bilong ol. Dispela em bihain long sevenpela yia we ol i no bin afiliat long bikpela mama bodi bilong ragbi lig. Presiden bilong NIRL Ricky Fugonto i tok bipo long Gavana's kam we i kamap long Krismas taim olsem ol i bin baim pinis K500 afiliesen fi, K300 long rejisterim ol referi na K8,700 long rejisterim 286 pilai bilong ol. Em i tok ol pilai i stap long sevenpela klab we ol bai stap long pilai long dispela sisen. Ol klab em Kopkop, Kantri, N4C Panthers, Nokondi, Norths, Tarangau na Warriors. Dispela afiliesen fi i karamapim tu ol skulbol husat bai pilai long Anda 17 divison.

Bosking redi long Komowelt Gem

boksing

OL Papua Niugini boksa husat bai i makim kantri long komonwelt gem long Melbourne Australia long dispela yia i kamapim sampela strongpela trening long redi long en.

Nau ol i wok long pinisim fes hap bilong trening program bilong ol.

Papua Niugini Boksing Yunion sekreteri, John Avira i tok ol boksa i wok long pinisim laspela hap bilong fes hap long trening bilong ol. "Long krismas na niu yia ol boksa i stap long kemp na i no kisim taim long malolo tasol ol i trening yet. "Dispela hap



TREN HAT: Olsem yu ken lukim Billy Mamu (lep han) i traim han wantaim Jack Willie.

bilong trening bilong ol em i impotent tru bilong wanem em i karamapim fisikol fitness (trening bilong bodi long strong na i noken sotwin o tait hariap)," Avira i tok.

Em i tok tingting bilong ol em long mekim ol boksa i redi gut stret long taim bilong gem i kamap na nau ol i stap aninit long kosa Steven Tsivele.

Avira i tok taim ol i makim fainol tim bai ol i go daun long Melbourne long Februari 15 na bung wantaim bipo boksing kosa bilong Australia Beau Gerring.

"Beau i no niupela long

PNG Boksing, em i bin helpim Lynch Ipera long Kuala Lumpur komonwelt gems we em i kisim brons medol," Avira i tok.

Em i tok sapos olgeta samting i go orait bai tim i go insait lcong gems viles long lainim skin bilong ol long save long kol bilong ples ol bai i pilai long en.

PNG boksing trening skwat nau em; Jack Willie (48kg), Paul Lare (51kg), Rickson Yamo (60kg), Chavis Kora (64kg), Billy Kian Mamu (69kg), Toxie Seteme (69kg), John Korake (75kg), Vincent Kora (81kg).

Okuk bai no givim sans long bikhet pasin

ragbi lig

Paul Zuvani i raitim

LONG taim Okuk Mori Rogerson ov sisen ragbi lig pilai i go insait long fainol petron Rogerson i givim tok lukaut olsem eksekutiv bilong lig i no inap givim liklik rum long ol bikhet pasin we bai kamap long taim na ples bilong pilai.

"Ol eksekutiv bilong pilai na mi yet bai i no inap larim pasin nogut i go insait long ples na taim bilong pilai," Rogerson i tok.

"Long olgeta pilai i save gat wina

na lusa na olsem ol tim i mas redi long tok yesa long wanem mak ol i kamap long em."

Em i tok long ol lain husat i bin bagarapim wanpela referi long wanpela pilai bipo long krismas malolo bai kisim sampela kain mekimsave long lig.

Na long ol pilai yet bihain long raun 9 ol pilai nau bai go insait long ol fainol.

Na bipo long ol kamap long pilai ol i mas pulimapim wanpela fom we to long ol i mas baim olgeta fi bilong ol. Long wankain taim ol i

mas tokaut olsem ol pilai, opisel na sapota bilong ol bai i no inap long bagarapim ol opisel bilong pilai, referi o ol pilai o sapota bilong narapela tim. Ol namba wan sikspela tim tasol long wan wan ol pul bai kamap long ol fainol.

Dispela ol tim em long Pul A em A-D8 Mosquitoes, N33 KM Storms, Vanuatu Raiders, Gordon Ridge, Hebou Tigers na Limestone Bears. Pul B em Seven Mail Jets, Faiv Mail Spiders, Garden Hill Eagles, Pulumpa, Siks Mail Warriors na

Daima Guns. Pul C em FO Barbarians, Foa Mail Cats, Nain Mail Crushers, Backyard Cowboys, Gouna Nomads, Bomai Yal na Vadavada United.

Pul D em Makana Cowboys, Boroko Bulldogs, NBAA, Kone Sharks, Flames Nambis Storms na Moitaka Dragons.

Seketeri Albert Joseph long wanpela pas em i salim long dispela ol fainol klab olsem bipo long ol i kamap long pilai bilong ol i mas bai olgeta dispela pinis fi bilong tim afiliesen.

LAE BISCUIT CO.



WANTOK

S P O T S

LAE BISCUIT CO.



Barola Maunten amamasim Krismas

James Kila i raitim

PLANTI ol manmeri husat i save poret tru long ron long Barola Maunten seksin bilong Hailans Haiwe long Krismas na Niu Yia i bin gat bel-isi stret long Krismas na Nu Yia bikos nogat trabel o hevi i bin kamap long dispela taim.

Spots tasol i mekim na Barola Maunten i bin stap isi tru long Krismas na Niu Yia. Wanpelaragbi fig i bin kamap long dispela bikhet ples long Barola Maunten na olgeta Yut i bin go insait long pilai na ol tu i bin putim was long dispela han rot long ol birua long noken kamap.

Dispela ragbi lig resis em ol lain Isten Hailns Plis Haiwe Patrol wantaim ol komyuniti lida bilong Barola i bin kamapim i lukim bikpela intares tru i bin kamap namel long ol yangpela man na tu ol lapun i bin amamas tru long go lukim ol pikinini bilong ol i pilai.

4-pela tim olgeta i bin pilai long dispela kompetisen we i bin stat long mun Septemba i kam na fainol i bin kamap long Niu Yia stret. Dispela ol 4-pela tim em Oro Bulldogs, Ifkol Roosters, YC Rabbits na UK Easts. Insait long fainol we i bin kamap i lukim ol bagaros bilong Ifkol Roosters i winim ol lain YC Rabbits 4-1 insait long wanpela strongpela gem tru.

Dispela plisman husat i bin go pas long redim ol yangpela long pilai insait long kompetisen em Dick Tambua.

Em i wanpela strongpela as ples man husat i save gut long ol manki bilong em.

I go moa long pes 27...




PASIM EM: Bihain long 9-pela wik bilong pilai Okuk Mori Rogerson av sisen ragbi fig pilai nau bal go insait long fainol bilong ol stat long dispela wiken. Nambis Storms i wanpela bilong ol tim husat i mekim gut na go insait long ol fainol. *Lukim start pes 31*

SHARP
PNG's No. 1 Brand

RADIO CASSETTE RECORDER

TOP QUALITY MODELS TO CHOOSE FROM



K779.00

GXCD1300V

- Portable VCD/CD Stereo Component System • PMPO 200W**
- 2 Way 4 Speakers Surround Sound System and MP3 Function
 - 3 Band Graphics Equalizer
 - Variable X-Bass System
 - 4 Band (FM/AM/SW1/SW2) Tuner



K97.00

QT222WBK

- Radio Cassette Recorder that Delivers Quality Sound on the move • PMPO 20W**
- ALC (Automatic Record Level Control) Soft Eject Cassette Mechanism
 - 4 Band (FM/SW1/SW2/MW) Tuner
 - Built-in Condenser Microphone



K219.00

QTCD700W

- Compact and Stylish Portable CD Stereo System with Cassette Deck**
- PMPO 32W Built-in CD player
 - Built-in Cassette Deck
 - Built-in Inver Microphone
 - LCD Display for CD
 - 20-Programmable Playback for CD
 - AM/FM Stereo Tuner

BUY WISELY - ALL PRODUCTS BACKED BY BRIAN BELL'S WARRANTY, SPARE PARTS & SERVICE

AVAILABLE AT ALL BRIAN BELL STORES & AUTHORISED SHARP DEALERS NATIONWIDE

Distributed by: **Brian Bell** *Shop with a friend*